



Kenneth, Yusef.

1947

1490

19 3448

69142 312 ✓



﴿ کاشغر حاکی فخانملو یعقوب خان حضرت ترینه یازیلان ﴾
﴿ نامه همایون ﴾

جناب امارت مآب معالی نصاب سعادت اکتساب دولت
انتساب مظہر توفیق الہ امتثال غای امر جلیل (وجاهدوا
فی سبیل اللہ) جامع آیات نصفت و دینداری رافع ربات
ارجندی او کامکاری حالا توابع ولواحقہ کاشغر خطہ
جسیمہ سنک حکمدار دیانت شہاری یعقوب خان لازالت الویة
عزہ منصورہ ماتجدد الملوان صوب صوابخارینہ لائی مصافات
وتکریات مخالفست اسلوب و جواهر زواہر تسلیمات زاکبات
مخاندت مصحوب کہ الوار صدق و صفائی روشناسز مرایای ارواح
روحانیان و آثار بہجت ضیابخشاشی انشراح پرداز قلوب قدسیاندر

(انحف)

K45

1874

MAIN

آنحاف و اهدا اولندقدن صکره انهای محبت اتقا بودرکه
 جدآ لواهب العطايا بيناده مثبت وهویدا اولان روابط ثابتہ
 دینیه اقتضاسنجہ ہمیشہ ترقی جاہ و منزلت و مظفریت
 داوریلری دلخواہ ہمایونز و تزیاد شان و حشمت و موققت
 حکم۔ داریلری آرزو کردہ قلب مودت مشعونمز اولدینگی
 حالہ طرف۔ ذیشرف ملوکانہ مزہ اولان کمال خلوص و محبت
 و مزید اختصاص و مودت ثابتہ و حقیقیہ لری درجائندن بچملہ
 اول حوالیدہ (وکان حقاً علینا نصر المؤمنین) آیت کریمہ سی
 سر جلیلنہ مظہر تہ طائفہ باغیہ خطا و قلماق و شرزمہ شرفمہ
 اهل طقیان و نفاق علیہنہ اشغال نازہ غزواجہاد و اعلائی
 لوای نصرت اعتیاد اولنہ رق انوار شمشیر عدوتدمیر داوریلریلہ
 ظلمات ظلم و عدوانلری اہما وزیر تابعینارندہ بولنان مسلین
 تخلص ورہا و صوامع و سومات محلنہ جوامع شریفہ و مدارس
 لطیفہ وضع و انشا قلمش اولدینگی تفصیلات بشارت آیاتنی
 حاوی اقربا ی داوریلرندن مفخر الامائل و الاقران عالیجاہ
 سامی مکان یمقوب بک واسطہ سبیلہ حضور فائض النور
 ملوکانہ مزہ تقدیم اولنان مفاوضہ دلکشای مخالفت بیان
 و مراسلہ نزهت افزای مصادقت نشان حکمداریلری رسیدہ
 موقع وصول و زیب راخہ حسن قبول اولوب شامل اولدینگی
 بشارت عظمی و وزدہ جہان بہا باعث سرور اوقی و بادی
 مسرات لانحصی اولہرق میرمومی الیہ دخی لازمہ سفارتی
 کابینگی اجرا و مأمور تبلیغی اولدینگی خصاصاتی لسان صدق
 بیان الیہ عرض و انبا ایلش و دربار ملوکانہ مزدن رخصت
 انصراف استحصالیلہ اشبو جوابنامہ ہمایونی بالاستصحاب
 صوب مکارم اوب حکمداریلرینہ عزیمت نما اولش و توثیق

روابط مخالفت نیت خیریه سبیلہ سفیر مومی الہہ تودیعاً ذات
 سامی داور یلرینہ برنجی رتبه دن برقطعه مرصع نشان عثمانی
 و برقبضه مرصع سیف الہہ بعض ادوات اهدا قلمشدر
 بعد ازین دخی صوب تاجدارانہ مزئی دوام مصادقت و مودت
 حکمداریلرلیله حائز مسرت و حق زبردستانده کماکان (ان الله
 یأمر بالعدل و الاحسان) بلاغ جلیلی مفهوم حقیقہ توفیق
 حرکت بیورملری شیمه مصادقت کستری و دیانت پرور یلرندن
 مأمول قویدر باقی همیشه نیل آمال بتوفیق رب المتعال آماده
 و باب و ظفر مفتوح و کشاده باد بالنبی وآله الامجاد

فی ۷ ج سنه ۹۰

﴿ اشبو نامه همايونہ جواباً حاکم مشار الیهدن کلان ﴾
 ﴿ عریضه نك عرضنه دأر تذکره سامیه ﴾
 کچنده ارسال واحسان بیوریلان نامه مکارم صنوان و سیف
 و نشان فیض افشائی کمال تعظیم و سرور عظیم الہہ
 بالاستقبال فرمانانہ مرسل التفات شموی تاج سراپتہاج
 و توقیر و سیف و نشان عالینک تعلیقہ میان و سینہ مفخرت
 و دعوات خیریه جناب ملوکانہ نك تکرار یلہ ذہ لسان محمدتئی
 تزین و تنویر ایلدکن صکره یوز یاره طوب انداخت ایتدیره رک
 اعلان شادی و مسار ایتش واشبو اعطاف سنیه عموم اہالینک
 فوق الغایہ باعث مباہیج و مباہاتی اولش ایدوکندن بختہ
 اولبابدہ ذاتی و بالجملة سکنہ دائرہ حکومتی نامنہ اولہرق
 تحدیث نعم ولی نعمت بیمنت و عتبہ علیہ المرتبہ کیتی ستانیہ
 تجدید و تاکید ارتباط ورقیتی حاوی و کچنده سفارتلہ استانبولہ
 کلوب مؤخرأ عودت ایدن یعقوب بکک واسطہ تبلیغ محامد

واختصاص اولیٰ اوزره بوکره دخی در سعادته کوندر ایدیکنی
 محتوی جانب جلیل المناقب شهر یاری به کاشغر امیری فحامتلو
 یعقوب خان حضرتلری طرفندن مبعوث عریضه ایله
 ترجمه سی عرض و تقدیم اولندی مآلندن استنباط
 ایدلیدیکی وجهله آفتاب شوکت سلطنت سنیه نیک آسیای
 وسطایه قدر انتشار انواری ایله نفوس کثیره دن مرکب
 بر جمعیت جسمیه اسلامیه نیک آستان بلند ایوان ظل الهی به
 خواهشکر اکتساب عبودیت و انتساب و سکه و خطبه لرینک
 نام نامی واسم ساسی جهانبانی ایله قیمتدار وزینتیاب اولمده
 اولسی وجود مسعود مراجع آلودی مولای متعالمک ملک و ملت
 لطف عدیم الامثال و علوهمت سعادت نمودی قوت و مکت
 دولتک بادی حصول واکالی اولان پادشاه قدرت پناه افتد مرک
 شان و لوازم خلافت کبرانک تمامیت و تکمیلی امرنده اتخاذ
 و ابراز بیور مقدمه بولند قلمری تدابیر و صنایع نجات غایانک انظار
 و افکار عالمده حاصل ایدیکنی حسن تأثیراته دال و عصر
 عال العال میامن اشتمال همایونلرینه اقتزان ایله سایه سماپایه
 تاجدارانه لرنده بو مثللو مآثر حسنه نیک مشاهده سنه مظهریت
 دخی کافه بندگانه کوره شرف بی همال اولمده دعای افزایش
 عمر و اقبال و عظمت و اجلال خلافتیناهی بتکرار رفع اجابتکاه
 جناب پروردکار قلندینی و مومی ایله یعقوب بک امیر مشار
 الیهک تشکرات و اخلاصاتی شفاهاً عرض ایتمک و کندوسنک
 مظهر بیورلینینی عاطفت علیادن طولابنی دخی بالذات ایقایی
 وجیهه شکرانیت ایلمک ایچون خاکپای معلا حضرت
 پادشاهی به یوز سوومک نیازنده بولندیفندن رجای معروضی
 قرین اسعاف الطاف اتصاف شهنشاهی اولور ایسه تسبیب

و فرمان بیوریه جنق وقت وساعته مابین همایون طرفی اشرفنه
 اعزام اولته جنقی افاده سیله تذکره شاوروی ترقیم قلندی افندم
 فی ٢٧ ر سنه ١٢

﴿ حاکم مشار الیه بعض هدایای سنیه ترتیب وتسری ﴾
 ﴿ استیذنائی شامل تذکره سامیه ﴾

کاشغر امیری فحامتلو یعقوب خان حضرتلری طرفندن
 کچنده سفارته در سعاده کوندرلش اولان یعقوب ک شوکوندرده
 عودت ایده جنک اولوب نزد شرفند جناب پادشاهیده عرض
 و بیانه حاجت اولدیغی وجهله خان مشار الیه اول و آخر مظهر
 بیورلدیغی الطاف و عنایات علیای ظل اللہینک شاکری
 و بتسون متعلقات و توابعاتیه دعوات خیریه و مدایح جلیله
 جهاندارینک ذاکری اوله رق وجود مسعدت نمود شهر یاری
 ایله رشک آور آسمان اولان مقام معلاى خلافت کبرایه ازدل و جان
 ربط رابطه عبودیت و تابعیت ایتش و کندوسی و دأره حکومتک
 اهالیسی ذاتاً قوی الاعتقاد و بناء علیه اظهار ایلد کبری آثار
 ارتباط و اختصاص شایان اعتماد بولتمش اولدیغنه و یا امیر المؤمنین
 ندای تعظیبات احتواسی ایله دخیل باب مرحمت ماب
 ملکداریلری اولان بوشللو حکمدارانک تلطیف و تطیبی
 ولی نعمت بیتتمز پادشاه شوکت پناه افندمز حضرتلرینک
 علو شان عظمت نشان شاهانه لری لوازم مقدسه سندن
 بولندیغنه مبنی لوامع لوای عالم پیرای شهنشاه ظفر کستر رونق
 افزای خطه کاشغر وجهله سندن قلوب و عیونى یکی باشند
 مسرور و منور اولق و سفیر مومی الیه تودیمه ارسال اولمق
 اوزره خان مشار الیه آیت مناسبه ایله محرر رسیحاق واوزری

طفرای خرای همایون ایله موشح و مرصع بر ساعت و بقیه سی
 كذلك مرصع و صرمه ایله معمول بر خلعت کبی بعض هدایای
 سنیه ترتیبی اراده محاسن افاده خلافتناهی به معلقاً تخطر
 اولندی ایسه ده قاطبه احوالده امر و فرمان و عنایت واحسان
 پادشاه عظیم الشان افندمز حضرت تریک ایدوکی بیایله
 تذکره ثناوری ترقیم قلندی افندمز

فی ۲۶ ر سنه ۹۲

﴿ حاکم مشارالیه کوندریلان دیگر نامه همایون ﴾
 جناب رفعت مآب محاسن مجبول سعادت نصاب دولت
 انساب فحامت موصول متعصم عروة الوثقی (اطیعوا الله
 واطیعوا الرسول) کاشغر خطه جسیه سنک مع ملحقاتها حکمدار
 دیانت شعاری یعقوب خان زاد الله عزه ما تجد الموان
 حضرت تریک صوب صوابنا رینه جواهر حب نام و کواهر و داد
 و احترام که لواص صدق و صفای انجلا بخشای مجلای
 ارواح و ضیا فرمای مرایای انبساط و انشراحدر
 انخاف و اهدا اولندقدن صکره نعیقه مودت اتقا بودرکه حمداً
 لواهب المأمول بیغمده پذیرای حصول اولان روابط مشیده
 دیانت وانی تقدیراً جانب عرفان مناقبلندن ابراز اولنان آثار
 مخالفت و مخادنت اقتضاسنجیه علی الدوام ورود پیام صحت
 و عافیتلری منتظر همایونمز اولدینفی حالده مقدما کوندریلان
 نامه موالاته نشاه و هدایای شاهانه مزدن طولای بیان ممنونیتی
 و اوراده دولت علیه مز سنجاغنک کشاد و خطبه و سکه لده
 نام ملوکانه مزک تلاوت و یاد اولنتمده ایدوکی افاده سنی حاوی
 اقربای داوریلندن مفخر الامائل و الاقران عالیجاه سامی مکان

یعقوب بك واسطه سیله كچنده ارسال قلنان مكاتب مرغو باری
 اخذ اولنهرق مزایای حقیقت استوا و سیر مومی الیهك
 افادات صداقت پیماسنه اطلاعز حاصل و تقدمات مرسله
 حكمرانیبری دخی واصل اولدی من قبل الحق مودوع
 ید مؤید پادشاهانه من اولان خطب بالا قدر خلافت عظمناك
 و طائف مقدسه سندن بولندیغی وجهله ترقی انخطام
 حكومت بیه و تزیاید سعادت احوال تبعه لری نخبه افسكار من
 و بونی تبشیر و تأمین ایدن وقایع خیره هر بار باعث
 مسار من اولدیغی مثلوكرك ذات معالی عنوان وكرك بالمعوم
 منسوبات وز یردستانلریك سوی تاجدارانه منزه اظهار بودغه
 دخی تأیید و تکرار ایش اولدقلری تمایل و ارتباط وجدانی
 نزد مرده محظوظیت و فیره بی استزام ایش و مومی الیه
 یعقوب بك اكمل مأموریتله عودت ایتدیكندن تمادی
 مظفر تیلرینه فال بهجت نثار و صوب شهریارانه منزدن یادكار
 اولق ایچون سوره مبارکه قهك فاتحه فیوضات رایحه سی
 آیات بشارت بیناننی محتوی برلوی عثمانی الیه و مصاحف
 شریفه مطبوعه دنده بشیوز نسخه مصحفه مرصع برخاعت
 وساعت اهدا وانلره علاوة باب هالیزدن مبعوث دفتر موجبجه
 برطاق ادوات دخی اسرا قلمش اولغله وصولرنده حسن قبولی
 و اخلاص معروضلریك تقدیر شهنشاهانه منزه قرین اولدیغناك
 سلام سلامت اتسامنه نزدیکاً لازم كلنلره تبلیغ و تبشیری الیه
 كاكان ایغای شریطه مخالفستكاری به و اعتیاد دائمیبری
 او زره بعدازین دخی (ان الله یامر بالعدل و الاحسان) بلاغ
 جلیل مفروض التجهیلنه بالاعتیاد اهالی حقلزنده نشر مائر رحم
 ووداد الیه اتمام شعائر حكمداری به همت بیورملری مأمولدر

باقی همه آن بتوفیق خدای مستعان تیسر نیات و تکرور
فتوحات ایله دلشاد و خندان اولهز

فی ۲۵ ج سنه ۱۲

﴿ حاکم مشارالیه کوندریلان فرمان عالی ﴾

جناب اصالت مآب معالی نصاب شرف اکتساب جامع
آیات دینداری رافع رایات سعادت و کامکاری حالاتوابع
واواحقبله کاشغرافلیمک حاکم صاحب الاعتباری یعقوب
خان اطلم الله تعالی بدور عزه من شارق العز والاجلال مقدا
جانب عالی مجمع الاعالی پادشاهانه مزه ابراز اتمش اولدقلری
آثار مصادقت و مخالصتک نزد شرف مند همایونمزده اقرآن
ایتدیکی حرمت و تقدیردن اکتساب ایدیلان شوق و مسبار
ومباهات واقتمارک تفصیلاتنی مشعر و بلبلمله ارکان واهالی
ذعای شاهانه مزری تالی اولهرق باب شوکت مابمزه رابط
تابعیت وانتساب و قلمرو داوریلری لوی سعداحتوای
تاجدارانه و خطبه و سکه لر نام خلافت اتمای شهریارانه مز
ایله زینتیاب اولدیغه و بعدازین بلا انصراف وانقصام
طریق اخلاص وانقیاده ثبات و دوام اولته جفته دأر
اقر بارندن افتخار الاکابر والاکارم جامع المحامد والمکارم المختص
بمزید عنایت الملك الدائم یعقوب بک وساطتبله تقدیم حضور
فیض نشورمز قلمنان مکتوب متضمن الودادلری منظورمز
ومیر مومی الهک تودیمات خالصانه وکاشغرامارتک اکبر
وارشد اولادلریه توارنی حقنده ارزانی مساعده علیه مز
ایچون وقوعبولان تمنیات امیرانه لریه متعلقاً عرض ایلدیکی

افاداتی معلوم اولدی بر مقتضای قوه جاذبه اسلامیة
 میانده ارتباط و مودت معناً موجود ایکن درگاه فیوضات بنانه
 جهاندارانه مزه شو صورته اظہار و تکرار اولسان مآثر
 تسلیمت انی فعلاً دخی موقع حصوله کتوره رک مزید محظوظیت
 و باره استحقاق لرنده تضاعف توجه و محبتی موجب اولدیغی
 کبی آسیای و سطاہه معتمم جبل متین شرع انور
 و مرایای صفوت نمای قلوبی انوار دیانتله منور اولان اہالینک
 مقام معالی اتسام خلافت علیامزہ ربط رقاب منسوبیتله
 ابراز ایندکلی آثار اخلاصکاری دخی منولیتیری استلزام
 ایلہ رک بونک و مطاوعت معروضہ زری عند محاسن پیوند
 پادشاہانہ مزده مظهر قبول اولدیغنک نشانہ علیسی اولوق
 و خطبہ و سکہل اسم سامی ملکدارانہ مزله تزیین اولنوق
 و اولوالید دولت علیہمز سخجافی کشاد ایدیلوب شکل ورنکی
 تغیر اولنماق و شوارتباط و اتباعه وقتاً من الاوقات خلل طاری
 اولماق اوزره مسند امارت کماکان عہدہ استیہالکده ابقا
 و جناب نباهت نصابلرینی تشریفاً و کافہ منسوبات
 وزیر دستانلرینی تلطفاً صوب فحیمانہ لرینہ برنامه نامی اترخاقانی
 و سورہ مبارکہ قہک ایت بشارت بیاتی حاوی برایت
 مسعود عثمانی ایلہ سائر بعض ہدایا ارسال قلمش و عباداللہک
 مأمور حفظ و حمایتی اولان ارباب حکومتک مودوع
 یدامانتری بولتان جمعیت بشریہک تظہم امور و تقیم
 اسایش و حضورینہ اعتنالی کندولرینہ اک بیوک و ظیفہ
 مقدسہ و مشروعه بولندیغی مثللو بونلرک انقلابات روزکار
 ناپایدار و تغیر اصول وافکار ایلہ گرفتار تفرقه و پریشانی
 اولملاری ایچون ایشک اتیسنی تأمینہ تثبت و اہتماملریدہ رتبہ

وجوبه منتهی و وراثت ماده سنده کی ارزو و مطلبی بوکا
 مبتنی کورندیکندن سالف الذکر کاشغر امارتک شرائط
 محرره ایله برهوجب استعدا اکبر وارشد اولادلرینه توارث
 وانتقالی خصوصنه دخی اراده مکارم معناده شهنشاهانم
 شرفریز صحیفه سنوح و صدور اولمشدر ارتق مفطور
 اولدقلری درایت و فطانت مقتضاسیجه حق احقرنده بوجهله
 ظهوره کلان عنایت و مساعدات عالیهمزی اوسرنو تقدیر
 وسلام سلامت انجام واهالی مرقومه مفارنده کمال توجهات
 مراحم اتسامری ایجاب ایدنلره تبلیغ ونبشیرایله هر بار ایغای
 شریطه خصوصیته بذل همت وقاطبه احوالده سکنه و تبعه به
 نشرعدل و داد ایله جمله سنک وسائل استراحت وامنتی واجبات
 اموردن اولغله بوازمهمه فوق العایه دقت الیتری وعلوم
 و معارفک و حرف و صنایع و زراعتک تزئید و توفیری و طرق
 و معبارک تسویه سیه و سائط نقلیه نک تسهیل و تکثیری مدنیت
 و معهوریتک و سائل مقتضیه حصولیه سی بولندیقندن بوشیلرک
 و مملکتک احتیاجات و خلقک قابلیت واستعداداتنه کوره دها
 سائر لازم کلان تأسیسات و آثار نافه نک میدان فعل و وجوده
 ایصالنه برده نظر حقایق ینلرنده مخفی دکادرکه مجبوریت
 صحیجه اولدقجه بحاربه مجهواته العاقبه ایله اشتغال وانکله
 و بوصولله بیهوده اضاعه نفوس و اموال ایتمکدن ایهه حسب الحال
 عالمک هرجهتنده مختار و متخذ بولنان مسلك فلاح صلح و صلاحه
 کتمک من کل الوجوه خیرلو اولقین الیوم تحت امارتلرنده واقع
 برلرک حسن اداره و محافظه سی و حکومات متجاوزه به معاملات
 دوستانه و نیات مسالمتکارانه ارائمسی و مملکتلرک مدار ثروت
 و عماری و حکومتلرک سبب صحیح مکنک و اقتداری اولان

امرام تجارتك توسع دائره رواجي اسبابك استكمالي ايله
 داخل ترقیات لازمہ نك استحصالتہ سعی و غیرت ایتلمی
 مطلوب و منتظر ملوكانہ مز اولدیغنی اصلاماً وافهاماً دیوان
 ہمایوندن اشبو فرمان عالیشانم اصدار قلدنی

فی ۱۵ رجب سنہ ۹۲

﴿مقام جلیل صدر تعظمان حاکم مشار الیہ یازیلان جوابنامہ﴾
 جناب افخم و اکرم صاحب العز و الحشم مجلیٰ حلیۃ سعادت
 پریایۃ دیانت و ایمان مجلیٰ انوار فضل و عرفان حالخطۃ
 وسعی کاشغردہ حاکم معالی نصاب فحامتلو ابہتلو یعقوب
 خان زادالله مجیدہ الی یوم الحساب حضرتلرینک بزم نباہت
 انتمی شریف و نادئ صفا بادی لطیفلرینہ از خزانیۃ
 دل مولات اتصاف جوهر صاف مایۃ تعظیبات و تکریمات التحاف
 اولندقدن صکرہ رقیۃ مودت اشتمال و نیمیۃ صادق المائل
 بودرکہ عتبۃ کواکب کوکبہ وسدۃ سنیۃ سما مرتبۃ حضرت
 شہنشاہی بہ بر مقتضای جاذبۃ میل درون کچن سنہ عرض
 ایتمش اولدقلری آثار ارتباط اختصاص نموندن طولایی
 بارۃ استیہال انارۃ فخیمانہ لرنده بارقہ انداز اولان نور
 ناشر السرور تلطیفات ملوكانہ نك بالذات وبالعموم نہ و جمہلہ
 باعث تشکر و افتخار و خطبہ و سکہ لڑک نام نامی جہانبانی
 و قلمرو داوریلرینک رایت فوزآیت عثمانی ابلہ نہ صورتدہ منور
 وزینتدار اولدیغنی افادات حقیقت بیناتی حاوی اقرابی
 نجابت احتوالرندن افتخار الامائل والاقران یعقوب بک
 دام عزہ واسطہ سیلہ ارسال بیوریلان مکتوب متضمن الوداد
 نوازش مفادلری رسیدۃ دست ایچمال اولہرق تشدید

(و تکرید)

و تأکید روابط خصوصیتی محتوی جانب انسانی جانب تاجداری به
 مبعوث عریضه مخصوصه لری در آن رفع حضور فیض نشور
 شهنشاه خلافت عنوان قلمش و میرمومی الیه پای صیون آرای
 پادشاهی به جبهه سا و التفات حیات بخشای شاهانه به نائلیته
 حازر فخر لایحصا اولشدر رونق طراز اورنگ بالای دولت علیا
 شرف پرداز تخت و الای سلطنت عظمی مهر تابان آسمان
 اشفاق و عواطف پرتوفشان جهان افضال و عوارف
 مظهر تأییدات خالق الارض و الافلاک خلیفه شهریار
 کشور لولاک اعتلا فرمای منقبت جلیله نعم الملوك شوکت مآب
 عمر سلوک افندمز حضر تفرینک ایجاد کرده حسنان
 پرورده شهنشاهانه لری بولنان شعار بمدوح مستازم الفتوح
 اسلامپناهی و قدر آگاهی اقتضاسنجیه مقدا اظهار اولنان
 ارتباط و اخلاص نزد فرد عنایت مند معلاده معزز و محترم
 اولدینی حالده انک بودفعه ذخی تجدید و تحکیمه و قوصبولان
 همت نیهانه لری بر قاندها محظوظیت مورث المنخرت
 کیتی ستانی بی استلزام ایدرک بوئی و آرزوی کرامیاری وجهله
 سند امارتک عهدہ مسلم الاستحقاق لرنده ابقا و علی طریق التوارث
 اکبر و ارشد اولاد لرینه توجیه و اعطا بیورلدینی تبشیراً
 و ذات شرافت سمات و بالجمله ارکان و منسوبات لرینی تشریفاً
 و توقیراً طرف سامی لرینه بر قطعه نامه مکرمت تبیان همایون
 و بر فرمان ذیشان موهبت مشحون الیه ملفوف پوصله
 موجبجه سائر برطاقم تبرکات نفیسه و مقدسه اصدا و اهدا
 بیورلش و مقام عظمت اتسام خلافت مشروعه و منضمیه
 شووجه و جیه الیه کوستریلان مآثر انقیاد و مصداقت سابقه
 متبینه اسلامیت ملابسه سیمیه ارکان دولت مؤیده انک شادی

و خشنودینى جلب ایلهرك مدح و ثنا وستایش مستثنائى
 هربارتذكار اولمقده بولمىش اولغله قاطبه احوالده نائل توفیق
 الهى و حامل جايل عافیت و اقبال نامتاهى اولمى دعامنه
 تردیفاً محصول مساعى مقبولة امارتیناهلری بولنان اشبو
 توجهات و توجهات منج الفيوضات جهاندارینك تبریک
 و تسعیدینه ابتدار قنندینى و قالدیكه مضمون نامه نامى اثر
 و منطوق فرمان کرامت کسرتدن مستبان و موحى الیه یعقوب
 بلك تبلیغات شفاهیه سندن دخی بالا طرفی قرین سامعه
 و باقان اوله جنی اوزره سعادت و سلامت احوال حکومتلرینك
 تزیید و توافری و بلدان وزیر دستانلرجه معموریت و ثروت
 و استراحتك ناس و تکاری ملترم عالی جناب ظلیت پناهی
 اولوب بمقاصد مستوجبه الفوائدك حصول ایسه تسهیل
 و تسریع نقلیات و مخبرات ایچون طرق و معاریك ممکن مرتبه
 و رفته رفته تنظیمی و علوم و معارفك نشر و تعمیمی و زراعت
 و حرثات و صنایع و تجارتیه دلالت و کفالت ایده جك تدابیر
 و اسبابك استحضار و تمینی و حب الوقت عالمك هرجهتمنده
 منمخذ و مختار اولان مسلك فلاح صلح و صلاحه منسلکاً حفظ
 آسایش و حکومات متجاوره ایله حسن آمیزش اولنه رق
 مجبوریت شدیدله اولدقجه اختیار محاربه مجهولته العاقبه ایله
 اتلاف اموال و نفوس مضراته سبب اوله جق حالان و وقوعاتك
 منع دائمیسی خصوصات خیر منصوصاتنه وابسته بولندیقندن
 شود قایق مهمه به فوق الغایه دقت و اهتمام بیورلسی امید
 و انتظارینك علاوه سی دخی عن الغیاب سوی کریمانه لرینه
 اکتسابیله منتیاب اولدیغم حرمت کامله و محاندت غیر متغیره نك
 سوقیله تنویر مدعای خیر خواهی به وسیله اتخاذ اولندیغی

رهن علم حقایق آشناییلری اولدوقده صوب سپاسداری
مهر و محبت مخاص شناسیلریله مشمول اولسی اخص
مامولاندر

فی ۱۹ رجب سنه ۹۲

﴿ مصطفی نائلی باشمرحوم مأموریت فوق العاده ایله ﴾
﴿ کریده بولندیغنی هنکامده مقام صدارتدن کندوسنه ﴾
﴿ یازیلان تحریرات ﴾

آتویده ظهوره کلان مظفریتی متعاقب رسمو قائمقاملقنه
مراجعت اللش اولان یونانلوزک عزالدین واپور همایوننه
بالارکاب پیره به کوندرلدکلرینه . ومعهود پان الینون
واپورینک ینه برطاقم مهمات وحشرات ایله آماده حرکت
اولدیغنی استخبار اولنسی اوزرینه جریان ایدن معاملاتنه
وفوکا واملو طرفلرنده متحصن

ایله همپالرینک حصر و تصبیقی ایچون نه وجهله سوق قوت
ایشلش وفرمان عالینک انفاذ حکم جلیلی ضمنده دخی نه صورتله
تدبیره تثبیت بیورلش ایدوکی تفصیلاتیه دیکرافادات واطخاراته
دائر رأساً وجواباً وشوالک اون دردی نارنجیله مورخاً رسیده
دست تکریم اولان محمرات علیه آصفانه لری بالتقدیم منظور
معالی موفور حضرت پادشاهی و اجراءت مبسوطه جلته
موافق مطلب بولنه رق ممنونینه بادی اولمشدر مزایای
اشعاراته کوره جانب فسدن مؤخرآ ومتوالیاً وقوعبولان
تهیجات و تشجیعاتک تأثیری ایله اوراجه اثر ضلیان وعصیان
هنوز کلیاً زائل اوله مبهرق بالعکس شعبه لر حاصل ایش
ودرسعاده استنلان آدهلرده دخی برنوع کوشکلک حس

اولمقدمه بولنش اولوب نمره هم مصروفه خدیویاریله بوکرید
 حادثه سی بتش حکمنده کور نور ایکن الیوم اختتام کلی
 حاصل ایده مامسی بر طرفدن ذات حیت ستمات دا ورائه لرجه
 محن و مشاق سفریه یی و بر طرفدن دولجه مشکلات عظیمه یی
 جلب ایتمکده بولندیغندن و غیرت مسئله دینداری و وطن پروری
 کرامیلرینک مشقت جسمانیه یی تحمل ایتمه بره جکنده شبهه
 یوخیسه ده بونک بزجه بک بیوک اثری اولدیغندن شو ایکی
 شی خدا ییلورکه همیزی المناک ایده یور التحاق جزیره
 مادامسی و قرعاتی حقنده فسدنک نشر ایتمکلی تصورات
 و اقواله ایشک اوزامسی نوبو و آن بآن قوت و یرمکنه
 و اور و پاده اولان قومیتلر دولتلری دخی بویوله اماله ایتمکده
 اولوب حتی ... دولتی طرفندن دول سآره یه بعض تبلیغات
 و قوصولقده اولدیغنه و نزد حقایق آشنایلرنده تعریفدن
 مستغنی بولدیغنی و جمله بوکریده مسئله سی یالکز کریده منحصر
 قالمیبوب بتون تبعه مسیحیه تک احوال و اداره آتیه سی
 و ... زوم ایلی طرفندن دخی توسیع حدودی ماده سی
 موضوع بحث ایلدیکنه و بودغه ... دولتنک معاملات
 خارجییه سی حاوی قره زه عرض اولنان اوراق رسمیه ده
 دولت صلیه وار قوتی بازوبه و یردیکی حالده کرید اختلالنی
 التی آید نبرودر با صدیرمغه مقتدر اوله مدی یولو بر طاقم تأسف
 اولنه جق و حال عمومی دولته مضراوله جق سوزلر کورلدیکنه
 نظراً خدا نکرده ایش ازاجق ده اوزایه جق اولدیغنی حالده
 بک فنا نتیجه لری دعوت ایده جکی ارتق تحقق ایتمشدر عون
 حقه و تدابیر حسنه آصفانه لریند استناداً براز امید قالدی ایسه
 اوده همان شو بر قاچ کون ظرفنده جزیره ده اولان اشقیای

اجنبیه نك هر نه صورتله اولور ایسه اولسون کلیاً و کاملاً
دفعلری ایله حاصل اوله جقدر بنابرین وعد عالیبری
اوزره شقاك ارقه سی برآن بر اقلیوب و هر طرفلی تعقیب
وزرده باش کوستر و تحصن و اخفا ایدرلر ایسه همان ضرب
و تدمیر ایدیلوب و خارجدن مهمات و حشراتك منع دخولنه
چالیشیلوبده بش اون کون ایچنده بر غلبه مکمله علامت
و صدای اعلان و اظهار اولندیغی تقدیرده اورالجه حاضر لشمش
اولان نیتلر میدانه چیقمه میوب دولت علیه نك شان و حقوق
سنبه سی محافظه اولشمش و هیئجه و ملتجه ایفای شگری
ناقابل پك بیوک بر خدمت بیورلشمش اوله جغه و طلب والای
داوریلری و جمله عزالدین و اسماعیل و اپور همایونلری
ابلقه خدمته تعین قلندیغی مثللو ارطغرل و اپوری دخی
درونه بر بلوک شهنشاهی عساکر نظامیه قونیلهرق کذالك
بو خدمتده بولمق ایچون اول طرفه کوندرلدیکنه مبنی
حصافت فطریه و خاکپای عالی ولی نعمته مصادقت
مجریه کرامیلری اقتضاسیجه حصول مطلبه وصولک اسباب
مؤثره سنی از سر نو تعجیل ایله بوندن صکره اله جنمز اخبارک
ان شاء الله انکریم مزده فتح کامل اولسنه همم جلیله خدیوانه لری
شایان بیورلسی تمنیات مخصوصه سنک تکرارینه و قالدیکه
جز بره دن کله جک آدی لک از سالی صورتی جمله سنک
طو پلانسنه حصر ایدیلوب بونلردن کلنر اولدجه طاقم
طاقم اعزامنده ایشجه و شایعه جه محسنات کلیه کور یله جکندن
بوراسنک دخی اخطاریته ابتدار اولندی باقی امر و اراده
حضرت من له الامر کدر

﴿ سردار اکرم متوفی عمر پاشا به کریدده بولندیغی ﴾

﴿ ائناده کوندریلان تخریرات سامیه ﴾

احوال حاضرہ جزیرہ و حرکات موجودہ حریبہ اوزرینہ بعض افادات و مطالعاتی حاوی رأساً و جواباً و میرالای عزتو رضا بکہ تودیعاً ارسال بیوریلان محررات بہیہ آصفانہری طابقہ ورود ایتمش و اوراجہ قتل عمومی وقوعنہ دائر اغیار طرفندن نشر اولتان اراجیف حقنہ کوندریلان نیمیقہ ثاورینک جوانی و مقالات مجوئہ نک مکذبی اولقی اوزرہ مؤخرآ یاور مخصوص ایله ائنان تخریرات دولتری دخی مطالعه قلمشدر

روش اشعارات علیہرینہ نظراً حرکات عسکر یہ بہ فاصلہ و برلیہ رک اشقیانک طرف طرف تہہ لئمکده اولسی تمامیلہ موافقی مطلب و انتظار اولہرق نزد عالیدہ و جملہ عندندہ استلزام شادی تام ایلیوب دعای بلخیر موفقیت و عافیت سامیہری تکرار اولنمش و شو قتل عمومی سوزینہ ذاتاً وجود و برلمدیکی حالده وقوعبولان تبلیغات و تأمینات صحیحہ و واضحہ سردار اکرمیلری امیداصلی بہ یعنی کال مهام آشنایی و حکمپروریلی اقتصاسنجہ اولہ شیلرک ظہورینہ قطعاً جواز و میدان و برلیہ جیکی حقنہ اولان و ثوق قلبی بہ برقاندا قوت و برمسیلہ برابر اثبات مدعا بہ صورت مطلوبہ بدہ کافی کورندیکندن درحال بورادہ و اوروپادہ لازم کلان سفارتارہ افادات مقتضیہ اجرا ایلمشدر

صوب صوابنای داوریلرندن دخی ایراد بیورلدینی و جملہ اطہی آتشکاہ ہیمان ایدن آلت ذاتاً خارجدن قولانیلان فساد یلپازہری اولدینی حالده بردہ شمدی سفائن معلومہ نک

اورایه کلوب فاملیا نقل ایدیشی اشقیایی دها زیاده امیدوار
 ایدہ جکی درکار ایسده نہ چاره کہ کچندہ مالا قوف واپوریلہ
 مرسل اخطار نامہ مخصوصہ دخی بیان اولدینی اوزرہ
 سفن مرقومہ نک اورایہ کیدیشی دولتری طرفندن باب عالیہ
 مراجعت و تحصیل موافقت ایدیلہ رک وقوعبولمش شی اولدینی
 کبی منع کلیسی اسبابی دخی مفقود اولوب مع مافیہ بزجہ اصل
 یایلہ جق و فوق العادہ دقت اولنہ جق شی چونکہ اشبو
 کیارہ طوغریدن طوغری بہ ممانعت کوسترلسہ ایش برقاتدہا
 ایلولہ رک سررشتہ مداخلہ عظیمہ ویرلش بلکہ خدانکرده
 اورادہ بولنان دونمای همایونہ سوہ قصد وقوعنہ بہانہ
 کوسترلس اولہ جقندن اولجہ دخی اشعار اولدینی وسفارتار
 طرفلندن رسماً سوز ویرلیدی وجہلہ یالکز نسوان وصیبیان
 نقل ایدہ جک سفن اجنبیہ حقارندہ رد معاملہ سی اظهار
 اولنماقلہ برابر حرکات حربیہ بہ قطعاً خلل کتورلیہ رک
 بحول اللہ تعالی اشقیانک از برمدت ایچندہ بتون بتون ضرب
 و تنکیلی ایلہ سلطنت سنیہ نک کریدی ویرمہ جکی وارباب
 شقاوتک هر وقت حقندن کلککلکہ مقتدر اولدینی صلاحت
 و آثارینی میدانہ قویعق قضیہ سیدر زیرا بعض دواتلر ایشی
 اورادن حالی مفاسد معلومہ یہ ویرمیوب کویا تنکیل اشقیایہ
 تمامیلہ افتدازمز اولدینی مقالہ سیلہ ترویج افکارہ چالش مقده
 اولقندن ناشی بوکا قارشو کلک ویرم کوسترمسون مصلحتک
 براز دها امتدادندن حاصل اولہ جق مضرت عظیمہ ملکہ
 وناموسیہ بی دفع ایتمک ایچون وار قوتی بازویہ ویرمک فرض
 مثابہ سنہ کلشدر ہم بوقضایای مسلہ بی شفاہاً تفہیم ایتمک ہمدہ
 ذات والای دستوریلری حقندہ وضابطان وامرای مسکرہ

حفرنده طرف اشرف حضرت شهریاریدن تطبیقات مخصوصه
تبشیر واجرا و بوبابده اولان اراده قطعیة جناب جهانبانی بی
تکرار و انبا انک اوزره یاور حرب پادشاهی میرالای عزتلو
رضابک بوکره ژیا واپور همایونیه کربده اعزام بیورلش و مصلحتک
اغزلئی و اهیبتی ذاتاً معلوم عالیلری اوله رق تفصیلدن ازاده
بولنش اولقله میرمومی الیهک بالاطراف استماع افادات واقعه سینه
شو مطلب مهمک بر ساعت اول استحصائنه بذل مساعی و همت
وانکله برابر اغیاره وسیله تزویر و اشتکا اوله جق شیلرک دشمنی عدم
حدوشه کماکان نصب نظر اعتنا و دقت بیورلشی کمال کرمی
و انتظار ایله رجا اولنور باقی اراده افندمکدر

فی ۱۰ ر سنه ۸۴

﴿ عالی پاشا مرحوم کربده ایکن صدارت قائم مقاملغنده ﴾
﴿ بولنان فؤاد پاشا طرفندن کندوسنه یازیلان جوابنامه ﴾
و... و... سفارتلری طرفندن کربد مسئله سی حقیقه
عرض ایدیلان صورت تسویه بی وائک اوزرینه مجلس
مخصوص وکلاده دوران ایدن مذاکراتی حاوی عطوفتلو
صبحی بک افندی حضرتلری بنده لایله تقدیم قلنان مریشه به
جواب حکم آرا و مکمل نواقص آرا اولوق اوزره احسان
بیوریلان تعلیمات حقایق آیات خدیو افخمیلری روشنی سازصین
افتخار و انتظار اولدقدن و منظور ذقایق نشور حضرت
پادشاهی بیورلدقدن صکره انجمن خاصده قرائت اولندی
و میر مشارالیهک مودوع قوه حافظه سی اولان اوامر جلیله
داورانلری دشمنی کشایش بخش اذهان و ایقان اولدی
وجود به بود آصفانلری فن حکمت و حکومتک نسخه فادرسه سی

(ورای)

و رأی رزین اصابت قرین صدارت پناهی لری هیزک متم افکار
 قاصره سی ایکن امرنامه سامی خدیو یلرینک فاتحه و خاتمه سنده
 کشیده سلك سطور اولان درر تعبیرات متواضعانه
 بالجمه مستمعین و خصوصاً بنده مخالفت رهینی عرف ریز
 شرم فراوان و تلاوت حاشیه حاشا کاریده یکن زبان ایلدیکندن
 اشبو التفات علی الدرجات رحیمانه لرندن طولایی عرض کمال
 شکر و محبت و جناب ارحم الراحمین جسم مسعود خیرآلود
 فحیمانه لرینی تمامی عافیت و صحت ایله الی الابد مسند
 معالی فخامت و ایتده بردوام و مکن بیورمق دعای واجب
 الاداسیه دخی یکی باشند تزیین لسان مصادقت اولنور
 ذکر اولنان سفارتلرک ایراد ایلدکلری صورت تسویه اگرچه
 خالصه و مخلصه ایسه ده قبولنده نیجه کچیدلر وارکه هسی
 مذالق الاقدام وردکللی طریق دخی بشقه بر قنطره
 خطر انجام اولدیقندن طرق مخاطرات ملحوظه نك اورتیه سنده
 بر جاده ساله و امینه بولوب اکا کتمکده رأیا تمهد ومع مافیه
 قاطبه امورده بدرقه شهره تسیرات اولان اراده اصابتعا ده
 داور یلرینه دخی چارچشم ایله منتظر و مترقب ایدرک مطالعات
 معروضه اوزرینه وقوعبولان امر و اشعار عالی اصفانه لری که
 تقنیش مشترکک حاصل ایده چکی مضراتک یکان یکان تمهید
 و تفصیلی و جزیره و یریلان مساعدات و یایلان نظاماتک
 بالاطراف شرح و توضیحی ایله سفارتین مشارک الیه بیهامه بر جواب
 اعطاسی مرکزنده داردر اشبو ملاحظه صائبه خدیوانه لری
 اتحاد اصلی به بر قاندها قوت و یرمش و چونکه اورایی
 تشریف میامن ردیف و کالت پناهی لرندن اول اطه نك اصول اداره
 و اصلاحات مقتضیه سی حقنده وعد ایدیلان اجراءات مواعد

..... دن عبارت ایکن جناب معلا آقاب خدو اعظمیلری
 پوشیلری فعلاً و تماماً تنظیم و اثبات بیورمقدمه اولملریله ایشته
 پادشاهمیزک وکیل مطلق و فسخی شو یولده تأسیس نظامات
 واطه اهاالیسنک حالاً و موقعاً محتاج اولدقلری مادهلری
 تنظیم ایله دفع احتیاجات بیوردی ارتق ایلر وسنده یایله جق
 بر شی کورنمیور دیمک ایچون دست ادعایه پک کسکین بر
 سلاح مدافعه دخی کچمش ایدو کندن تعریفات سنیه آصفانه لری
 احکام فوائد اتسامندن اقتباساً و مسئله نك مبدأ و منتهاسنی
 ایضاحاً بر جواب مفصل نهیه اولنوب و ایشک واسطه
 مسئله سی اولسی حسیله بوجواب ابتدا لساناً تفهیم قلوب
 لزوم کورینور ایسه سفارتیده برابر اولق اوزره محریراً
 دخی تبلیغ اولنمی تنسیب ایداش و ایجابی دردست عرض
 واستیدان بولنش اولغله نتایج نك نوبت آتیه واپور یله اشعار یسه
 مسارعت قننور

شوگرید مسئله سی ذاتاً بودرجه تجسم ایتدیره جک مسائلندن
 اولدینی حالده یادکار لک اعظامات و محریکانی و محلنجه دخی
 حصر بحرینک بعض مرتبه ظهور نقصانی و سائر اسباب
 متنوعه نك جریان ایله عظیم برغائله هائله اولمش ایکن مأموریت
 محاسن منقبت خدیوا کر میلری بونک اثار مضره سنی کلیاً دینه جک
 صورته دفع و انحا ایلدیکندن و الیوم ازه صره ظهوره
 کلان حرکات شقاوتکارانه دخی عادتاً حیدودلق یولنده
 اوله رق، بوا یسه هر یرده وقوع بولمقدمه اولدیغندن انظار اصحاب
 انصاف بوماده بی حقیقه تمش کورر ایسه ده نه چاره که نظر عرفان
 اعجاز نشان صدر تیناهیلرندن مستور اولدینی وجهله دوست
 معلوم بونی مارتیه قدر اوزادوب واکا منتهی اوله جق مدت

ایچنده برشی یاییله مدینی تقدیرده ذروه کھسار افکارنده
 حاضرلدینی سیل فساد و فتنه بی صوبسوجوش و خروش
 ایندیروب خدا نکرده حصول استقلال و حقوق دولت علیه بی
 سیلابزده خلل و اندراس ایتمکله چالشمقندن برآن و دقیقه
 خالی اولدیفنه و کندوسنه قارشو سویلنه جک و هیچ بردولت
 محقه و متمدنه په یاقشمز صورنده کوستردیکی اوضاعک قبیحات
 و معاینی یوزینه چار په جق پک چوق اقوال و دلائل وار
 ایسه ده حیفا که بر مقتضای حکم زمان بر طاقم حکم
 مروجه المرامک محکمه غیر محکمه عدالت و نصفتمنده اسکات
 خصم غالب متعسر الامکان بولندیغنه بنا سلطنت سنیه جه
 هر نه یاییلور ایسه یاییلوب مارتدن اول حادئه مهوت منهانک
 ختام کلیسی چاره سنی استحصال و اظهار ائیک مرتبه و جوبه
 واصل و بو دخی اتخاذ بیوریلان تدابیر حکمت سمیرک توسع
 و تقریرله حاصلدر

اگرچه مارته قدر اشقیادن جزیره اوزرنده هیچ کیسه
 قالمسون و آثار عصیان درکشی کاملاً مندفع اولسون دیمک
 بلکه محالی نمی ایتمکدر لکن برکره دوار منشکله حفظیه
 جزیره نیک اقسام کلیه سنی شامل اورق نظامات موضوعه
 بو برلده یعنی اطه نیک اکثر جزیره جریان ایلدیکی و آثار بغی
 و عصیان بعضی طافله تپه سنده قاهره حقیقه بر خر سزاق
 درجه سنه ایندیکی حالده اول وقت ایشه بتمش نظریله باقدیر مق
 وشو فوق العاده حاله بر نهایت ویرلیک قابل اوله جفی جهت
 بو مقصدک حصولی تدابیر جلیله و هم علیه خدیوانه زینک ثمره سی
 اولق اوزره قویاً مأمول اولدینی کی بو بایده مرکز جه
 دخی هر نه یاییلق و نصل جالیشلق لازم کلور ایسه بو کاده

یکیدن تشبث اولمنسی جله مذاکرات اقتضاسا دن بولندی
 محاط علم عالم آرای صدارتپناهیلی بیوردقدنه امر و فرمان
 حضرت ولی الامر کدر
 فی ۱۷ ش سنه ۸۴

بودخی

مرکز ولایتجه مصالح مهمه تک ختامپذیر اولسنندن وقتدیه
 جهتجه محتاج تحقیق و تسویه بر طایق باشار بولمنندن ناشی
 اورایه مینت افزای وقوع اولان تشریف عالی و تدابیر
 متخذه اصابتکاری صدارتپناهیلرینه دار ارسال بیوریلان
 امرنامه فحمانت علامه خدیو اکرمیلری دیگر محررات معالی
 آیت آصفانه لریله برابر درحال مابین همایون جانب اشرفنه
 جلب ایله مشمول نگاه شوکت اکتناه پادشاهی بیورلش
 وانجمن مخصوص و کلاده دخی قرائت ایدلشددر روش
 اشعار سائی داورانهرینه کوره قندیه قطعه سنک اطراف
 وانجاسی محافظه و محافظدن خالی و اکثر قراونواحیسی اهالیسی
 تعدیات عصاادن محفوظیتلری ایچون متشبث اذیال لطف
 عالی اولدیغندن تزیدد قوه صگریه سیله سریعاً اجراآه
 باشلانلشنه و بلوقحاووزلک انشاسنه قرار ویرلش اولوب
 سلطنت سنیه تک حفظ سعادت و سلامتی بولنده و بتخصیص
 شوکرید مسئله سنده ذهناً و جسماً اختیار بیوردقلمری زحمتلر
 تحملکداز ایکن برده بالذات جهت مذکوریه توجیه کتیبه
 معدنله ترتیب و سائط تحفظیه و اصلاحیه به تشبث بیورلسی
 صحیحاً مظهر معنای حیت و معین مزایای علوهیت اولهرق
 نزد معالی وفد شهنسا هیله فوق القابیه محظوظیتی و هیئت

(عاجزانه)

عاجزانه مزجه دخی فرط تشکر و محبتی استلزام ایلیکنه بناء
 فاتحه اذکار هر بار اولان دعای روز افزونی عرواقبال وعافیت
 واجلال خدیو یلرینک تکرار یله تزین لسان صدق فشان
 اولنمقده ایلوکی بیانیه تقدیم عریضه مصادقت فریضه به
 مبادرت قلندی باقی امر و فرمان حضرت ولی الامر کدر
 بودخی

جو کره دخی شرف و رودی ایله کسب شادی و مباهات
 ایلدیکم محررات عالیة داورانه لربنک اجوبه پریشان
 گفتاری معروضات مخصوصه ایله تقدیم قلندی شمذیک
 کستخی تصدیق بی دکه بیه جک بشقه برشی اولدیفندن تأثیر
 درد افتراق ایله ناله دار و روبراه انتظار اولدیفم حالده ناخن رأی
 وتدبیر باهرالتیسیر صدارتیناهیلربنک بودواتده نیجه معقدات
 معظمات اموره واسطه انحلال اولدینی کبی شوگر یزد
 مسئله سنی دخی قریاً حل و اصلاح ایدرک عودت میامن منقبت
 سنیه لری دعای مفروض الاداسنی هر بار تذکار و تکرار
 ایتمکده و جناب ترتیب فرمای اشهر واصوام مشاهده امتثال
 غیر متناهی سیه خورشید ذات مستجمع المحسنات و کالتیناهیلربنی
 برج شرف درج اقبال و صفاده بر دوام بیورسون دخول
 ایدن شهر صیامک وظیفه تبریکه سنی دخی علاوه وظائف
 رقت ایلمکده بولندیفم رهین علم جهان پیرای خدیو اکر میلری
 بیورلدقده امر و فرمان حضرت ولی الامر کدر

﴿ بر منظومه ﴾

نور چشم مفخرت ای نجل پاک شهریار
 صاقلاسون اقدار دنیادن سنی پروردگار

هر زمانك اولسون ای شهزاده عالی تبار
 سایه شاهنشاه عالمه رشك نو بهار
 آسمانی سیر و تنویر ایلدیکجه اختران
 عاقبتله مستدام اولسون شه شوکت نشان
 کم نظردن ذاتکی محفوظ قیلسون مستعان
 قلب عرفان او بیکی ایتسون همیشه پرمسار
 یوق مشابه اول شهنشاه عظیم القدرته
 اولدی بادی ارتقای قدر و شان دولته
 اعتلا بخش ابتدی ذاتکله جیوش ملته
 اولسون عمر و شوکت و اقبالی بی حد و شمار
 پادشاهم زیب و فر و برسون سریر شوکته
 ابر مسون عصر سعادت پاشی حد غایته
 پیر کویستر سون سنی ربم ولی نعمته
 روزگار ایتسون افسندمله دمام افتخار
 بشقه دامن پیله مک کویستر مسون مولا بکا
 پادشاهه جسم و جان ناتوان اولسون فدا
 حق تعالی یاور ایتسون حفظ و توفیقن سکا
 اول شه ذیشان ایله بر لکده دائم صاغ و وار
 و نصل لطف و عنایت که شو عبید عاجزی
 ایلور شوق و سرور و افتخارک حازی
 اول شرفدن دور و محروم ایتسون الله بزی
 فر قزده سایه شاهانه اولسون بر قرار
 شهریار مرتکب کارم ایله سن وار ایکن
 چاکر خاصک ختام عمره دک چکمز محن

التفاتكدر بكا بخش مباحات ایلین
 مهر لطفك ذره بیقدره ویردی اقتدار
 شفقت واعطاف واحسانك بی دلشاد ایدر
 شاد ایدر خندان ایدر وارسته فریاد ایدر

بودعایی روز وشب عبد کینک یاد ایدر
 کورمسون آیینته قلبك غبار انکسار
 آفتاب عالم آرای سمای شوکندن اقتباس نور افضال ایله منور
 اولان ماه نجابت اکتناهه تقدیم عرضحالہ اجتسار بیرون
 حوصله بندہ ذره مقدار ایسهده « جسارتی ایدردم بویله
 دستاویز ناچیزه * اگرچه بیلسیدم قصه مور و سلیمانی » نشیده سی
 عرض منظومه رقیب موسومه به بادئ جرأت اولدی

قبول وردینه فرمان سنکدر * شهنشاهک قوی کنعان سنکدر

﴿ بر عریضه ﴾

خاورستان شمس الطاف واعطاف یعنی آستان کیوان ایوان
 مشیرمراجم اتصافه معروض یا کر ذره مقداردر

جناب مولای متعال تقدس ذاته عن الشبهه والمثالك آفتاب
 فیض بیدانیسی ایله سمای علی الاعلائی سلطنت سنیه بی
 تنویر وانوار لطف بی همتای صمدانیسی ایله عیون اعیان
 وعالمیانی قریب ووردیغی آن نجات فشان که ولی نعمت بیتمتیز
 ظل الله فی العالم و شهنشاه شوکت پناه عالی هم افندمزیاد شاهمز
 حضرتلرینک « ویردی اورنک جهانداری به فر عبدالعزیز »
 مصداق حقیقت التصاقبجه بالشرف والاقبال رونق افزای
 سریر معالی سمیر خلافت واجلال اولدقلری روز مسعود خیر نموددر
 اول تاریخ مفاخر نشور دنبرو کذران ایدن روزان
 وشبان سایه فیوضات مایه شهر یار دارا دربانده کافه عباد

واهالی به اسعد احیان اید و کنین و حبیبة مقدسه تبریکات و محامد
 مائر برکزیده و محاسن عدیده؛ خلافتناهی ایله اعصار سلاطین
 سالفیه غبطه فرما اولان طغرل عدوح ناشرافتوح ولی نعمت
 قدرت احتوائک هر ساعت و دقیقه سنه لازم و عاهد اولسلیله بواجز
 استحصال و سائل ایله عتبه علین مرتبه مشیرا کرمیلرینه تقدیم
 عرضحال اجتماساره علو عفو و رحم عبد پروری فحیمانهری
 رخصت بخشا و مظهر استرار (سبحان الذی اسری) اولان
 شب معراج غفران ایتاج ایسه بو وظیفه نظیفه نک اجراسنه بادی
 اجترأ اولغله جناب ترتیب فرمای شهور و سنین قرآن مبین
 و مناقب جلیله اشرف المرسلین پیرایه ساز السنه مسلین
 و خورشید و قرطلعت پاش آسمان وزمین اولدجه ذلت ظلیسمات
 حضرت شاهانه بی باکال تهنیتی و عافیت دیهیم عظمت
 و سبم سلطنت و شوکتده مستدام و مکین و مهر رخشان
 عالم بالای افضال و کالدن اقتباس نور فطانت و عرفان ایله
 مشار بالبنان و خصائل برکزیده علم و هنر و معارفده
 سابق الاقران و احق مدحه سرور شهزادگان اولان جناب
 نجیب عوارف نصیب ولی التعمیرینی دخی همیشه مشاهده لوامع
 دیدار بهجت نثار شهشاهانه ایله مسرور و کامین بیورمق درود
 متصل الورد اجابت موعودینک تکرار ایله مبتلانه و متضرعانه
 رفع رقعته رقت بیانه اجتماسار قلندی باقی امر و فرمان
 حضرت ولی الامر افندمز کدر فی ۲۷ رجب سنه ۹۲

بودخی

ذره نک مهر سپهر عزته معروضیدر

عجز و ابتهاج تجسم ایتک لازم کلسه برخی نمونه می نفس ناچیز

(مستبدانه می)

مستندانه سی اوله جفنده شبه اولیان بوچا کر بیوایه و کم بضاعه نک
 مطلع اوار افضل و منع جویبار معارف و کمال اولان
 حضور نجابت موفور جناب افخمی به تقدیم آثار و معروضاته
 اجترائی « ثریا قنده سن قلده * نشیده سنک موافق مدلول و فحواسی
 ایسه اول اعجز عبادک مظهر بیوردینی حسن نظر میامن پرور
 مشیرا کرمی مدار جسارت و مواسم مبارکه نک معافیت تقاصیره
 دلالت و وساطتی بوجسارته باعث تقویت اولدیفته و اامت ناجیه
 محمديه ایچون ذاتاً مسعود و محترم لیکن « نور فیض مستعانک
 طوغدینی شیدر بوشب * حضرت شاه جهانک طوغدینی شیدر
 بوشب * ماه برج عز و شانک طوغدینی شیدر بوشب * حضرت
 شاه جهانک طوغدینی شیدر بوشب * اشرف آوان عالمدر اولیل
 پرسعود * اسعد احیان عالمدر اولیل پرسعود * مولد سلطان
 اعظمدر اولیل پرسعود * حضرت شاه جهانک طوغدینی شیدر
 بوشب * اقترانی جمله مستانم شوق مزید * بدکان آنکله ایلر
 عید بر بالای عید * دهره ورسون زیب و فر کلدیکه هر سال
 جدید * حضرت شاه جهانک طوغدینی شیدر بوشب * بکره مز
 بشقه شبه بولیل هجرت اتما * عالمه بر لیله الخیر بشارت احتوا * ماه
 و بچمدن ایدرارض و ۱۳ کسب ضیا * حضرت شاه جهانک
 طوغدینی شیدر بوشب * ارتقای دولته بولیله بمن اتسام *
 جانب حقدن برات اقدس سعد اتسام * فرقدن سایه سن
 دور اتسمون رب الانام * حضرت شاه جهانک طوغدینی
 شیدر بوشب * نیرین اولدیکه اقلیم سمانه برقرار * شاه ایله
 شهر اوده مز صحتله اولسون صاخ و وار * عرض ایندیر تبریکنی
 عبد عدم الاقدار * حضرت شاه جهانک طوغدینی شیدر
 بوشب « آیاتک مضامین حقیقت قرینی اوزره حضرت

ارحم الراجينك بقای سلطنت عظمیٰ حقنده تقرر اراده
 ازلیه سنه برهان و جسم دولت و ملته روح و جان اوله زرق
 احسان بیوردینی وجود بهبود محاسن نمود شهنشاهینک
 تنویر مهد معالی شهود ایلدیکنه تصادف و شو مصادفت
 مقدسه ایله برقاها تین و تشریف ایدن ایله برات مسعدت غایاتک
 ایضای لوازم تهنیتی اقدم و وظائف عبودیت بولندیغنه
 مبنی من القدیم نعم جلیله ولی نعمت بینت عیم المرحمتک پرورده سی
 و الطاف ضعفا پروری جناب رحیمانه لریک احیا کرده سی
 اولان بنده احقر و کتر یوزلرینی خاکه و غبار پای فیوضات پیمای
 افخمیلرینی دیده نمناکه سورهرک باکمال شرمساری و حجاب
 رفع رفقه رقیب نصابه اجتسار ایلدی باقی امر و فرمان حضرت
 ولی الامر افندمز کدر فی ۱۴ ش سنه ۹۲

بودخی

افندمز سمای معالی نجابت و فخامتده مثلی نایاب آفتاب
 و بوعبدنا توان ایسه کردونه کردون نمونه اشخیمک کدرگاه
 سلامت اکتناهنده اک کوچک بر تراب ایکن فرق وضع
 خاکسارانه سنده لمعه پاش ظهور و شب و روز مسرت انداز
 قلب مصادقت موفور اولان توجهات علیه الدرجات رحیمانه
 اوزرینه هروقت و ساعت غبار پای فیض احتوا ایله تکمیل دیده
 مفخرت اعظم و وظائف عبودیت اولدیغی حالده چاکر کتری
 بعض عارضه لک شو نعمتدن دور و خصوصاً عجزه بندکانک
 تکییم خاک قدم میامن توأم ایچون لیل و نهار نصب انظار انتظار
 ایلدک لری مواسم مسعدت و سامم که حلول عبد و سال جدیددر
 او کونلرده دخی ایضای وظیفه دن مهمجور ایدیشی تکثیر و تشدید

اتش حزان و ذاتاً مفقود اولان عقل و شعوری کلباً مسلوب
 و پریشان ایش ایدی شواحوال سوزش اشتمال صبح و لیل
 بادی ملال اولمده ایکن جامع محاسن اخلاق و مستجمع مکارم
 و اشفاق اولان قلب مرحت اوب ولی التعمینک یاد ضمه فای
 عبادی اعتیادینه دال اولوق اوزره نام عجز اتسام مستندانه نک
 حضور فیوضات نشور افخمیده مذکور اولدیغنه دائر سامعه
 رقبتی تشنیف و خاکپایه قوللغیمک حاصل ایلدیکی مباهات
 و مباهیجی برقاندها تزید و تضعیف ایلان مزده باعث حیات
 جسم نیم مرده و موجب اندفاع اکدار بنده پژمرده اولسیله
 جناب حی قدیر تقدست ذاته عن الشریک و النظیر پادشاه
 بی انداد محاسن ایجاد افندمز حضرتلرینی کمال صحت و عافیتله
 الی اخر الدوران سر برارای شوکت و اعتلا و ولی نعمت زاده یکتا
 و مشیر کزین بی همتامزی دخی پیرایه بخش مسند عز و علا
 بیورمقی دعای مستجاب و مستطابنک تکرار یله تزیین لسان
 محمدت قلمقده ایدوی و واسطه عرض حال پریشان مال ایل
 ایکی قطعه منظومه تاریخیه عرض آستین فیوضات افشان
 اولندیغی محاط علم حکم محیط جناب افخمی بیوردقده
 امر و فرمان حضرت ولی الامر افندمز کدر

فی ۵ صفر سنه ۱۲۹۲

جهانک پادشاهی حضرت عبدالعزیز خاندیر
 سر برارای شان و شوکت ایتسون ریمز هرگاه

وجود پر سعودی نسخه مبروکه افضل
 انی یکتا براتش حضرت خلاق بی اشباه

شهنشاهلق شعار و شانن ايجاد ايلدى ذاتى
 كشاد ايتدى حصول انتظام دولته شهراه
 كالات و فضائل ذات بى همتاسنه مخصوص
 جهانہ كلامش كلز دها بر اويله شاهنشاه
 خصوصاً اقتباس نور عرفان ايلوب اندن
 نيمای علی تنوير ايتمهده شهزاده آگاه
 افندمله افندى زاده اولسون خرم و دلشاد
 سرور بال ايله اقبال ايله اجلال ايله هرماه
 خلوص بال ايله انشاد اولندى شو ايكي تاريخ
 اولوز هر روزوشب جله صياده زيور افواه
 صفای نجل بى مانند ظل الله اوله افزون ۱۲۹۲
 مشير اعظمه نوسالى مبروك ايليه الله ۱۲۹۲
 ديگر

مباينة شاهانده مرزاد ايلوب اقبالكى
 ايلوب بى حد واحصا عمركى اجلالكى
 • آرتيروب هركون سرور وانسراح بالكى
 حضرت مولى مبارك ايليه نوسالكى
 اى وجودى مفخر فيض آور شهزادكان
 اى غبار آستانى كل چشم بندكان
 پادشاهمه سنى صاغ ايلوب هر برزمان
 حضرت مولى مبارك ايليه نوسالكى
 منتشر انوار عرفانك سراسر عالمه
 باديء خيرت علومك دائما هر اعلمه
 مظاهر اول توفيق بى پايان رب ارحمه
 حضرت مولى مبارك ايليه نوسالكى ۱۲۹۲

(بودی)

خامه در تارافخمینک نقش کزین ومداد اعلکون بهترینی ایله
 شرفند وزفتیاب اثر نفیس و سلیس بلاغت مآب که مدیحه
 « احسن الخطوط » مخصوص وصف و ثنای و خوش نویسان زمان
 عاجز ستایش مستثناسیدر هزار هزار « بارک الله » ایصال
 روح مهر و ماه قلنرق فرق تکریم و تعظیمه قونلدی
 ولی نعمت زاده جهانک استماع و مشاهده محاسن آثارى عباد
 صبه علیای حضرت شهشاهینک مدار مستقل افتخاری
 اوله رق ایسته اول عالی کهر خزانه نجات و اول مشیر
 عرفان پرور فحامت منقبتک مهر سپهر کالات و فضائلدن یعنی
 « وجودی آفتاب آسمان فیض مولادر » فروغی لاله پاش
 عالم بالای آادر « نشیده سی مختص هدایح ذات قدسیت آیات
 یدانیسی و بنای دولت و سلطنت و مبانی علم و معرفتک
 مجدد و بانیسی بولنان پادشاه عالیشان مددوح الخصائلدن
 اقتباس انوار ارادات و تعلیمات سعادت غایات ایله اکتساب علوم
 نافعیه میل و رغبت و از کون ایچنده ابراز ملکه و مهارت
 بیورملری حقیقه شایان مغرت و مادام الحیات برات
 مباهات اوله جق بویه بر اثر بیستایه افتران ایسه نائلترینه کوره
 جهانندن اعز بر نعمت اوله نغز و تشکر بر برندن افزون
 و لسان مصادقت افشان ربحر تعالی و تقدس (ن والقلم
 و ما یسطرون) مشهور صحیفه منیفة قرآن مبین و کتب
 و دواوین انجمن آرای تدریس و تدوین اولدغیه شوکتلو

قدرتو عظمتلو شهنشاه عديم الاشباه عيم الكرم وولى نعم عالم
 افندمزی باكمال صحت و مسرت تخت بختيار جهاندار يده
 برقرار وسايه فيوض اتوايه همايونلونده شهزاده معالى نژادمزى
 دخی قرين انواع شادى و مسار بيورمق دعوات خالصه سبيله
 مشخون اولدينى حاليه من غير حد اشبو عريضه پريشان مال
 عجز اشتمال ايله حضور نجابت نشور افخمى به فرش جبين
 ابتهال قلندى باقى امر وفرمان حضرت ولى الامر
 افندمز كدر

(بودخى)

جناب خدای مستعانك امت مقدسه محمدیه و صنوف سائر
 دولت عليه به زمان فيض نشان رحم و احسانى و طالع سلطنتده
 اتوار سعادت و بختيارينك تاريخ التماح مفخرت افشاني
 اولان روز فيروز جلوس همايوندنبرو ولى نعمت بيتنمز پادشاه
 شوكت پناه و شهنشاه مؤيد من عندالله افندمز حضرتلرينك
 مدائح و اوصاف ايجليله سنى نظماً و نثراً ادا بيرون حوصله
 كتاب و شعرا اولدينى و بو عبدكوايه ايسه قالاً و قلماً اعتراف
 عجز و قصوردن بشقه سرمايه اقتدار اولدينى حاليه لسان
 هبوديت « مهر و ماه اولدجه اورنك سنامه برقرار » پادشاه
 اولسون سپهر شوكته پرتونشار « دولت ايتسون سايه
 شاهانه سنده افتخار » اندن اوزكه پادشاه كوسترمسون
 رور دكار « نشيده لرينى تالى و على التوالى دعای افزايش

(عمر)

عمر و اقبال و عاقبت و اجلال حضرت افغمی ایله مالی اوله رق
برقطعه منظومه ناچیرانه مجرد امتثالاً لامر العالی تقدیم
حضور معارف نشور ناشر المعالی قلندی اشوبو التفات
عالمها و عنایت حیات بخشا ایچون دخی جسم و جان ناتوان
فدای رهگذار اشهب شهراده ذیشان اولغله امر و فرمان
و کنعان پرتقصان افندمز کدر

شهنشاهها و جودک دولته احسان مولادر
سهر شوکته مهرسعدت باش اعلادر

مقام پادشاهی فیض ذاتکله مولادر
فروغ شمس شانک شهریارا عالم آرادر

جهانه عصر مسعودک زمان بحجت افزادر .

قدومک سلطنت اورنکنه فروبردیکی دمده

شرفه تاج و تختک اسمانه ایردیکی دمده

نمایان اولدی آثار فرح سرتاسر عالمده

حیات تازه کلدی چله یه اول وقت خرمده

بوعنمت بدکان آستانه جان بخشادر

اوروز برصفادن باشلایوب ای شاه بی امثال

نجات دواته صرف ایلیوب اقدام عال العال

امور سلطنتده انتظامی ایتدک استکمال

اهالی کوردی عدل و دادی اولدی مظهر آمال

بوعصره افتراک قیمتی بالا و والادر

زمانکدن مقدم ای شهنشاه کرم کستر

بریشان حال ایدی غایت مکدر بال ایدی عسکر

اولوب اعطاف نصرت بخشکه هپ نائل و مظهر

سراسر اولدی لر جمله جو شوه شمیدی رشک آور

بوده آثار یکه منضم اولان بر لطف اعدادر
 مختالکده مکمل اردولر قوردک ملوکانه
 سلاح یاسی اوردک سنیه اصحاب عدوانه
 صنوف عسکره یابدیردک اعلا سلطه خانه
 معین اولسون خداسن شاه عالیجاه ذیشانه
 دعای دولتک ورد زبان پیر و برنادر
 بنای سلطوقی بجزاً دخی لطفاً ایدوب محکم
 نیجه زر هلی سفینه ایتدک انشای شه اعظم
 دکزده هریری بر حصن آتشیبار مستحکم
 کوروب شان وشکوهک اولسون اعدا حشره دک پرغم
 فرشتهلر دعای خیرمه آمین کویادر
 حقوق عالمک احقاقنه بوملک و ملتیده
 کشاد ایتدک مجالسه محاکم حسن صورتیده
 ایدوب احکام احکام شریعت هر ولایتیده
 تشابه ایلدک فاروقه اجرای عدالتیده
 بونک آثار کونا کونی مشهور و هویدادر
 افندم ایلدوب اعمار ملکی نخبه افکار
 قریحه کدن انک اسبانی سن ایتدک استحضار
 صلوهتمک بک چوق بلادی ایلدی اعمار
 بوکایوز بیک دلیل وشاهد و برهان و بخت وار
 ای انکار ایدنلر دائماً بدنام و رسوادر
 معارف لفظ بی معنی ایدی اعصار دیگرده
 چکردی جهل ونادانی عیون هر کسه پرده
 صبادک نعمت عرفان ایله اولمده پرورده
 علوم انواری اولدی منتشر عرصه هر پرده

صدای فضل و شانک شهر یار اعرض پیرادر
 ولی انعم شوکتلو خنکارم سنی الله
 کدردن صافلاسون مسرور و دلشاریلسون هرگاه
 افندم بایک اولسون تا بمخشر ملثم افواه
 نظردن دورایدوب بوچا کره ایتدیر مسون ایواه
 درود مستطام مستجاب حق تعالی در

(بودخی)

خورشید پرتو نمودک ذره موهوم الوجوده تنزل قبول کارانه سنه
 مثال و « زائل اولمز خاکه دو شمکه ضیای آفتاب » نشیده سنک
 صحت مدلولنه دال اولق اوزره مطلع انوار لطف نامتناهی
 یعنی جانب جلیل الجوانب جناب نجابتنا هیدن شارقه انداز
 باره هید مستدیم اولقده بولتان لوامع التفات باعث الحیاتک
 ادای حق تشکری ایچون اشتغال تمنی امر محال اولقله
 او مجتهد لسان حال وقال بسته و لال و زبان بال اعتراف
 عجز و ابتهال ایله مالا مال ایکن * پادشاه عالمک نجل نجیب
 اکبری * آسمان شوکتک نجم سعادت پیکری * شمس عرفان
 و کالات و علومک خاوری * فیض رب العالمینک هر جهتله
 مظهری * ستایش و مدیحه سی اختصاص ذات علو الصفاقی
 ایله تزیین ایدن اول شهزاده مراحمکاره بلند اعتبار آستان
 کیوان ایوان شهر یار عظیم الاقتداره حصر نبودیتله
 مشرف و انواع اشفاق و الطاف سنیه ولی نعمت عمیم المرتجه

نائلیتله وایه مد فخر و شرف اولان بو چاکر ضراعت
 کستره بر تصویر فرشته نظیر احسانیه تر ابدن فرقی اولیان
 فرق وضع و ناچیزی اعلا و پیوسته اوج اعلا ایلدی
 او بر تمثال عال العال عظیم الامثال که زینت بخشای وجوه
 مخلوقات تنزه ذاته عن الصور والهمیات حضرتلینک
 ظل بیئل صمدانیسنه عطیه معززه و محترمه سی بولنان جوهر
 یکنای خزانه سلطنتک تصویر مسعد تسمیری و نور آیتنک
 لوحه مقدسه تفسیریدر موقع معلائی تعلیقی طاق آسمان
 و سیر و تماشایی لمعه پاش عیون کروبیان ایکن مانند همای
 همایون پر فوق مایتصور بر توافزای سرکتر اولسی
 بر صورتده احبای عبدعجزاتسام ایتدی و توج درای مباحات
 درون ایله دیده زدن اول مرتبه اسالنه اشک شادی
 ایتدیدی که عرض و تبلیغی مستحیل الامکان و حقیقت
 مدعا یه شاهد عادل خالق کون و مکاندر اشبو رغبت و رأفت
 و مرؤت جهان قیمتک ایضای محمدته وسیله موفقیت اوله بیلک
 ایچون نقش پای کرم پیای افخمی به وضع رو اک بیوک
 و جیبه و آرزو ایسه ده اکا بنده یوز بوق پایکه یوز سورمه که
 مداونجه فقدان استحقاق و لیاقت پرده کش ممانعت اولسیله
 جبهه ضراعت مجده کاه تشکره فرش و اول تصویر
 کزین تاج سر عبدکین اولدینی حالده صدای بارک الله
 و ماشالله ابصال عرش اولنه رق جناب خدای اکبر بحرمت
 حضرت پیغمبر پادشاه محاسن پرور و شهنشاہ کرامت کستر
 افندمزی ماطلع الشمس والقمر اورنک جهانداری و خلافتده
 مستقر و شهزاده عالی نژاد کرم معتاد مزه سایه احسانوایه
 لولکانه سنده کاشنسرای سرور و صفایی مقربوروق دعای

مستجاب و مستطاب الیه تنویر صحیفه عبودیت قلنه یور
خاکپایه یازدم اما عرضحال
بنده یوق تحدیث الطافه مجال

اولدی فم کنعان قولانکده ضیری لال
چونکه بولطفه تشکر یک مجال

(بودخی)

خاور آفتاب رحم و کمال یعنی صوب عالی مجمع الاعالی شهرزاده
کریم الخصالدن بارقه انداز باره خاک پاره عبد احقر اولان
انوار تلطیفات و توجهات فیض آتاک ایفای ذره تشکری
مجال وانک ضمیمه میمنت احتوا و سرکترک افسراحتلاسی
اولق اوزره کچنده احسان بیوریلوب بالاهل و العیال روز
ولیل « صاحبن اینسون کدرلردن امین » دعای مستجابیه
استقبال و وضع مفارق تعظیم و ابجال اولقمده بولنان تصویر
بی نظیر واجب التوفیرک اداى حق محمدتی ایسه مجال اندر مجال
اولسیله برار تحدیث نعمت کران قیمت ایچون آستان ملائک
دریان معلایه فرش جهة عبودیت اقدم و جانب واقصای
مقاصد و مطالب اولدیغی حالده اولوجیه مفخرت موجبہ نک
یعنی بالذات قدم میامن توأم الفخمی به یوزسور مملکه عائد
وظیفه سعادت مستوجبہ نک اجراسنه عدم اقتدار و لیاقت
حیوات اتمکده ایدی احیای اجسام عباد حقنده علوهمت
و شقیقت و کوله پرورلکده سمو مرحمت و مهارت جلیله مشیر

اکرمی به انتها و غایت اولادینک دلیل جدیدی اوله رق
 ایشته بو حین بخت رهینده * یوزم ساییده اولدی نجل پالک
 شاه ذیشانه * بن ارتق سرفرو ایتم سمایه شمس رخشانه *
 مدلولتجه مظهر بیورلدیغم قبول مکارم شمول جسم یتاب
 عجز نصایه افاضه حیات ابادی سلیمان معالی عنوانک
 مور موهوم الوجوده رغبت متواضعانه سی مسموع و مشهور
 ایسه ده قوللرنده اکابکر والاصل قرنجیه قدر استحقاق و ذکر
 اولدیندن دکل شو التفات مباحات بنخشیه چاروبکشی
 صبه کیوان مرتبه علیایه بیله نائلیت بیرون دأره تصور
 و خیال ایکن بویه برلطف عال العال بی هماله اقتران چاکر
 کقدری بین الاقران حازر رأس المال افتخار فراوان ایلدیکنه
 و مقابلنده فدای سر و جانندن بشقه سرمایه محبت اولیوب
 انلایسه ذاتاً رهگذار کردونه کردون نمونه ولی نعمت زاده
 عالمه موضوع و مفروض اولدینغه مبنی همان جناب رب العالمین
 اسم اعظم الهیمی مشهور صحیفه قرآن مبین و کتب و دواوین
 مدرسه پیرای تدریس و تدوین اولدقجه رونق طراز مدیحه
 محترمه اشرف السلاطین و آرایش افزای منقبت معظمه
 خلیفه روی زمین پادشاه کزین و شهنشاه قدرت قرین
 افندمز حضرتلرینی مزید صحت و عافیه تخت روشن بخت
 جهانداری و سلطنتده برقرار و مکین و * سن نجل
 شاهنشاهک * اوج کاله ماهک * پیلرو بی اشباهک *
 شهزاده اکاهک * رحم و عواطف سنده در * حلم
 و عوارف سنده در * علم و معارف سنده در * شهزاده اکاهک
 طور دقجه طورسون آسمان * شوکت ایله شاه جهان *
 اول سایه سنده شادمان * شهزاده اکاهک * مدایح

ودعواتی مخصوص ذات مسعود محاسن نمود سامیسی اولان
جناب بلندالقباب حسنات پروران لری دخی همیشه مسرور
و کامین بیورمق درود اجابت موصودینک تکرار یله تنویر لسان
رقیت و غلبه شوق و سرور ایله حضور مکرمت نشور
افخیمده وقوعبولان تقصیرات عیدانه مک عفو ی خصوصنده ده
اشفاق شامله الافاق رحیمانه لرینه التجا و دخالت اولنمده
ایدوکی محاط علم عالم آرای مشیر اکریمی بیورلدقده
امر و فرمان و * دخیلم سایه شهزاده شاه کرمکاره *
نشیده سی هرآن و زمان وردزبان عبودیت افشانی بولنان
کنعان ضراعت نشان حضرت ولی الامر والاحسان کدر

(بودخی)

آسمان سلطنت ابرکدرله مغموم و قلوب ناس مالا مال غموم
ایکن جناب نصیحت و مستعان امت بمدوحه محمدیه و سایر
صنوف نبغه دولت علیه حقارنده تأبد عنایت بالفئه صمدانیه سی
ایچون سمای معلای خلافت کبرایه بر آفتاب درخشان
احسان یعنی حضرت عبدالعزیز خانی پادشاه ذیشان
ایلدی اول شهریار قدر اقتدار من قبل الحق موهوب
وموفق بیورلدقلری خصائل برکزیده اقتضاسنجه پادشاهلق
شان جلیل الصواننه عائد صفات ولوازمی ذهن نقاد
همایونلرنده قدیماً تمیه واستحضار بیورمش اوللریله تاج
ونخت ذات ظلیت آیات شاهانه لرله عالی بخت اولدینی روز

فیروزدن بالابتدا دولتک ملتک مملکتک سطوتی راحتتی
 معور بتنی اکال واصلایلدی ثمره تمینه سی بحرورده رونما
 ومدایح ومحامد علیاسی پیرایه السنه پیروبرنادر علی الخصوص
 سلطنت سنیه لرینک اک بیوک قوه محافظه سی اولان صنوف
 عسکریه نک استکمال و سائل تنظیمه سی حقه ده شایان
 بیوردقاری احسان فراوانه قناعت ایتیه رک شهزاده عدیم الاقرانی
 ایله اول سنوف نصرت موصوفی سراسر مسرور و ممنون
 و مغبوط سکان ربع مسکون ایلدیکندن اصصار سابقه ده
 عسکرلکدن احتراز ایدنلر شمدی او شرفه نائلیت ایچون
 ازدل و جان رجا کویاندر ایشته بویله بر پادشاه
 ذیشانک زمان پرامان فیض افشانته اقتران یالکز بزه دکل
 عیسوی و موسوی بتون ملته منحص لطف خدای مستعان
 اولدیغندن جهات تشکر لیل و نهار موضوع اجابتگاه
 پروردکار اولمیدر افندی زاده من ایسه احوال جهان
 آگاه و دل مراحم اکتناهی علوم و معارفه جولانگاه برنجل
 نجیب بی اشباه اوله رق اصلا و ادنا غبار پای میمنت احتوائی
 ایله اکتخاله دیده کشا ایکن خصیصه ذاتیه و تربیت
 مخصوصه لرئ مقتضاسنجه تعدادی بحال معاملات بیکسپروری
 و مرحمتکاری عال العال ایله نیجه عجزه بی حسن قبوله مظهر
 و التفات مورث الحیاتیه مفارق بندکافی ثریایه همسر ایلمکده
 اولمسیله باصدیغی یرل بالسان ادب هرروز و شب او پولمیدر اشبو
 شرفی احراز هر بار و هر ان اخص امال عبد صداقت پرداز
 ایکن ر مقتضای طالع ناساز عارضه عمده وجود بیسود
 باب امیددی مسدود ایلدیکندن شو احوال باعث کدورت
 و ملال اولمده بولندیغنی هنکامده احسان بیوریلان استفسار

مستلزم المباهات جسم نیم مرده چاکر کتره افاضه روح
و حیات اینمکله بو نعمتک دخی تشکری خارج از حوصله
امکان ومقابلنده عرض اولنه بیه جک تقدیه ناچیز سروجان
بلکه اوده ناچسبان ومع مافیه عفو قصور بندکان بیوکره
بیوک شاندر خاکپایه نظماً ونثراً تقدیم معرضاته * خاکسک
سن زده فنده افتاب * مصرعی حائل فقط * ذره * کتقدرم
اما مهره واردر نسبتم * مدلولی اکا متقابل اولدیغندن رفع
عریضه پریشان عباریه اجتناسار قلندی باقی امر فرمان
حضرت ولی الامر افندمن کدر

(بودخی)

جمع اعالی وافاضل ومطلع انوار محاسن وفضائل اولان سده
افدس القدره معروض چاکر مخصوصدر
موقع فخرات جامع جناب نجابتناهی ایله موضع ضراعت
مسجعم عیدانهم اره سنده اولان فرق تماوارض بیننده کی
مسافه مستحیلة المساحه به شبیه • حاشا ثم حاشا ادای حق
تعریف ایده دم • عتبه نیرین کوکبه شیر اعظیمینک مرتبه
عالیه ودیکرینک منزله سافله سنه نسبتله انلره دخی ناقابل
قیاس وتشبیه اولغله شو علویت وسفلیت سنجیده میزان
مطالعهم ودقت اولندقیجه دکل حضور مسعدت نشور معلایه
مثول شرفته وصول ذیل خدام خیول اصطلب افخمی به
بیه دخول خارج از خیال ومأمول اولدیغی حالده باره

سه ستاره مستندانه منوره اتوار بختیار نیک مقدمه مقدسه طلوع
 و ظهوری اولی اوزره مظهر بیوردییم حسن قبول مراسم
 افشان فرق وضع خاکسارانه می همپایه اسمان و شخص عجز
 مختص گزانه می متمایز عن الاقران ایلدیکندن اصل اصیل
 واجب التمجیل آیت النور مصحف اشرف شهزادگان کزین و مستحق
 نعت بهترین (فتبارک الله احسن الخالقین) اولان تمثال عدیم
 الامثال فرشته منظره لم یخلق مثله بین البشر . مدیحه
 صحیحه سیله تاج باهر الایتهاج سر و لسان مصادقت فشان
 پادشاهمه سنی ای داور عالی تبار * حق تعالی ایلسون برج
 شرفه برقرار * شاه ایله شهزاده سندن غیره محتاج ایتمسون
 * هرکسی بوبنده بیکس ایله پروردگار * دعای مستطاب
 و مستجابیله منور و شواحوال ایله برابر اخطار نام ناچیزه
 جسارت بخش اوله جق و سائل دخی هر شام و سحر منتظر
 ایکن نجدد سال وسیله حصول امال اولسیله * طلعت شمس
 و قر اولدقجه عالده بنید * شهریارا عمر و شان و شوکتک اولسون
 مزید * عصر مسعودک اولوب برونق فزای روز عبد
 * ایمن اولسون یمن ذاتک ایله هر سال جدید * قلب الهام
 اوب شاهانه ک ملالت کورمسون * جسم پاکک عافیتدن
 بشقه حالت کورمسون * دور بیجورک دوام ایتمسون نهایت
 کورمسون * ایمن اولسون یمن ذاتک ایله هر سال جدید * حفظ
 خیر الحافظین اولسون همیشه یاورک * ملجأ شاهان اولوب دائم
 در فیض آورک * روشن ایتمسون اعین نامی جمال الورک *
 ایمن اولسون یمن ذاتک ایله هر سال جدید * خاکپایک انجلا بخشای
 چشماندر بزه * نعمت عبدیتک سرمایه جاندر بزه * بندگی
 استانک لطف یزداندر بزه * ایمن اولسون یمن ذاتک ایله

هر سال جدید * بحر و برده قوت مشهوده سی بو دولتک
 هب شهنشاه سنک انار جهد و همتک * حق فراوان ایاسون
 اسباب فوز و نصرتک * ایمن اولسون بمن ذاتک ایله هر سال
 جدید * حاصلی ای روح جسم سلطنت حامی دین * کلدی
 عثمانیانه سن کبی شاه کوزین * اول صفای تام ایله نخت
 خلافتده مکین * ایمن اولسون بمن ذاتک ایله هر سال جدید
 لمعه پاش شام و صبح اولدقجه ماه و آفتاب * مهر عز و شوکتک
 دنیابه ایسون نشرتاب * بالکز بو بیل دکل ای خسرو عالی
 جناب * ایمن اولسون بمن ذاتک ایله هر سال جدید *
 یوز سوروب کتغان قولک خاک دره ماندمور * ایلدی تاریخ
 جوهر دارینی عرض حضور * فیض عهدکله تفیض ایلیوب جله
 شهور * ایمن اولسون بمن ذاتک ایله هر سال جدید * نشاند
 اجابت عوادی * * * * * ای اوصف جلیل زاده * یکتای ظل الله * مقام
 اعتلا و عاقبتده دام اول هرگاه * ای انجل کریم الاصل شاهنشاه
 بی اشباه * سکا ایمن ایده سال جدیدی حضرت الله * * * * * تخته
 فرورسون همیشه شاه عدل آئینز * دولتنده غبطه اعیاد
 اوله هر خیمز * کور مسون اصلاحل عالمده عز الدینز * اسعد اولسون
 سرور شهزاده کانه سال نو * ایبات مصادقت مساندی ایله ورد
 زبان و روی تضرع و ابتهال موضوع آستان کیوان ایوان اوله رق
 رفع عریضه بریشان ماله و عالمده ال مقبس و طیفه و علی الخصوص
 بو بنده صدق معتاده بک بیوک مفخرت نظیفه اولان شرف
 خاکبوسی به نائله بالذات تقدیمه عدم موقهتیت مملوکانه مدن
 طولانی دخی * عفو ایله انک جرمنی ای داور ذیشان * چونکه
 سکا قربان * نشیده متضرعانه سیه رجای مرحمت شهزاده

بیماله اجتنار قلندی باقی امر وفرمان وقول واحسان
افندمز کدر

فی ١٠ محرم سنه ٩٣

﴿ مجلس مخصوص وکلا مضبطه سی ﴾

جناب تنسیق فرمای امور جهان مهروماه واختران ملک
صکردونده دوران ایتدکجه شمس عالنتاب وجود مسعود
ظل اللمهینی برج عافیت و شوکتده لامع و درخشان
بیورسون ولی نعمت بیتممز پادشاه کریم الشعار و شهریار
قدر اقتدار افندمز حضرتلری تخت عالی بخت عثمانی
وسلطانیکن مقارنت ذات اقدس شاهانه لریله معزز ومنور
اولدبغی روز فیروزکه تجدد حیات و تأبد نجات دولته تاریخ
تام فیض ارتسامدر اول یوم سعید مسرت بدیدنبرو سلطنت
سنیه لریکن قوام و انتظام دأمیسنه و ممالک محروسه لریکن
عمار و آبادانیسنه و اهالی و تبعه کن رفاه و آسایش مادی
و معنویسنه تیسیرات بخش اوله حق اسباب و وسائل محاسن
دلایلده بلانقصان و الحاصل مقتضیات شان جلیل العنوان
خلافت کبرانک اصول و فروع وعموم و خصوصنده مع زیاده
بذل افکار و اقدام ایله عالی کهرخزانه شهنشاهی و جهاننداری
اولان جسم پاک مسعدت ناک همایونلریکن من قبل الرحمن
ملک و ملته مایه اصلی فوز و فتوح اولوق اوزره بخش واحسان
بیورلدبغنی فعلاً و صحیحاً اثبات بیورمقدمه اولدقلرندن پای و کدا
و پیرورنا خلاصه کافه برابا و رعایا و اصداق اولیله بر پادشاه

عادل و آگاه و متبوع مشروع مراحم اکتناک نعمت صبودیت
 و تابعیتنه مظهریت و عصر باهر النصرتنه یتشک شرفنه
 نائلیدن طولایی جدی و صمیمی مفخر و بمنون و مغبوط
 سکان ربع مسکوندر اشبو عنایت مخصوصه رب متعال ذاتاً
 تشکری نا قابل بلطف بی همال ایکن هر نوع مصالح و مهمات
 تنظیم و اصلاحی و عباد وزیر دستانک ترفیه و افلاخی امرنده
 سرورحم و نیت و علو کرم و همت ملکدار یلرینی بر قاندها
 اظهار و تبشیر و هیون بدکاتی تنویر اراده فواید افاده سسیله
 کچن کون باب عالی یلرینی تشریف و اعلا و مفارق مفاخر
 عیب دانه مزى همراده طارم بالا بیوردقلرینی متعاقب کنجینه
 جواهر عرفان و حکمت و صدف کواهر ملهمیت اولان
 مبارک لسان عذب البیان شهر یار یلرینه بر نطق سلیس
 اعجاز انیس ایراد بیوردیلرکه هر حرف کرامت ظرفی متن
 متین کتاب مهم پرورانه و حکم بردازانه به بر شرح نفی سدر
 . کلام الملوک ملوک الکلام . مال عال العالی حقیقته نفسیر
 و تبیین و آزان و اذهان کترانه مزى بشقه بشقه تشنیف
 و تزیین ایلدی افق دولت و هیئته انوار سعادت و بختیاری
 خورشید ذات فرشته صفات ماو کانه لرینک منور سپهر سلطنت
 اوللرینه طالع و رونمون اولمش و سایه سماپایه پادشاه یلرنده
 آثار ترقیات و نجات آن بان جلوه نمای ساحه حصول و شهود
 اولمقده بولنمش اولسی اوزرینه برده اشبو ارادات کرامت آیات
 و نصایح سلامت غایات ایله تعیین بیوریلان اساس صلاح
 بادی ظفر و فلاح اوله رق بالجمله قوللرینی احیا و شادان
 و افکار خیریه مصلیه و عدالت منجیه و مفلحه شه نشاهیلرینک
 درجات علیاستی تون عالمه از سرنو نشر و اعلان اتمکله

بوعیزه عباد مصادقت معتاد حضرت ولی نعمت دخی جنبه
 عبودیت و اقبال لاری مجدد کاه تشکره موضوع و ابدی مناجات
 صادقانه لری بارگاه اجابت مرفوع اولدینی حالده
 جناب مجیب الدعوات اسم و عرش اعظمی و حیب خاص
 محترمی حرمتته دبال طور دجه ایام عمر و اقبال و شوکت و اجلال
 شاهانه سنی پیرایه بخش مرکز دوام و ثبات و فروغ مظفریت
 و موفقیت ملکدارانه سنی لعه پاش کائنات بیورمق دعای
 مفروض الیاداسنک تکرار یله مانند مور بیقدار عتبه ثریا
 مرتبه سلیمان زمان شوکت و شانہ رفع رقعہ پریشان ادایه
 اجتناب ایلدیلر باقی امر و فرمان و بندکان حضرت ولی الامر
 و الاحسان افندمز کدره

محرم فی سنه ٨٥

(بودخی)

طبع مشکل پسند محاسن پیوند حضرت پادشاهی باقی
 پیدائی عظیم الاشباهی اولق اوزره بالین و الاقبال رسیده
 حسن ختام اولان چراغان ساحلسرای معلاسی طرح
 نفیس بی همال و طرز عال العال الیه مثلی نایاب بر شوکت کاه
 فلك اعتبار اوله رق تماشای شکل مستثنا و دلاراسی حیرت
 بخش مشاهدین اولدینی حالده و قوعیولان نقل همایون
 حضرت جهانبانی الیه مشرق آفتاب فیض و شوکت اولسندن
 طولایی بر قاده اکتساب شرف و اعتلا ایتمش و کارگاه

(صنایع)

صنایع و مخترعاته صدم الامثال و هربری حسن طبیعت
 عالیه پادشاهی به دال اولان مزینات نفیسه کران بهایی
 دخیبوس پای بمن اتقای شاهانه ایله رشک آور اطلس کردون
 اولمش اولدیغنسک مشاهده سی عیون عیدانه مزی تنویر
 و ذات معالی سمات جناب خلافتناهنیک بو آنه دکن دولت
 و ملک تنظیم و افلاجله مشغولیت نجات منقبت ملکداریلری
 اوزریه بو صورته اولسون تنفسه رغبت سینه لری مفارق
 مباهات بندکانه مزی ایصال فلک اثر ایتمکله جناب تائیدین
 فرمای بنای کائنات مهرماه و اختران ملک کردونده اجرای
 حرکات ایتمکجه ولی نعمت بیعت عظیم الشانز ولی نعمت عالم
 پادشاهین اقدمین حضرتلرینی بالصحته و الاجلال شرفیاری
 اورنگ جهان داری و سلطنت و اشوشو کسرای نفیس فیض ایسی
 همیشه مقارنت جناب ظلمت ماب شهریاریلریله بیت الشرف
 خلافت و مسعدت بیورمق ادعیه مفروضه سنک تکرار یله جائه
 عتبه کواکب کوبه شهنشاهی به بوزل سور یلرک عرض آثار
 شکرانیت و تنیته اجنثار عیدانه من محاط علم مراجع قبول
 جناب تاجداریلری بیورلوقده امر و فرمان حضرت ولی الامر
 و الاحسان اقدمین کدر

(بودخی)

مولای متعالم بقای دولت علیه حقننده عنایت جلیله
 سبحانیه سنی تبشیر و عیون بدکان و عالیانی نور فیض

صمدانیسیله تنویر بیوردینی روز فیروز که ذات قدسیت صفات
 ظل اللمینک رونق افزای اورنک بادشاهی و جهانداری
 اولدقاری یوم مسعود بخت برزدر ولی نعمت بیتمنم
 شهریار قدر اقدار افندمن حضرتلرینک اول حین میامن
 قریندنبرو سلطنت سنیهلرینک قوه بریه و بحریه و انلرک واسطه
 استکمالی اولان اداره مالیه جه مدارج اعتلایه وصولی و بالجمله
 تبعه شاهانه و ممالک ملوکانه زنجیه و سائل ثروت و معمورینک
 تمامی حصولی خصوصاً زنده فی ذریغ و ابذال بیوره قدمه بولندقاری
 هم و اقدامات و مساعدات سعادت غایاتک ادای حق
 تشکری محال و لسان خلق اول معنده اعتراف عجز و قصور
 ایله مالا مال ایکن بورالق اوروپانک بعض طرفلرینده
 معاملات تقدیه جه ظهوره کلان امنیستزلرک استانبولجه دخی
 ابراث ایستدیکلی مشکلات و مضراتک دفعی امرینده علوهت
 و کمال رحم و شفقت پادشاهانه لری اقتضاسیجه بالذات شایان
 و فرمان بیوریلان معاونت و عنایات و دولت و ملت و مملکتجه
 توسیع و توفیر واردات و ترقیاته دأر ازسرنو شرفریز سنوح
 و صدور اولان اوامر و تنبیها ت جلیله تشنیه ساز مسامع افتخار
 و مباهات اولدی - وابق الطاف و اعطاف حضرت
 ملکدارینک لاحقه فائده سی اولق اوزره شوهنکام مضایقه ده
 دخی مشهود اعین مختر اولان اشبو احسان عال العال
 عدیم الامثال مشکلات موجوده بی ازاله ایله اعتبار خرنه بی نزدیک
 واکمال و جانب سنی الجوانب شهنشاهی به برقاندھا محامد
 و دعوات عمومی به بی جلب و استحصالی ایتمش اولمقله
 جهات ضراعت سمات بندکانه من عتبه علیای سپهر اعتلای
 ولی نعمت بیتمنه موضوع اوله رق دعای افزایش عمر و اقبال

وشوکت واجلال حضرت جهانباينك تکراريله من غير حد
 عرض تشکرات ناچيزانه به جسارت اولنديغی وقوللرینه
 کوره اک بيوک وظیفه مقدسه وسلامت دارينه وصول
 ايجون وصيلة محترمه ارادات صادره ملوکانه ايله مأمور
 ومکلف اولديغمز خدماک حسن ايفاسيله تحصيل رضای
 نجات بخشای همایونه حصر افکار ووجود قضیه منجيه سی
 اولسيله بوشرفه موفقيت اقصابی آمال ونخبه تمنیات روز
 وليال چاکرانه مز ايدوکي محاط علم حکم پيرای جناب شهر یار يلری
 بيوردلقده امر وفرمان حضرت ولی الامر والاحسان افتدمن کدر

(بودخی)

جانب معالی مناقب جناب جهانباينلرندن لطفاً وکرماً انشاسنه
 رخصت بيوريلان بغداد تيمور بولنه عائد خصوصاتک ميانه
 عجز آشيانه مزده باظالمه استيدانی سائر اصلاحات مهمه
 حقنده شرفريز صحيفه سطور و عبارات الهامات بينات
 جليله سی حرف بحرف صحائف انتباه و انقياده مسطور اولان
 خط شريف کرامت اليف همایونلرنده حکم وفرمان بيورلمش
 اولسبيله و دولتک مقدا بولنديغی درجات واحوال ايله
 عصر باهر النجاح ناشر الفلاح ظل الله بولرنده واصل اولنديغی
 مدارج اعتلا وانتظام مانند صبح و شام يکديکرينه ناقابل
 تشبيه وقياس وبوفرق وبورتقياتک هب الطاف واقدامات
 سنیه پادشاهانه ليله حصوله کلديکی باکال ستایش وسپاس

نسلیم کرده عموم ناس اولوب ایفای فریضه تشکرنده لسان
 رقت افشان ملوکانه من لال و بالمله اهالی و بندکان
 اول مجتهده قولرله هججال ایکن اشبو امر جسم منافع و سیمده
 دخی بی دریغ و شایان بیوردقاری مساعده و مرحمت ملک
 و ملتہ احسان واجب التعمید و علو همت تبعه پروری
 و ملکداری ملوکانه لرینه برهان جدید اوله رق جسم مسعود
 مکارم نمود خلافتناهی لرینک من قبل الرحمن احبای زیر
 دستان و بلدان امچون رونقطراز اورنک معلای شوکت
 و شان اولدیفنی عالمه برقاندھا ابراز و اعلان اتمسله افزایش
 عمرو اقبال و عظمت و اجلال شاهانه لری دعای مفروضی
 تکرار ایصال بارگاه قاضی الحاجات و بویله نیجه آثار بدیعہ
 و نافعہ به موفیقت خیر منقبت ملوکانه لری ادعیه مخصوصه سی
 دخی علاوه مناجات اولندی شوصورتله ایفای و طیفه
 عبودیت ایدلدکن صکره چونکه طریق مذکور بالخاصه
 عنایت علیہ شهنشاهی لرله تأسس ایدجکندن عباد آستان
 فیوضت باسبان تاجدارانه لرینه کوره بو باده دوشونیلوب
 عرض عتہ علیا ایدیله جک شی احکام اراده اصابت
 معتاده ظل اللہ لرینک انفاذینه سرعت و اهتمام ایله برابر
 اول امرده بولک تعیین کدرکاهی ماده سی اولقله بواساس
 اوزرینه اقتضای کیفیت لندی المذاکره معلوم حکم آرای
 پادشاهی لری بیوردیفنی وجهله اسکداردن اذمیده تمتد اولان
 تیمور بولک انقره و یادیار بگردن امرار اولتمق و حلب کبی
 مواقع مناسبه منشعب اولوق اوزره خط اصلی انخاذه
 اوقه دئبر و منصور ولندی کبی اسکندرون و باطرابلس شام
 و یاخود بیورطلق دینلان ساحلردن کچوریله رک

فرائد برجسته تیمور یول یا بلسی امرنده دخی من القدم
 بعضی افکار و تصورات جریان ایلدیکندن و سواحل مزبورده
 بزندن بدأ ایله برشمند و فرایدیرانسه قریت محلیه نك تسهیلله
 ایکی اوج سنده بتوب و اورادن اونه طرفلرده و آپورل
 ایشاندیریلوب از زمان ایچنده بغداد اق دکزه ارتباط حاصل
 ایش اوله جضدن انلردن برمناسنك اختیاری تحظر اولمش
 ایسه ده بولرده یا یله جق یول شعبه حکمنده قالوب خط اساسی
 مقامنه قائم اوله میه جنی یعنی اناطولی ایله روم ایلی شمند و فرلرینك
 بررینه اتصال و التصاقی مقاصد باهرة الفوائدیه خدمت
 ایدمه چکی جهنله حکومت هر نه وقت اولسه اذمید تیمور
 بولنی ایلر و به کورتورمک مجبوریتده بولنه جفته ومع هذانك
 خط اصلی اولسنه دأر سبق ایدن تصوراته ایفتا اونه لره
 قدر خیلی یرز یا بلدیغی و مخصوص مهندس کوندر بله زک
 اکثر محللرک کشفیاتی بالاجرا مکمل خریطه لری ترسیم و تنظیم
 ایتدیرلدیکی حسیه اورانک ترکی تسویه قلنان ممرک
 بوزولسنی و تکلفات واقعه استکشافیه نك مرموز قالسنی
 استلزام ایلدیجکی مثللو بالعکس ازمید طریقنك خط اصلی
 اعتبارله اورادن عملیاته باشلانلسی هم اتقره ایله سائر
 طرفلرده کچن سنه بلای قحط و غلا ایله مصاب و گرفتار
 شداند اضطراب اولوب ایوم تلافی مافات ایدمه بیره ک محتاج
 اعانه اولان اهالینك شو اعمالا نافعده استخدا میله صدقه
 صحت سنیه اوله رق اعاشه سنی همده اهون یومیه ایله برچوق
 عمله تدارکنی موجب و اخصاص خطنك اناطولینک ایچروسندن
 کچورلسی من کل الوجوه محسناتی مستوجب کورنیدیکنه مینی
 او طریقنك ترجمینده افکار حضار رفیت شعار اتحاد ابدلی

ایسه ده ینه امر و اراده، مله میت افاده، جناب شهریارانه زری
 هر نه مرکزده متعلق و شرفسنوح بیوریلور ایسه حکم منیف
 حسنات ردینی انفاذ اولنه جنفی محاط علم کائنات پیرای
 شهنشاهیاری بیورلدقده امر و فرمان حضرت ولی الامر
 والا احسانکدر

﴿ عرض تذکره سی ﴾

هر کلام مشهون الالهامی عیون عالمیانه تور و قلوب صنوف
 تبعیه بادی شادی و سرور اولان ارادات نجات آیات جناب
 جهانبانی بی حاوی تذکره بیهری رسیده دست توقیر
 اولدی بودولتک نام وشوکت وشائی اعلا و اکمال وقوه
 بریه و بحرینه سنی مدارج اعتلایه ایصال ابدن هر نه آثار
 و اسباب موجود ایسه جمله سی ذات ظلیت سمات حضرت
 ملوکانه تک اثر لطف و عنایت عالیه شاهانه زری اولوب هیچ
 برنده کیسه تک میدان میاهاته قویه جق مدخل و خدمتی
 و عباد آستان فیض افشان تاجدارانه تک اشبو الطاف
 و اعطای جلیلیه مقابله اوله ییله جک تشکراتی ایضیه لیاقت
 و قدرتی اولدیغی آشکارا یکن احسان علی الاحسان و ولی نعمت
 بیتمتزی ولی نعمت جهان و شهنشاه معدلت عنوان
 افتدیمز حضرتلرینک دولت علیه صحیحاً جامی لمطلق
 و عموم ملت منعم اشفق اولدقلرینه برهان اولق اوزره رحماً
 و کرمأ بوصورتله دخی ارائه و فرمان بیورلش اولان اصول

محاسن موصول كافة بندگان و مأمورین ایچون مع زیاده
ادای واجبات عبودیتہ شہراہ موفقیت و وصول اولوب شکر
و ستایشندہ لسانل لال و ہلہ باب مرحوم اب خلافتناہینک
بو عبدملوک و مخصوصی شکرانیت و محمدتہ بتون بتون بی مجال
بولندیغی حالہ عتبہ علیای سپہر اعتلای حضرت ولی نعمتہ
فرش جبین رقیب و ابتهال و دعای افزایش عمر و اقبال
و عظمت و اجلال مالکداری تکرار بکرار رفع اجابتکاہ خدای
متعال قلندیغی و تذکرہ مذکورہ شورای دولت و دیوان
احکام عدلیہ ہیئت عمومیہ سندنہ فرط مسار و مفخرت ایلہ
تلاوت ایدیلہرک و صور متعددہ سی صوماً نشر و اعلان
ایتدیریلہرک یارنکی انجمن مشورتنہ دخی لدی القرائۃ اولبابدہ
محمد مفروضہ بی متضمن تنظیم اولنہ جق مضبطہ لر عرض
ایدیلہجکی افادہ سبلہ تذکرہ ثناوری ترقیم قلندی افندم
فی سلح رجب سنہ ۱۲۹۲

﴿ مجلس مخصوص وکلا مضبطہ سی ﴾

اهالی و فقراہ مغل اسایش و استراحت و موجب مغدوریت
و مظلومیت اولان حالات و سار کونہ سوء استعمالنک دفع
کلیسی حتمندہ بعض تنبیہات مرحمت آیاتی حاوی بودفہ
دخی شرفسنوح و صدور بیوریلان ارادات سنیۃ حضرت
ظل اللہ علیہ دائر تذکرہ علیہ میانہ عجز اشیانہ بندہ گانہ مزودہ
باکمال تعظیم قرائت اولندی ولی نعمت بیستمر شہنشاہ

مکارم پناه افندم: حضرتلرینک سعادت احوال تبعه وزیردستان
 و معموریت ممالک و بلدان خصوصاً لطفاً و زحماً هر پار
 احسان بیورمقدمه اولدقاری اوامر و اقدامات عالیله حدید
 و نهایت و ایقای تشکرات مفروضه سی ایچون هیچ بریزده
 سرمایه و قدرت اولدینی حالدی علورحم و کرم عباد پروری
 خلافتیناهلرینک دلیل جلیلی اولق اوزده شو صورتله دخی
 صحیفه پیرای ظهور اولان تنیبات و تعالیمات سلالت غلظت
 حقا که محض الهام و کرامت و بطلحه مأمورین قولرینه
 کتاب نجات مأب حرکت اولقله دعای افزایش عمر واقبال
 و شوکت و اجلال جناب جهانباينک تکرار یله عتیبه علیایه و زلز
 سورله رک عرض لوازم محمديت و عبودیتیه ابتدار اولدینی
 و انقلذ امر و فرمان ولی نعمت چله مزك فریضه ذمت رقیبت
 و مصادیقی و دارینده وسیله مستقله فلاح و سلامتی اولدیغیندن
 ارادات صادرة عدالت باهره شاهانه به بالاتحاد توفیق حرکات
 ایله جانب معالی مناقب ملوکانه به عموماً استجلاب دعوات خیریه به
 لیل و نهار بذل مساعی و اقتدار اولنه جنفی محاط علم عالم آرای
 جناب جهاننداری بیورلنقدده امر و فرمان حضرت ولی الامر
 و الاحسان افندمز کدر فی غره ش سنه ۹۲

﴿ امرای بحر به طرفلرندن مابین همایونه عرض اولنان ﴾

﴿ مضبوطه ﴾

مولای متعالمک ظل جلیل یکتاسی و جمای معلای خلافت
 و سلطنتک آفتاب جهانتاب بهمتاسی اولان ولی نعمت بیستمر

(پادشاهمز)

بادشاهم از افندمن حضرتلرینک احیای ملک وملت واصلای
 شکر دولت خصوصاً زنده بی دریغ بیوریه کلان الطاف
 و عنایات منیه ملوکانه لرینک ایقای مدایج و محامضه الهیسته
 بنسبکاف و اهالی علی التوال عجز ایله عالی اولدینی کچی
 صنوف عساکر بزیه و بحریه حقارنده نور پاشی هیون اختیار
 اولقدم بولنان عواطف ملانهایه شهنشاهیلرینک علاوه مقصدیه
 و محترمه بی اولوق اوزره ولی نعمت زاده لرینک ایله ناشبو صنوفه
 منسوب قولاری مفارق مباحثتک سمیت آسمانه ترفیع و ایضالی
 امرنده شایان بیوردقلاری میاضدات مغفرت آیت دخی
 عظیم الامثال بر شرفی و نعمت غیوضات اشتمال اولغله عترت
 لیسان عسکر هرستم و محر دیبادشاهم چوق پشای دکهای العایت
 اتقادیه عزیز و متور ایدوکی و جنود بحریه شاهانه لرینک نام
 معالی اتسام سامیمیله تزیین و تشریف ایدن شهزاده هرکان شد
 دولتلو مجلیلو محمد شوکت افندی حضرتلرینک رعایه
 معارفویه ملوکانه زنده و کاکوت و مدینه خدا و متلوی عجاز
 اولدقلری ملازم ارببه سنک نظماً یوز پاشیلغله ترفیضه مساعد
 بولدیغنه بناء جهات عبودیت و تضرعات ملوکانه من نقش پای
 میان پشای شهنشاهیلرینه موضوع اولدینی محالده اولیایه عموماً
 و خاصه رجای مساعده مکارمهاده جناب ملکدار لرینک
 جسارت اولدینی محاط علم حکم پیرای شهر یار یلی بیورلیقدنه
 قاطبه احوالده فرمان واحسان شهنشاه مرحمت عنوان افندمن کدر
 (عرض نکرده می)
 جبل لیسان متصرفی دولتلو رستم پاشا حضرتلرینک

لاجل الوداع حشمتلو روسیه امپراطوری حضرتلرله
 وقوصبولان ملاقاتنده جریان ایدن مصاحباته دائراطبا
 ایلدیکی ورقه نك صورت مترجمه سی مشمول نكاه دقایق اکتناه
 جناب پادشاهی بیوزلق ایچون تقدیم قلندی مطالعه سندن
 مستبان اوله جغی وجهله امپراطور مشارالیه جبل پاشا
 مرحومك مودوع قوه حافظه سی اولان افاداتی بالذات طرف
 اشرف ملوكانه به عرض و بیانه موفق اوله مقسزین وفات
 ایش اولسندن طولایی اظهار تأسفله برابر تبلیغات
 مسبوقة سنی یعنی بین الدولتین مناسبات حسنه نك جریان
 و تاكدی خصوصنده کی افکار و آمال خالصه سنی تکرار
 و بوکا تردیفاً صفوت نیاتی علیهنده وقوعنه ذاهب اولدیگی
 القات خصمانه اوزرینه بر مقاله ایراد ایتدکدن صکره دولتین
 متجاورتین اره سنده حصول وفاق طرفینجه منافع و محسناتی
 دخی بحث و تذکار ایش اولوب ربهز تعالی و تقدس
 وجود اقدس همایونی رونق افزای اورنك شوکت و شان
 و آستان بلندایوان فیض مقرونی همیشه مراجعتکاه حکمداران
 جهان بوسون ولی نعمت بیتمیز پادشاهمز افندمز حضرتلری
 من قبل الحق قاطبه احوال و امورده مظهر الهام و واقف
 کافه دقایق و مهمام اولدقلزندن دول و ملک هریشیه
 و اندیشه سی نزد حکمت و فدشهنشاهیده تعریف و افهامدن
 مستغنی و عرفان حکم افشان عالی بالجمله خیابای امورک
 عمیرعادلی اولسسیله امپراطور حضرتلری خلوص افکارندن
 امین اولدقجه اوکونه خیالاته ذاهب اولماق لازم کلور ایکن
 هر نصلسه دولت علیه به مخالفت قلبیه سی خلافتنده مقالات
 ترشحی ظنه دو شمش ایدوکنندن و معافیته نام معالی اتسام

شهر یاری به اوله رق عرض ایتمش اولدینی وثوق و تأمینات
 ن ۶۶ ش تقدیر کورندیکندن ذات شوکسمات حضرت
 ملوکانه ک کسندولریله دوام موالات و مصافات امرنده کی
 ثبات و حسن نیت سنیه لرینک تجدید وثیقاتی حاوی ایتسوغ
 سفارته و صایای مناسبه کوندرلسی خارجه نظارت جلیله سیه
 معرض تنسیده تذکار و نتمش ایسه ده ینه امر و فرمان معجز بیان
 جناب جهانبانی هرنه صورته متلق و شرفسوح بیوریلور ایسه
 منطوق عالیسی انفاذ ایدیله چکی افاده سیه تذکره ثناوری
 ترقیم اولندی افندم فی غره ص سنه ۹۰

(بودخی)

یونان قرالی حضرتلرینک کندوسنه اعطا بیوریلان نشان
 ذیشان عثمانی حائل حضرا و شمس و الاسنی حامل اولدینی
 حالده هیئت سفارت سنیه به وردیکی ضیافتده و قوعبولان
 احترامات و مکالمات مخصوصه بی حاوی اته سفیری
 سعادتلو بک افندی حضرتلرندن کلان تخریراتک نسخه
 مترجمه سی مشمول نگاه حکمت پناه عالی بیورلوق ایچون تقدیم
 قلندی خلاصه مزایاسندن استنباط اولدینی وجهه قرال
 مشارالیه مقام حکومت اثنای قعودنده اوراچه مسالمت
 موجوده جانینه قارشو تحدث ایتمش اولان احوال غیر مرضیه نک
 اسباب موجب هسنی تذکار و اولیاده کی مجبوریتندن طولای
 بسط اعدار ایه برابر سلطنت سنیه ایه مناسبات

دوستانه سنک دوام و بقای خصوصند مکرراً اظهار حسن
 نیت و ایراد تأمینات ایلیش اولوب واقعا دولت یونانیه من القیم
 بر مسلك غیر مستقیمه سیالک و بجزه ایقاع مشکیلاته
 مهمک ایکن برقاچ ایلدنبرو تحویل لسان و اطوار ایله
 حقوق همجواری و مسالمتکارینک محافظه سنه باشلامش و شو
 حالر قیال مشار الیهک صحت مقاصد تأمینیه سنی مؤید
 بولنش ایدوکنه مینی موافق اراده اسابت معتاده جناب
 شهنشاهی بیورادینی تقدیرده افادات واقعه محالستکارانه سنک
 نزد شوکت وفد ملوکانه ده مظهر اعتماد و محظوظیت
 اولدیفنک و مصافات طرفینک تأبد و تقرری دولت علیه جه
 دخی مطلوب و ملتزم اولسلیله کوستره جکلری افکار و معاملات
 خالصه نیک اثار متقابله سنی کوره جکلرینک جانب قرالی به
 تبلیغی ضمننده سفیر مشار الیه جوابنامه یازدیر یله جنی
 بیانیه تذکره ثنآوری ترقیم اولندی افندم

(بودخی)

جانب معالی مناقب جناب پادشاهی به عرض اخلاص
 و تعظیماتی و مقدا لسبب باب طالی ایله سفارت اره مسنده
 برقاچ ماده ده ظهوره کلان تاخراندن طولایی بعض افاداتی
 حاوی حضرتلرینک حضور همایون میانم مشهور
 ملوکانه به ورود ایدن تلغرافنامه سنک ترجمه سی لفاً تقدیم
 قلندی مشار الیهک اشبو تلغرافنامه ده نام نامی ظل اللهی به

(اوله رق)

اوله رق ایراد و اظهار ایتدیکی مائر اختصاص و تکریمات
 جامع محاسن اخلاق و انوار شان و شوکت عالیله بی منتشر
 آفاق اولان ولی نعمت بیتمتیز شهریار مکار مکار افندمن
 حضرتلرندن اثنای سیاحت و مسافرتده کوردیکی صنوف
 الثفات مفخرت بخشا و بر فحواوی : لیس الخیر کالعبان . بالذات
 مشاهدده ایلدیکی عظمت خلافت کبراک محصول فیض
 موصول اولسیله برابر تلقی مخالفت معروضه سی مرهون
 مساعدده اطفعاده حضرت شهنشاهی کوردیکنه و موضوع
 بحث ایدیلان مسئله تأخیره بین الطرفین خیلی سنه دردیرو
 سورنوب بالدفاعه خلنه چالیشلش ایکن هر نصلیه فیصله دیر
 اوله میان بعض مسائل معلقه ایله تجارته متعلق خصوصیات
 حقیقده سفارتک افکار و نیات محقه دولت علیه
 مابین و یک متلون صورتده طوتوب قوللاندیغی مسیلت
 ولسانلردن محدث و منجبت و بتابیرن ایشک اوزامسنه کندولری
 باعث اولوب معافیله ایشواختلافک دخی اندفاعنه چالیشلورده
 بولندیغنه مبنی تفرافناؤه مجتو صغه او بولده بر جواب عالی
 مسوده سی قلبه الذرق ارسال قلمش اولغله حکم و افاده بی
 رهین تصویب کرامت نصیب جهانداری بیوریلور ایشسه
 مقتضایی ایفا و مسائل مرقومه نک نتایج مذاکراتیده
 اراده سنیه به معلقاً بشقه جه استیدان و انبا ایدیه چکی بیانیه
 تذکره شاورری ترقیم اولندی افندمن فی ٢٥ رجب سنه ١٠٩٠

(بودخی)

دیتوقه متره بولیدی افندی کربدجز بره سی متره بولیدلکنده

بولندیغی ائشاده ظهوره کلان حادثه ده دولت علیه به ابراز حسن
 خدمت ایدوب وحادثه مزبورنه اندفاعنه دکن نیجه نیجه
 مهالك ایچنده قالب فوق العاده مصرفله دوچار اولمش و اموال
 و اشیای عصاة طرفلرندن غارت و یغما اولنرق و واردات
 و عائدات ذاتیه و مقننه سنه دسترس اوله میه رق اهالی اوزرنده
 غروشدن زیاده مطلوبی قالمش ایدوکندن و شمدی
 ایسه دیون کثیره به کرفتار اوله رق ضرورت شدیدیه
 اوغرامش اولدیغندن بحمله شفقت جلیله جناب پادشاهی به
 التجا و خدمات واقعه صداقتکارانه سنک تقدیرینی و مکافاتنه
 مظهر اوله جفی تبشیرینی متضمن اول آوانده باراده سنیه
 کوندرلمش اولان محمرات صورتلرینی ابراز و اعطا ایتمکله ایجابی
 بین الحواص مذاکره اولندی کرید مسئله سننده بومقوله
 رؤسای روحانیه نک اکثری وادی مفسدت بادیده بویان اوله رق
 ایتدکلی نحریکات قالمش ایکن مومی الیه دائره مصادقته
 ثبات برله انتهای غائله به قدر عظیم خدمتله و مالا و بدنا بر چوق
 فداکارلقل اظهار و اختیار ایلش و سیلاب شورش وقتنه نک
 سو بسوجوش و خروش ایتدیکی او یله بروقت و محله و وظیفه
 منجیه تابعیت و عبودیتی ایفا ایدنلرک لطف عالی به نبلی لازمه دن
 بولنمش اولدیغنه و بوبنده خزینه به تحمیل بار اولنماق ایچون
 اهالیده قالان اله جنفک استحصالنه تشبث ایدنک تدبیری خاطر
 کذار اولور ایسه ده او یوله کتمک وقوعات ماضیه حریه دن منبعث
 و متحد بر ماده بی تازه لملکه سکنه جزیره بی توهم ایتک دیمت
 اوله رق موافق مقتضای موقع و مصلحت اوله میه جفته بنی محیی
 نجات معطی دولت و ملت اولان صحت معالی منقبت ولی نعمت
 بیتک صدقه سی و مستحقین بندکان حق لرده بسدول

وشایان بیوریه کلان عاطفت و مرحت علیای جهاندارینک
 ضمیمه سی اولوق اوزره مومی الیهک جانب خزینه دن
 عثمانلی لیراسی عطیه سنیه اعطاسیله تطیب و تمیر بال و حال
 مطلقا متوقف مساعده علیه حضرت شهر یاری اوله رقی تذکر
 ایدلش ایسه ده ینه امر و فرمان اصابت نشان جناب ظل اللهی
 هر نه مرکزده متعلق و شرفسوخ بیوریلور ایسه منطوق عالیسی
 انفاذ اولنه جنی بیایله تذکره تناوری رقیم قلندی افندم

(بودخی)

روم ایلی تیورولری عملیاتنده قوللانلق ایچون بوسنه به جلب
 اولمش اولان مهندسردن لونسک ضبطیه نفراتندن
 .. طرفندن قتل اولمسنندن و مهندسلرک دخی
 اشخاص ساره جانندن ضرب و جرح ایدلسندن طولانی باب عالی
 ایله و سفارتلری بیننده برمدتدنبرو مباحثات دوران
 ایتمکده و امتدادی دها زیاده اشتدادینی مؤدی کوریمکده
 اولدیغندن اقتضای کیفیت انجمن خاص مشورته مذاکره
 و اولبابده بوسنه ولایتندن ورود ایدن اوراق اوزرینه دیوان
 احکام صدلیه محاکمات جزاییه دائره سندن قله النان مضبطه
 دخی قرائت و مطالعه اولندی اساس حادثه و مباحثه دعاوی
 شخصیه قیلندن اوله رقی بونده معامله قانونیه نک اجرا سندن
 بشقه شی اولیوب وائی دخی دائره محاکمات تعیین و تحدید
 ایدوب فقط ذکر اولنان سفارتلر ادعایینی اشبو مهندسلر تیور

بولر ایچون مخصوصاً جلب و دعوت اولمش و محافظه
 ایشیه مأمور اولان نفرات ضبطه طرفلرندن قتل و جرح ایدلمش
 اولدقلرینه بنا و بونلرک ضایعات کلیه به اوغرا دقلرینی انا ایلدورق
 مقتول ایلدقلرینه بوجرله . . . لیرادن زیاده تضمینات قدیده و برلسی طلبینده
 اصرار ایلدقلرینه . . . و واقعا بو آدملر حکومت ایشیده قوللانلق
 اوزره اکتوردملش غربادن اولدقلری حالده فعل شدید اعدام
 و جرحه اوغرا دلمش و تدقیقات واقعه استنطاقیده اینسیه
 شودعوالری رده مدار اوله بیله جک دلائل و آئاده اقران اولنه مامش
 اولمقدن ناشی مناسب برشی و برلدیکه حل مسئله نك مشکلاتی محقق
 اولسیله برابر اولنه حق فداکارلیک تضمین شکل ورنکنده اولوب
 اثر مرحمت و شفقت عالیله اوله رق احسان بیورلسی مصلحت
 و شایحه حسن تأثیری موجب اوله جفته و بواساس اوزرینه خارجیه
 نظارت جلیله سیله سفارتلریننده بالدفعات اجرای مذاکرات
 اولنه رقی معنای دیگرلی متضمن اولماق مجرد صدقه صحت
 جهان قیمت حضرت ولی نعمت اولق اوزره مقتول جز بولر وارنلرینه
 . . . و دیگرلرینه . . . لیرا اعطاسنه موافقتاری استحصالی قلند یفته
 مینی مبالغه مرقومه نك جانب خزینه دین تسویه سیله ایشک بتورلسی
 و اشخاص متممه و محکومه جقلرنده مضبوطه مذکورده مندرج
 احکام قانونیه و خصوصیات ساره نك اقبالی مهتدا تذکر و تصویب
 ایدلرک بوکا دائر اوراق عرض و تقدیم اولمش ایسه ده
 ینه امر و فرمان ولی نعمت بیستمر افتد مرک ایدوکی ایسانیه تذکره
 شاورلی ترقیم قلندی اقدم

(بودخی)

بل جلیبان امر اسندن خیلی وقت اورانک امنیت

(مطلوبه)

مطلوبه واصل اداره سنه فارشواواع مفاسده اجتناسار ایتش
 مؤخرأ اوزروپایه کیدرک و تحریک دولاب آمانته برطاقم واسطه ل
 تبارک ایدرک کزوب طولاشدینغی برلردن دخی جانب
 جبیله نشر شراره مفسده چالشعقدہ بولنش اولدینغی حالده
 برمدتنبرو نتایج تشبثاتک حصولندن قطع امید ایله کچنده
 بالذات درسعادته کلهرک عزوة الوثقائی عضو واحسان
 شهنشاهی به اعتصام ودوات علیه نک کافه اوامر ونواهیسنه
 تابع اولق وبالعکس حرکاتی حس اولدینغی تقدیرده
 حکومتجه ایجابنه باقلق اوزره سوریه ولایتک مناسب برمحکنه
 کوندر یلرک ایشله مشغول اولسی خصوصتده باب مزاحم
 ماب سلطنت سنیه دن استعطاف واسترحام ایلش اولدینغدن
 و بونک ماسبق احوالی اقتضاسنجه جبل ایدرک وکورک مواقع
 قریبسنه ارسالی جائز اولماسیله برابر التجای معروضی اوزرینه
 تأیسی دخی لایق اولهمیه جفندن ۰۰۰۰۰۰ غروش قدر
 معاش اعطاسیله بوراده ویاخود ولایت مرقومه دن بشقه
 استدیکی برده اقامه سی لزومی خارجیه نظارت جبیله سی
 طرفندن تحریرأ و شفاهأ بیان و درمیان اولنوب بوآدم
 مقدملری و ظائف منجیه تابعیتک خلاقی ورضای دولته
 منافی برچوق حرکانه جسارت وشمیدیکی احقما واستدعای
 ایسه دوچار اولدینغی قید یأس و نومیدیدن نشأت ایلدیکی
 و الحاله هذه جبیلجه دخی قطعاً حیثیت واهمیتی قالدینغی
 چهنترله کندوسنه هیچ بروجهله بوز ویرلامسی لازم کاور
 ایسه دهمر قومک ملتی صفتیله اوروپاده کشت وکداری قطعاً
 جبیله نک اخلال آسایشسنه فرصتخوا اولنلرک مروج نبات
 و افکاری اولغین شاید ما بوسأ اوروپایه عودت ورواجکاه

منویاتنه مراجعت ایدہ جن اولور ایسہ بزجہ انقطاع قبل
 وقال محال اولہ جفتہ و شو احوال ایلہ برابر دائرہ عفو
 و عطای حضرت ولی نعمت اجرام جرم و خطادن واسع
 اولغله متشبت اذیال عاطفت علیا اولان معرفتینک رد
 و تبعیدی موافق شان مرحمت عنوان پادشاهی اولہ میوب
 معاش متصورہ کلنجہ بونک مقداری اشالنه وقاعدہ ملترمہ
 تصرفیہ نسبتلہ زیادہ ایسہدہ مرقومک جبلجہ ماملکی
 ضایع و فاملیاسنک کثرت ارکان و اعضاسی اذن اشغی
 ایلقلہ ادارہ سنہ مانع اولسبلہ احسان بیوربلہ جق شہریہ نیک
 اولدجہ ترفہ و تعیشنہ کفایت ایتدی مرتبہ لزومہ واصل
 اولوب بنا برین معاش مزبور کافی و معتدل کورندیکنه منبی
 ہم قطعہ جبلجہ ایدی فساد و دبیسی کسکش ہمہ
 بعد ازین جانب اجانبہ مراجعتلہ ایکیدہ بر حکومت سنیہ بی
 اشغالنه میدان ویرلایش اولق و دولت علیہ نیک تعیین
 ایدہ جکی موقعدہ طوروب اوطورمق اوزرہ کندوسنہ اولمقدار
 معاش تخصیصی مرهون مساعدہ شفقت معنادہ حضرت
 جهانداری کورینہ رک بوکادار نظارت فشار الیہادن و یریلان
 تقریر لفاتقدیم قلمش ایسہدہ ینہ امر فرمان پادشاه حکمت پناه
 اولدمنزک ایدوی انا دیسلہ تذکرہ ثناوری ترقیم اولندی اقدم
 فی ۱۵ ش سنہ ۹۰

(بودخی)

مقدما داخل دائرہ ضبط و تسخیر اولان کوکیان قلعه سنک

(صورت)

صورت استیلاسته دائر وارد اولوب كچنده عتبه علیایه تقدیم
 قلذان تاغرافنامه سنك توضیح مندرجاتی وخطه عسیره ده شمیدی به
 قدر وقوعبولان محاربات وفتوحاتك تعریف و تفصیل احوال
 وکیفیاتتی حاوی بمن والیسی و فرقه عسکریه قوماندانی دولتو
 باشا حضرتلرینك باب عالی به وجانب والای سپهسالاری به
 مبعوث ایکی قطعه نخر براتی انجمن مخصوص وکلاده قرائت اولندی
 مألرندن استبشار واستنباط اولندیغنی وجمله اقلیم بمانیده اول و آخر
 رفع لوای شایسته متجاسر اولان اشتمیا و عربان هر بر حرب و جمله ده
 مخذول و پریشان اوله رق بوآنه دکن اورانك نقاط عمومیه سنده
 صغیر و کبیر درت یوز یکریمی بشه قریب قلعه ضبط برله
 ایچلرندن افتضا ایدنلری تخریب اونمش و کافه مواقع
 واماکن پایمال چند متصور اولمش اولسایله اولحوالیجه
 ارانبلان اصلاحات کلیه قصد مهمی حسوله کله رك بعض
 اصلاحات خصوصیه و تحسین اموال بیره ایچون اجرای
 حرکادن بشقه پایبیله حق قلماش اولوب علم حقایق
 احتوای شهنشاهی به محتاج عرض و بیان اولدیغنی اوزره
 اشبو بمن وعسیر وصنعا کشورلری مدت مدیده دنبرو ایادی
 متعلیقنده قاهره حکومت سنیه نك نامی اولودلق درجه سنه
 ککش و تعریف و تعداد ایدیلان قلاع و بقاع فوق الغابه
 متین و سنکستان و تسخیری خارج از دایره امکان بولنش ایکن
 مغیلاتزار شقاویده هربری برآزدها کچینان و مناعت مواقع اغترار
 ایله سلاح بدست عصیان اولان اشقینك بوصورتله بر باد
 و تار مار و حصون و محال مرقومه نك ازسرنو ضمیمه ممالک
 شهر یاربلند اقتدار اولسی و فی نعمت بیختمز بخت محض ملک
 و ملت پادشاه عدیم الاشباه اقدمز حضرتلرینك موفقیات

سعدآیات ظل اللہ پوری جہۃ محترمہ و مجاہدہ سنیہ صلاوہ ایدیلہ جک
وظرفناۃ عالمی تئو پرایلیہ جک فتح جلیل و عظیم اولغلہ
دعوات افزایش عرواقبال وشوکت واجلال حضرت
نہریاری زیور السنۃ تشکر و محبت وجہات بندکانہ من موضوع
عتبۃ کواکب کوکبۃ ولی نعمت بینت اولدینی حالہ تبریک
مظفریت عظمای خلافتناہی بہ ابتدار اولدینی و محاربات
وفتوحات واقعہہ اثبات اثار فداکاری و مردانگی ایدن جنود
نصرت نمود شاہانہ یہ سایۃ عاطفت وایۃ ماوگانہ دہ عوم
مدالیہ اعطاسی محزرات مذکورنک برندہ التماس وانہا اولنمش
ایدوکنہ و واقعاشدت کرمی ہوا و مہاجات متوالیۃ اعدایہ
سینہ کشای بسالت و شجاعت اولان عساکر فوز مأثر
ملکدارینک بویلہ برائر تقدیر عالیہ الطیفلی موافق شان
جلیل العنوان پادشاہی اولہ جفنہ بناہ استیلان مدالیہ لک
برعبارہ مناسبہ الیہ رسمی یابدیر بلہرق بشقہ جہ عرض
واستینانی ووالی مشارالہہ دخی تبشیر محظوظیت سنیہ بی
متضمن جوابنامہ ارسالی تذکر اولنہرق محزرات وارده طابقہ
تقدیم قلمقلہ موافق ارادہ مکارم افادہ جناب شہشاہی
بیوریلورایسہ ایجابی ایفا ایدیلہ جکی بیانیلہ تذکرہ ثناوری
ترقیم قلندی افندم فی ۱۱ رجب سنہ ۸۹

(بودخی)

اثر جلیل بی مثل حضرت پادشاہی اولان اسلمۃ جدیدہ

(انبارینک)

انبارينك اشيو جمعه ايرتسي كوني مشاهده وضع اساسيله
 تشرف عاجزانه من حقنده مرحمت افزاي سنوح و صدور
 بيوريلان اراده مكارم افاده شهنشاهي بي حاوي تذكرة
 عليه لري زيور دست تكريم اولدي تحكيم مباني شان
 وشكوه دولت عليه احسان خاص حمداني و بنای سلطنت
 و خلافت كبريه باني بيداني اولان ولي نعمت بينتمز پادشاهم
 افندمز حضرت تاريك ايجاد كرده فيوضات پرورده
 ملكدار يلري بولنان نيجه اثار بر كزیده حقیقه ملك و ملجه
 مدار مستقل فلاح و سلامت وايقاي حق تشكرنده السنة
 بندكان ملامال عجز و حيرت اولدني حالد اشيو اثر محاسن
 آورك معاینه سيميله تنوير عيون مباهاتمز خصوصنده دخی
 بي دريغ و شايان بيوريلان رخصت شفقت منقبت ظل اللهی
 جلهيه و خصوصاً بلا واسطه چراغ دست افروخته ولي نعمت
 بينت و خلاصه افكار و آمالی اغور فيض نشور شهر ياریده
 فدای اسر و جانندن عبارت بولنان بو عبد خاصه
 افاضه انواع فخر و مسار ايتسيميله ربحز تعالی و تقدس تراکيب
 کائنات پیوسته اوتاد خلود و ثبات اولدجه ذات قدس سیت آيات
 حضرت پادشاهی بي رونق افرنی اورنك معلای شوکت
 و شان و فروغ اقبال و سلطنت سنیه سنی همیشه لعه پاش
 افطار جهان بيورمق دعای مستجاب و مستطابنك تکراری
 ايله لسان عبودیت تزین و عتبه هلیابه وضع جبین اولنه رق
 عرض تشكرات مخصوصه به ايتسار اولنديني و بمنه تعالی
 يوم مذکورده کمال فخر و مباهات ايله انفاذ امر و فرمان
 مراحم عنوان جناب شاهانه به مسارعت اولنه جنی بيانيله
 تذكرة ثاوری ترقیم قلندی افندم في ۱۸ رجب سنه ۹۰

(بودخی)

سلانیک و کرید والیری دولتلو ع. فوزی وصفون پاشا
 حضراتی مجیدی نشان ذیشانیک ایکنچی وسوریه و بوسنه
 والیری دولتلو حالت ومصطفی عاصم پاشا حضراتی دخی
 اوچنچی رتبه لرینی حائز اولدولرینه و کافه مأمورین و بندکانک
 حصول شرف و افتخار و انظار ناسده تزیاد امتیاز و اعتباری
 نشانه تقدیر مفتخرت سیمیر جناب پادشاهی به مظهریتلرینه
 وابسته اوله رق بوندن محرومیت حقلزنده بین الخلق نقیصه
 وقع و حیثیت معناسنی مؤدی و بنا علیه نفوذ حکومتک
 عدم تأثیرینه بادی اوله جفته وانگه برابر اشبو ولایتلرده
 بولتن رؤسای روحانیه و منسوبات دول اجنبیه دن بعضیلزنده
 برنجی رتبه دن نشانلر وار ایکن ارکان اداره نک رئیسلری
 اولان ولایه عثمانک موقع ندیده بولنسی ذاتاً دخی موافق
 شان عالی اوله میه جفته مبنی مشارالیمه تبدیلا برنجی و قسطنونی
 والیسی دولتلو عاصم پاشا حضرتلری هنوز نائل نشان همایون
 اوله مامش ایدوکندن اکاده مجدداً بیکنچی رتبه لردن برر قطعه
 نشان مجیدی اعطاسی مناسب کبی نخطر اولندی ایسه ده
 هر حالده امر و فرمان و بندکان و احسان ولی نعمت بی امتناع
 پاشاهمز افتخارک ایدوکی بیانیله تذکره شاورری ترقیم قلندی
 افندم فی ۱۵ رجب سنه ۱۰

(بودخی)

بصره دونمائی همایونندن مقدمه جدیده به کوندرلش اولان بروسه ولبنان قروتلرینک اورادن عودت ایدرک کور نانی ایچون عدن لیمانه مواصلت و حسب الایجاب هید فطره قدر توقف واقامتلی جهتله عید مذکورک دخیولندن طولانی قروت همایونلر تزیین و برای احترام طوبلر انداخت ایتدیریله جکی عدن والیسنه صورت رسمیده اخطار و انکتره دولتی سفایندن اولجه اورابه کلش اولان واپور قومانداننده مراسم متقابله نیک اغناسی اخیز اولنسی اوزرینه عرفه کونی قاعده بجزیه به تطبیقاً سالف الذکر قروتلر طونادیله رق وایکی طرفدن طوبلر آتله رق فردایی دخی بالجه ضابطان و عساکر شاهانه البسه منتظر لرینی لابساً و تیه اولدن فلکمز را باعدن لیمانک قوم میدانی دینلان محلسده اهل اسلام جانبندن رکز ایدیلان منبر یدشکاهنه بالوصول کندولریله اهلیدن وانکتره تک هندستان عسکرندن مرکب ایکی بیگ نفوسدن متجاوز جماعت مسلمین ایله بیرام نمازینی بعد الادا نام نامی ظل اللهی به منسوباً قرائت ایتدیریلان خطبه مخصوصه ایله تشنیف مسامع افتخار قلنمش ایدوکی و یوم مذکورک اخشامی بیه قروت همایونلر طرفندن اجرا اولنان رسم معتاده انکتره قرزقی مقابله ایدرک عید شریفک ایکنجه کونی دخی عدنک تجار و معتبران کبار و سفارندن دولت علیه

سفینه سنک تماشاسنه آرزوکش اولنر اشبو قروت
 همایونلره کلوب و اوکله نمازینی درونلرنده قیلوب مدت
 مدیده دنبرو بویله مسرت عظمايه نائل اوله ماش ایکن سفن
 شاهانه نك شرفی مشاهده سنه مظهر بتلرینک ادای تشکرینه
 مقتدر اوله میه جقلرینی درمیان ایله کافه سی * پادشاهیم
 چوق پشاه * دعای اجابت پیمانی تذکار و تکرار ایلمش اولدقلری
 بصیره فرقه بحر به سی قوماندانلغندن بالورود بحریه نظارت
 جلیله سنندن کوندریلان تحریراتده اشعار اولنمش وعدن
 حکومتک بوجه معروض اظهار ابلدیکی معاملات احترامیه
 مصافات موجوده دولتینه موافق و اهالی طرفلرندن ابراز ایدیلان
 آثار اخلاص و مصادقت خلافت کبرانک انظار اسلامیانده
 درجه علیای مقدستی معن و مؤید اوله رق اوای سعادتیوای
 عثمانینک اوصولده منور عیون نظار و اسم سائی
 جهاندارینک اوله برجعت عمومیه ده پیرایه ساز سوامع
 حضار اولسی ایسه دلوهت محاسن منقبت ظلیتیناهیسی
 سلطنت سنیه لرینه قوه بحر به جه دخی باعث حیات و افکار
 و آمال خیر اشتهال شهنشاهیسی ترقی شان و شکوه دولت علیه
 حقننده واصل مرتبه عالیات اولان ذات معالی سمات حضرت
 تاجدارینک موفقیت میامن آیت پادشاهانه لری نمره محترمه سنندن
 و جوانی عرفومه جه تأثیرات حسنه بی موجب احوالندن بوننمش
 اولغله دعوات روز افزونی عمر و اقبال و عظمت و اجلال جئاتب
 ولی نعمت بتکرار زیور لسان تشکر و عبودیت اولدیغی حالده
 مجرد محاط علم دقایق محیط عالی بیورلمق اوزره عرض کیفیته
 ابتدار اولندی آفتم

(بودخی)

در سعادت ایله بلاد نلتهك مواقع مقتضیه سینده بایله جق
 اینیهك كاركیر اولسی حقنده متعلق بیور یلان ناراده سنیه
 حضرت جهانبانی موججه انجمن مشورت و شورای دولته
 جریان ایدن مذاکرات و تعدیلات اوزرینه قله النان مضبطه
 و مذکره ایله نظامنامه لفا عرض و تقدیم قلندی مائلرندن
 مستبان اوله جق و جمله نفس استانبولك ایکی به تقسیمه اون
 قیاندن زیرك و سپهیلر باشی و خور خور طریقله اقمسرای
 قره ضوخلانه سی اوکندن یکی قیو به قدر اولان خطك یازید جمعی
 قسم اول و فاتح طرفی قسم ثانی و عزب قیوسندن التخی
 دائرهك اقامتگاهنه طوضری کیدیلور ایکن قره ضوخلانه یانده کی
 بولدن آینه لی چشمه به و چشمهك سول جانیندن کیدوب
 ساقزاقا جنك دره سیندن شیشلی و فری کوبی داخل اوله ورق
 خط مزبورك صاغ طرفی برنجی و سولی یعنی طاطاوله و قاسم
 باشا جمعی ایکنجی و عزب قیوسندن اورته کویه تمتد بیوک
 جاده ایله مذکور شیشلی قره ضوخلانه سی بولندن بارور بالوچی
 چفتلکی و ایدیندن سالف الذکر اورته کویه امتداد ایلمیان
 خطك داخلی مارالبیان بیوک جاده به اینجیه دکن كذلك
 برنجی قسم عد و اعتبار اولتق و قصور بلاد نلته و قاضی
 کوبی و بوغاز ایچی و اطه لرق قسم ثانی عدادندن معدود اولق
 و قسم اول دائره سینده بولنه جق محللر ایله استانبول و بوغاز

ایچنک و بلادئکله مجهونهنک بائجمله موافقنده کرك تارلااصوانه
 وکرك توسع قاعدهسنه کوره مجدداً اچيله جق جاده. وزقاقلرده
 بمحله شکلنه قونيله جق خام اراضیده اخشاب ابقنه یایدیرلسی
 تحت ممنوعیته النوب کافه سی کارکیر وقسم ثانی به منقسم
 برلرده انشا قلنه جق خانلر خرج خالص ایله صیوه اوله رق
 یابلق اساسلرینه و دیگر شرائط مقتضیه به تطبیقاً معاملات
 لازمه نك ایفاسی خلاصه مطالعات اولوب دارالسلطنة السییه
 وضعیت جغرافییه سی اقتضاسیجه ربع مسکونده برشر عدم الامائل
 و هر درلو انتظام و اعمار قابل اوله رق اسباب تنظیمه سنک
 استحصالی خصوصنده ایسه اول و آخر پک چوق وسائل
 و تدابیره تشبث اولمش ایسه ده اکثر بیوت و منازلک اخشاب
 ایله مبنی قوق حریقده نیچه بای و کدایک باعث خرابی
 اولمقده بولندیغی حاله ماه الحیات عدل و عنایاتی انطفا بخش
 نأره ظلم و عدوان و جوی جود فیوضات ایاتی ملت و مملکته
 بادی سعادت و عمران اولان پادشاه کیتی ستان مراحم عنوان
 افندمن حضرتلرینک بوامر باهرالخیرده دخی احسان بیوردقلری
 قبیها و فرمان عموم سکانه واجب التحمید براطف نجات افشان
 اولمغله دعای افزایش عمر و اقبال و شوکت و اجلال شه نشاهینک
 تکرار یله تنویر صحیفه محمدت و عبودیت قلندیغی و نظامنامه
 مزبورک مواد مندرجه سی حصول مقصد، کافی و اقتضای موقع
 و حاله مبنی اید، کندن امر و اراده حکمت افاضه حضرت
 ظل الهی به توافقی ایلمدیکی تقدیرده همان مرکز فعل و اجرا به
 ایصال اولنه جنی افاده سیله تذکره، شناوری ترقیم اولندی

(بودخی)

حیدر باشادن بدأ ایله اناتولی ایچنه طوغری دردست انشابولنان
 نیور یولک اذمیده قدر اولان قسمی کاملاً رهین حسن ختام
 اوله رق کله جک چهارشنبه کونی رسم کشادینک اجرا اولنه جفی
 نافعہ نظارت جلیله سی طرفندن اخبار و افاده قلندیقنه و ربمز
 تعالی و تقدس عمر و اقبال و شوکت و اجلال شاهانه لرینی
 افزون و فراوان بیورسون ذات معالی سمات حضرت
 شهنشاهینک انوار محسنات نجات آیات عصر همایونلری آن بان
 منور عیون افتخار بندکان و عالمان اولدینی مثللو اناتولی
 ممالک وسیعته المسالکینک حصول معصومیت و اهاالینک تزیاد
 ثروت و تجارتی ایچون احسان جلیل حیات بخشاشی و بلطف الله
 تعالی اول خطه جسمیه نک سائر نقاط و قطعاته تمید و اعمانی فرمان
 بیوریلوب طرف طرف تدابیر کشفیه و مقتضیه سنه باشلانیلان
 خطوط و شعباتک مبدأ خیر احتوائی اولان اشبو طریق منافع
 رفیقک سایه عنایتویه جناب حلافتینا هیلرنده مشاهده
 ترقیاتیه دخی تنویر اعین رقیب جلیله باعث شرف و منفخرت
 اوله جفته مبنی ایلر وسنک اوجهته عائد عملیاتیده معاینه و رؤیت
 و اخشامین عودت اولنمق اوزره مارالبیان چهارشنبه کونی
 هبت عجز آیت چاکرانه مزله حیدر پاشا موقوفنه و اورادن دخی
 ذکر اولنان نیور یول ایله اذمیده عزیمت عیدانه مزه مساعده
 مراجعاده شهر یاری ندر بغ و شایان بیورلمسی رجاسنه جرأت

قلندیسده ینه امر و فرمان ولی نعمت بیتمنز پادشاهمز
افندمز حضرتلرینک ایدوکی افاده سیله تذکره ثناوری ترقیم
اولندی افندمز فی ۲ رجب سنه ۲۹۰

(بودخی)

اشبو شهر شعبانک اون بشنجی چهارشنبه کجه سی لیلۀ برات
بجیت ایات اولدیغنی حاوی استانبول قاضیسی افندی حضرتلرینک
ورودایدن-اعلامی جناب رب رحیم ولی نعمت بیتمنز پادشاهمز
افندمز حضرتلرینی مشاهده امثال لائحصاسیله رونق افزای
دیهم خلافت وسیم بیورمق دعای مفروض الاداسی ز بورلسان
عبودیت افشان - وجهه ایتمال وضراعت موضوع زیر پای
معالی پیمای شهنشاه جهان اوله رق تقدیم قلمش اولغله اراده
سنیه حضرت ملوکانه به توافقی ایلدیکی تقدیرده اول شب
فیروز منعت پروزده ایفای مراسم شهراین وشادی به
ابتدار اولنه جغنی ولیله مذکوره سعادت اصلیه سندن
بشقه افتاب عالمتاب اسمان شوکت وشان ودولت وملته
احسان مجلیل خدای مستعان اولان ذات ظلیتسمات
خلافتینما هینک ولادت واجبه المحمدت همایونلرینه مصادفت
شریفه دخی اسعد اوقات ولیال و بویه هنگام فیض اتاسامده
هتبه سما مرتبه پادشاهی به فرس جباه مملوکیت
قوللره باعث مباحات عال العال اولسیله مساعده مراجع افاده
جناب ظل اللهی شایان بیوریلور ایسه امثالنه توفیقاً

(جانب)

جانب تشریف‌آوردن و یریلوب لفاً عرض اولنان بوصوله
 محررالاسامی‌م‌اورین و داعیان و یاخود تنسیب و فرمان
 بیوریله جق بندکان ایله برابر رکاب رسم معتادینک اجراسیله
 دخی تنویر عیون رقیب قلنه جغنی بیانیه تذکره شناوری
 ترقیم اولندی افندم فی ۹ ش سنه ۹۲

﴿ مابین همایونه تقدیم قلنان تاریخی منظومه ﴾

بادشاهم حق سنی تختنده تأید ایلسون
 فرقرزده سابه کی هر بار تمید ایلسون
 شان واقبالن فزون اعداکی نومید ایلسون
 بمن عصر کاه نیجه اعوامی تسعید ایلسون
 عرومجدوشوکنک منان تزید ایلسون ۱۲۹۰
 سال نوذات همایونک ایله عید ایلسون ۱۲۹۰
 حفظ خیر الحافظین اطرافنی قیلسون مقر
 کورسون قلب کرامت اوب شاهانه کدر
 آسمانده بر قرار اولدقجه خورشید و مقر
 ویر افندم برج والای شهنشاهی به فر
 عرومجدوشوکنک منان تزید ایلسون
 سال نوذات همایونک ایله عید ایلسون
 محیی دولتسک ای ظل خدامستعان
 نوش داوری عنایاتکله بولدق تازه جان
 شاکر الطافی واشفاقک عموم بندکان
 بیلهر ابتدکجه تجدد اول سیر آرایی شان

عمر ومجد وشوكتك منان تزويد ايلسون
 سال نوذات همايونك ايله عيد ايلسون
 شهر يار معد لتكارا سكا بوقدر نظير
 بر يراتمش دولتي احيا ايچون رب قدر
 اولمه ده انوار الطافكدن عالم مستنير
 سير كردون ايلدكجه ماه ايله مهر منير
 عمر ومجد وشوكتك منان تزويد ايلسون
 سال نوذات همايونك ايله عيد ايلسون
 عصر مسعود صفا پاشك حيات افزا بزه
 بندكي استانك نعمت عظما بزه

فرضدر دعوات خير بهك شهشاهها بزه
 سندن اوزكه پادشاه كوسترسون مولا بزه

عمر ومجد وشوكتك منان تزويد ايلسون
 سال نوذات همايونك ايله عيد ايلسون
 پادشاهم عافيله سن جهان طور دقيجه طور
 دولتكله مهر وماه واختران طور دقيجه طور
 تختي تنوير ايله ارض واسمان طور دقيجه طور
 اوج اعلاي خلافتده همان طور دقيجه طور

عمر ومجد وشوكتك منان تزويد ايلسون
 سال نوذات همايونك ايله عيد ايلسون
 داما اولسون وجودك زيب تحت سلطنت
 اندن ايتسون اشهر واعوام كسب مسعدت

اي سليمان زمان عدل و داد ومرحمت
 ايلدي كنعان قولك مورانه عرض تهنيت

عمر ومجد وشوكتك منان تزويد ايلسون ١٢٩٠
 سال نوذات همايونك ايله عيد ايلسون ١٢٩٠

(بودنی)

وجودك بادشاهم نور محض رب عزتدر
 منیر برج دوات مستنار اوج رفعتدر
 عیون ارای ملت اسمان پیرای شوکتدر
 مبارکدر مقدسدر شرفخش خلافتدر
 شهاروز جلوسك مبدأ اوقات فرحتدر ۱۲۹۲
 صباح الفیض عالم مطلع مهر سعادتدر ۱۲۹۲
 اوروز دلکشار شك اور اعیاد عایددر
 قنادیل شی اتشنز قلب اعایددر
 انك برساعت فوزایتی بیک سعده بایددر
 بقای دواتی تبشیر ایند هنگام شایددر
 شهاروز جلوسك مبدأ اوقات فرحتدر
 صباح الفیض عالم مطلع مهر سعادتدر
 سنی بکنا براتمش شهریارا حضرت خلاق
 مشرفدر سنکله تاجدار احسن اخلاق
 بجمع البش ذاتکده عدل ورافت واشفاق
 منور طلعت عصر همایونك ایله افاق
 شهاروز جلوسك مبدأ اوقات فرحتدر
 صباح الفیض عالم مطلع مهر سعادتدر
 کر مکارا بیوکر شوکت وشانك تعالی الله
 مکر مسك منخمسك مبدك من عندالله

افندم پادشاهم یوق سکا بی اشتباه اشباه
بومصر علمرتشکرله اوقونسون هرسنه هرماه
شهاروز جلوسك مبدأ اوقات فرحتدر
صبح الفیض عالم مطلع مهرسعادتدر
ایدوب بذل هم ظل عدم المثل یزدانی
معلا ایاندك سن بدر قدر ال عثمانی
الی یوم التناذ اول جالس اورنك سلطانی
بزه کوسترمسون حق ذات لطف ایاتکه ثانی

شهاروز جلوسك مبدأ اوقات فرحتدر
صبح الفیض عالم مطلع مهرسعادتدر
شرفله برق اورنجه شمس شانك ملك كاشفرده
افندم نام پاكك خطبه پیرا اولدی منبرده
عیان علویت ذات جلیلك جمله كشورده
بولنمز بوصباحت بولطافت عیدا كبرده
شهاروز جلوسك مبدأ اوقات فرحتدر
صبح الفیض عالم مطلع مهرسعادتدر
جهان معدلت باشند باشه اباد احسانك
عباد استانك دائما دلشاد احسانك

مبانی علوم و معرفت بنیاد احسانك
بودولتده برقی هب سنك ایجاد احسانك
شهاروز جلوسك مبدأ اوقات فرحتدر
صبح الفیض عالم مطلع مهرسعادتدر
برای تهنیت یوزر سورلسون بابکه هرآن
بزه او پدیرمسون بر پای دیگر حضرت منان

جهانه افتاب شوکتک اولسون فروغ افشان
 انکله ایلسون کسب سعود و میمنت احیان
 شهاروز جلوسک مبدأ اوقات فرحتدر
 صباح الفیض عالم مطلع مهر سعادتدر
 قر اولد فجه خورشید درخشانک ضیاداری
 سمای سلطنتدن سو بوسو نشر ایله انواری
 یتشد برسون فیجه امثال عال العالمه باری
 انک «صح الفیوضات» اولدی تاریخ کهر باری
 شهاروز جلوسک مبدأ اوقات فرحتدر ۱۲۹۲
 صباح الفیض عالم مطلع مهر سعادتدر ۱۲۹۲

﴿ حسین عوفی پاشا مرحومه صدرتنده یاز یلان ﴾
 ﴿ عریضه ﴾

عید اضحاد نبرو ابتلا سیله بیزار و شدائد تاثیراتیه مجبور
 اقامت خرابه زار اولدیغم عارضه وجودیه بوکون بالذات
 ایفاسیله اکتساب فخر و مباهات ایده جکم خدمت محترمه جناب
 وکالت بناهیلرندن محرومیت و برای تبریک و تسعید عتبه علیای فخرامت
 احتوای داووریلرینه یوز سورمک شرفندن مجبوریت عیب دانه می
 استلزام اینکله شواحوال باصت کدورت و ملال اولدیغی حالده
 ذره بیتمدارک افتاب عالمتابه عرض نسبت ایتمسی قبیلندن اولوق
 اوزره اشبو عریضه رقیبت انما تقبیل دامن فیض مامن
 خدیو اعظمیلرینه توکیل قلندی باقی امر و فرمان حضرت
 ولی الامر کدر

(بودنی)

ربحز تعالی و تقدس ذات مستجمع المحسنات وکالتپناهیلرینی
 ارکان خاندان بلند عنوان فخرمانه لرله برابر هر کونه الام
 واسقامدن مصون بیورسون برقاچ کوندنبرو دوچار اولدینم
 عارضه بدنیه دن طولابی بک یتساب اوله رق و بناه علیه
 بالذات شرفیاب خدمت جهان قیمت جناب صدر اعظمیلری
 اوله میهرق ایشته شوابکی اضطراب جسمانی و روحانی ایله
 فوق الغایه غمناک اولمده بولندینم حالده قدرت بک قوللری
 بوکیجه کلبه احزانه کله رک « سکا برحغه نادیده کتوردمکه
 ذکر « حقه چرخ معلا طولوسی در و کهر » مقدمه سیله
 عاجز نوازاقده دخی مسلم اولان شعار جلیل ولی النعمیلرینه
 دال و صودت صحت چاکر مصادقت سیریه متین برقال اوله رق
 احسان بیوریلان التفات وورث الروح و تلطیفات باعث الفتوح
 خدیوانه لرینی تبشیر ایلمدی درجه عالی الطاف و اشفاق
 سنیه ذره پروریلرینه کوره اقتساب عالم ارانک خاک حقیره
 تزلزلی قبیلندن اولوب راده عجز و افتقار بندکانه مه نسبتله
 بالا و نظر اعتقاد عبیدانه مسده امتیازات بشریه و مفاخر
 دنیویه نك هر برندن اعلا اولان اشبو کرم محترمک ایفای محمدت
 ممکنه سی ایچون خاکپای معلاسی وکالت مطلقه لرینه وضع
 جبهه ابتهاه استجمال اهم و الزم ایسده حیفاکه حالت ناتوانی
 مساعد اولدیغندن اول وجیهه ان شالله تعالی یقین کونده

(اجرا)

اجرا اولتقى اوزره جناب خیر الحافظین بحق احق مدیحه
 صاحب السیف والقلم صدر اعظم عالی هم افندمری سایه
 فیوضات وایه ظل اللهبده همیشه مسند ارای کامکاری
 وفخامت و بو عبدیکسی دخی دائماً انوار حسن انظار محاسن نثار
 داورانہ زدن استناره الیه قریر العین شادی و مسرت
 بیورمق دهای خیر احتواسنک تکرار یله اشبو عرضحال
 پریشان مال تقدیم و ترفیع و مباحات حاصله عییدانہم
 اوزرینہ و قوصبولان مشهوداتنک بشتمهجه عرضی دخی
 میرموی الیه بندہ زینہ تودیع قلندی باقی امر و فرمان حضرت
 ولی الامر کدر

﴿ اہتلو دولتلو کامل پاشا حضرتلرینک برای تبدیل اب ﴾
 ﴿ و هو امر صرده بولندقلری اثناده مقام جلیل صدر اعظمادان ﴾
 ﴿ کندولرینہ یازیلان جوانانہ ﴾

مواصلت سائہ داورانہ لرینک شام و سحر منتظر اولان خیر
 سرور اورینی حاوی ارسال بیوریلان کرمنامہ نوازش فحای
 زیور موقع ایحال اولدی جناب خلاق باقی لیلہ
 مظلمہ افتراقی قریباً مبدل صباح الخیر تلاق ایدہ جکنندہ قلوب
 صافیہ اصحاب و داد مربوط اوتاد امنیت واتحاد اولسبیلہ
 برابر شہدایہ نوشان بزم معارف پیرا و صفانندان مصاحبیت
 عوارف ارای خدیویلرینہ کوره اقل زمان فرقت اذول
 مدت کدورت اولقدن ناشی بعد التشریف العالی دل
 صدق اتقا تأثرله مالی ولسان مخالفت احتوا د نسخہ
 کامل عرفانسک سن کیت سلامت الیه صحت الیه کل

درودریا مفقودینی تالی اولدینی حالده جداً نخبیر الحافظین
 باکمال آسایش صوب مقصوده بخش آرایش بیورلش ووجود
 فضائل موجود ریاستناهیاری رونق افزای کاشانه عافیت
 بولمش اولدینک تبشیرینه مبدولیت همت علیة فحیمانہ لری
 بادی اتواع شادی اوله رق دعای فزونی عمر و اقبال داور یلری
 بخلوص البال رفع اجابتکاه مولای متعال ونحفة محترمة
 سلام التفات اتسام رفقای کرامه لدی الاهدای جمله سی
 بشقه بشقه لوازم ادعیه واثنیه بی ادا ایلدکلرینک علاوه سیله
 ختم مقال اولدینی محاط علم سامی اصفانه لری بیورلدقده
 امر و اراده حضرت من له الامر کبر

﴿ عالی پاشا مرحوم طرفندن خدیو مصر حضرتلرینه ﴾
 ﴿ یازیلان جوابنامه ﴾

فؤاد پاشا مرحومک ارتحال مورث الملائندن طولایی ارسال
 بیوریلان تحریرات تسلیت ایات خدیوانه لری رسیده دست
 تکریم اولدی مرحوم مشارالیه دارالکتب کالات و حکمتک
 نسخة نفیسه سی اوله رق آرای حکم آراسی متون مغلقة معظمات
 اموره شارح اکمل و تدابیر اصابت پیرامی کتاب مهام دوله
 فهرست مکمل اولدینی جهتله بقای وجود نادری ازم
 و هله ما الحیات مصاحبت و الفتلیله دلسیر اولنلر ایچون
 بستون اهم ایکن شو وقعة جانسوزک ظهوری چاکر
 کینه لری خقیقه دلخون ایلدی نه چاره تقدیر رب قدیر
 تمتنع التغیر و تلافی مافات خارج از حوصله امکان و تدبیر اولقله
 جناب پشی و دود متوفای مشارالیه محفوظ محفظه رحمت

وغفران اولدقجه ایام عمر و اقبال و شوکت و اجلال ملوکانه بی
 پیوسته اوتادخلود و جناب فحامت ماب اصفانه لرینی دخی
 مسند عز وعلای ولایتده ابدنمود بیورمق دعاسنک تکراری
 و مرهم جریحه فواد و مومیا بخش داغ درون مخلص
 وفامعتاد اولان اشبو اثر تسلیتکاری و کرم پرویدن ناشی شکر
 و سرور عاجزانهمک تردیف و تدکاری ایله ترقیم جواننامه چاکری به
 ابتدا رقلندی اولیاده امر و فرمان حضرت من له الامر کدر

﴿ عرض تذکری ﴾

نظرگاه عرفان پناه حضرت شهنشاهی به عرض و بیانه حاجت
 اولدینی و جهله هندستانک جانب جنویسندده موجود و کره
 ارضک اک منبت و جسمیم جزا برندن معدود اولوب من القدم
 صومازه دنیلان جزیره واسعه اهالیسی فی الاصل ایکی
 قسمه منقسم اولرق بریسی ابتداری انکلیرلوره و اخیراً
 انکلتره و فلنک دولتری بیننده یاپیلان معاهده حکمنجه
 فلنکلوره تابع اولمش اولدقاری حالده بونلردن جزیره
 مرقومه نك اچه تعبیر قلنان قطعه غریبه سنده قالان
 و او برلرینه نسبتله مائل و نائل مدنیت و اوچ میلیوندن
 منجاوز نفوسدن عبارت بولنان فرقه ثانیه اول اثره اتباع
 ایتمیرک بشقه جه بر حکومت اسلامیه تشکیل برله ابرو قالمش
 و فلنکلور ایسه قسم اولک کندولرینه تابعیلردن بالاستفاده
 اطه نك هر گوشه سنی ضبط و استیلایه قالمشوب انلره رام

اولیان طائفه دخی کما کان مقاومت و مقابله ده دوام الیه
 برار لاق اوزر لرینه کلان فلنک عسکرینده بوزوب طاغتمش
 اولمزدن طولایی فلنک دولتک افکاری بونلرک علیه بتون
 بتون علولنه رک و مصلحت بسبتون مسئله ناموسییه انتقال
 ایتدیر بلرک دوات مشار الیه اعلان حربیه قرار و برمش
 اولمغله اچه حاکی کچنده ارکان حکومتمدن عبدالرحمن
 افندی الیه عتبه علیایه لاجل التقدیم بر عریضه کوندره رک
 مآلنده کدوسنک و اچه اها لیسنک جملته مقام معلای
 خلافت کبرایه منسوبیت و مطاوعت قدیمه لرندن و بونک
 نشانه مفخرتی اولقی ایچون الحاله هذه برأ و بجرأ لوای سعادت
 احتوای دولت علیه بی پیرایه ستون مباهات ایده کلد کلرندن
 بحث و حکایت و از سر نو تأکید رابطه عبودیت و تابعیت
 الیه صحابت عالییه النجا و افندی مومی الیه دخی او بولده
 بسط نیاز و رجا ایلش اولدیغندن اقتضای کیفیت مجالس
 منعقدہ و کلاده بالدفعات وضع موقع مذاکره و مشورت
 اولندی مذکور اچه لولر جنتیمکان سلطان سلیم خان
 اول حضرتلرینک افاصلی جزیره العربده سرنمای ساحة ظهور
 اولان فتوحاتی اولنده حجاب سلطنت سنیهیه کیرمش
 و صکره لری دخی اچه حکمداری سابق منصور شاه طرفندن
 محمد علی نالنده بری ائمه مخصوص الیه در سعادت کوندر یلوب
 منسوبیت دیرینه لری تحکیم و تکرار اولتمسلیله اسعاف مسئولی
 حاوی اولوقت برقطه فرمان عالی اصدار و تسبیار ایلش
 و شمیدیکی احتما و استحما دخی شووقوات و مساعداته مستند
 اولهرق استنان مراسم پاسبان شهر یاریدن دادخواه
 اولنلرک عاطفت عالییه ظل اللہی به نائلیتی ایسه لازمه دن بولتمش

اولدیغنه مبنی مستدعیات معروضه مجبوت عنہا تک تلقیسی
 ارزو اونور ایسبده اچه قطعه سنک ممالک ملوکا نه به
 غایت الغابه بعدیت مسافه سی اول و آخر بورای ایله وسائل مرادات
 و مناسباتی مانع و بنا برین استنبیلان معاونت فعلیه تک
 اجراسی مشکل و عمتنع ایدوکندن و شوتعسره قارشودولت
 علیه تک ایشی طوغریدن طوغری به کندو عهده سنه المسی
 بالاخره انواع مشکلات و محاذیری داعی اوله جنفی مثالو
 اچه حکومت و سکنه سی بروجہ محرر خاکپای مهالیسای
 جناب جهانبانی به رفع ایدی تضرع ورقیت ایدوب طورر
 و مقدا اولوجهله بر فرمان عالی و یرلمش بولنور ایکن کندولرینی
 رد و تأیس ایتسی دخی شان جلیل العنوان حضرت
 خلافتیناهی به توافق ایدمه بکندن هم فرمان مارالبیانک
 احکامی محفوظ طوتلش همده فلنکلورله بر مسئله
 چیقارلامش اولوق اوزره دولت مشارالیه به صورت دوستانه ده
 بعض اخطارات اجراسی منهداً تذکر و تصویب قلمش
 ایسده اولپابده امر و فرمان هماون اصابت نمون حضرت
 پادشاهی هرته و جمله متعلق و شرفصدور بیوریلور ایسه
 منطوق منبئی انفاذ ابدیله چکی بیانیله تذکره شاورری ترقیم
 قلندی افندم

(بودخی)

دیگر تذکره شاوریده بسط و بیان اولندیغی و جمله فلنکلورله

بینارنده محدث ایدن منازعاتدن طولایی استمدادی و خاکپای
 شوکت احتوای جناب جماتیانی به عرض عبودیت و اتقیادی
 حاوی اچه حاکی طرفندن کچنده عبدالرحمن افندی نام ذات
 واسطه سبیل بر عریضه مخصوصه ورود ایلدیکنه ومومی الیه
 بکونلرده عودت ایده جکنه مبنی انار معروضه رفیقکار یسنتک
 نزد معالی وفد حضرت ظل اللمیده مظهر تقدیر عالی
 بیورلدیفنک حاکم مشارالیه تبشیری لازم کلمسیله برابر بونک
 جوابنامه رسمی شاهانه الیه تبلیغی اغرونامه همایونلرک محافظه
 قدر جلیلی مقصد مهمنه مغایر دوشه جکندن اولباده کندوسنه
 سوی مخلصیدن بر مکتوب یازیلوب کوندرلسی بالتصور قلبه
 النان مسوده منظور دقایق نشور ملوکانه بیورلمق ایچون
 عرض و تقدیم قلمش اولمسبیله مدلول و عبارته سی موافق امر
 و فرمان اصابت نشان شهر یاری اولدیغی تقدیرده ایجابی
 اجرا ایلدیه چکی افاده سبیله تذکره ثنآوری ترقیم قلندی افندم

﴿ مقام جلیل صدر تعظماندن حاکم مشارالیه یازیلان مکتوب ﴾
 سعادتلو مکرمتلو والاقدر محاسن کردار حکمدار
 معالی اعتبار حضرتلری

مقام معالی خلافت کبرایه تأکید و تجدید روابط تابعیت و خصوصیت
 قدیمه لرینی حاوی ناظر امور داخلی حکمدار یلری عبدالرحمن
 افندی واسطه سبیله ارسال اولنان نامه مخالفت علامه لری عبه
 کواکب کوکبه جناب شاهانه به بالتقدیم منظور شوکت موفور
 تاجداری بیورلدی پیرایه ساز منقبت جلیله امام المسلمین
 و شرف پرداز مدیحه محترمه امیر المؤمنین زینت بخشای عنوان محترم

ظل الله في العالم مفخر مفخر سلاطين و امم شوکتلو عظیمدلو تمها بتلو
 بادشاه اعالی پناه و شهنشاه بلند بارگاه افتدمنر حضرت تارینه
 اتقیاد و اطاعت بااراده بالقمه رب عزت كافة اهل اسلام
 و توحیده فریضه ذمت و مستلزم اکتساب سلامت دنیا و آخرت
 اولوب ذات سعادت ایاتلرینک اشبووظیفه مفروضه و منجیه به
 رعایه و اجداد کراملرینک اثرینه اقتفاء شمیدی به قدر اظهار
 ابتدکلی مائر مرغوبه هر بار مقبول و قیمتدار اولدینی خالده
 بودفمه دخی سده سنیه باهرالعلا و خاکبای اسمان اعتلای
 حضرت خلایقیناهی به عرض و تأیید ایلدکلی اثر ارتباط
 و منسویت نزد معالی و فدجهان بنانیده باصت محظوظیت اوله رق
 بونک طرف و الالینه تبلیغی امر و فرمان بیورلقله بیان کیفیت
 ابتدار اولدینی و افتدی مومی الیه اولجانبه توجیه و جمه
 عزیمت و عودت اللمش و مسائل مأموریتنه عاند خصوصات
 قوه حافظه سنه تودیع قلمش اولسلیله تفصیل احوال افادات
 شفاهیة سندن استنباط اواستدلال اولنه جننی قرین علم سامیلمری
 بیورلقدنه بعد ازین دخی ابراز حب و موالاته مصر و فیت همت
 کریمانازی متوقعدر

﴿ پارس سفیری دولتو صادق پاشا حضرتلرینک مقدا ﴾
 ﴿ بوتایقه مأموریتله شامه اشرفیلرند کاندولرینه و یریلان ﴾
 ﴿ تعلیمات سنیه ﴾

دولت علیه نك اصول ثابتة عهدنوازی و استقلال پروریسی

اقتضاسیجہ ممالک محروسہ ملوکاتہنک اکثر موقعارندہ یعنی
 مأمورین اجنبیہنک کثرتی اولان یرزندہ حکومتہ اجنبییار
 بیندہ معاملات جاریہنک عهد وقتہ و حکمت و حکومتہ
 موافق اسلوب و محوردہ جریانی ایچون طرف اشرف سلطنت
 سنیہ دن بر پوتیقہ مأموری منصوب اولدیغی مثللو شام
 شریفده معاملات خارجیهنک کثرت و اهمیتی و کندوسنک درایت
 و فطانتی اقتضاسیجہ مومی الیه صادق افتندی دخی اورانک
 امور پوتیقیہ سنہ تعین اولمغله اساس مأموریتی اوله جق
 شیلر بروجه زیر تعداد و تفسیر اولنور
 دول متحابہ مأمورین و تبعہ سنک ممالک شاهانده احترامہ
 مظہریتی عهد مرعیه اقتضاسندن اولمغله بونلر حقندہ
 تسہلات و مراعات مقتضیہ بی ایفا ہم نص عهدی اجرا
 ہمدہ کندوزینک بحق شکایات و تعریضاتی اصحا دینک
 اوله جفندن مأمورین دولت علیہنک اجنبیبارہ شدت غیر موجہہ
 کوسترک و عهدک انلرہ بخش ابتدییکی معاونات و احتراماتی
 دریغ ایدرک خاطر شکنک وادیسنہ کتاملری ہر زمان
 ایچون ازم و انگلہ برابر اجنبی مأمورینک امور دولت
 و مصالح مملکتہ مداخلہ سی عہود و اصولہ جائز اولہ جغی
 و بوندن بر چوق فناقلر متولد اولہ جغی جہتلرہ اکا میدان
 و یرمیرک ہر حالده احکام عهد ووقتی و حقوق دولت
 و حکومتی محافظہ ایتلریدہ امرامدر بنا علیہ افتندی مومی الیه
 اجنبیبارہ معاملاتنی جلب حسن شہادت ارزوسیلہ دائرہ
 اعتدالدن چیتھارہرق درجہ مفرطہ بہ ایصال حکمت
 و حکومتیہ مضرتلی بر حالہ انصال ایدیش و بالعکس انلری
 کوسدر مملکت دخی زمان و مصالحیجہ فنا بر اولہ کیدیش

اولدینغی درپیش نظر رشد و سداد ایدرک واجتیلرک چاره صحیح
اندفاع مداخلات و شکایاتی اولوق اوزره کچنده باراده سنیه
جناب جهانبانی اقتضا ایندین مأمورین کرامه اسراقلتان
تعلیمات کافیه نیک برصورتی کندوسنه اعطا اولمغله انک کرک
بوماده ره و کرک مأمورین اجنبیه ایله اهلی و تبعه اراسنده
دوغنکده بولنان اثار احجا واسهمانک انعدام و محاسنه دائر
فقراتی و احاصل زیر و بالاسنی عادتاً درس کبی از بولیه رک
قونسلوساره مصالح داخلیه به و امور تبعه به مداخله سررشته سنی
و بحق شکایت سنیدینی و بره جک احوال و اثارک وقوع و حدوثه
قوه حصافت و درایتله حائل اوله جقدر

بالاده مذکور و صورت مجعونه محرر و مسطور اولان
تدابیر و اصول و اصل موقع اجرا و حصول اولجه بالطف
حق ایالتجه معاملات خارجیه بولنده کیدر احوال داخلیه به
کلجه منفعت ذاتیه سنی مضرت عمومیه ده ارایان برطاقم فساد کاران
بعض محلرده اسلام و خرسستیانی یکدیگرینه دوشوره جک
اقوال و افعال ایله تحدیث شورش و غوائله صرف مساعیدن
خالی اولدقلری مسموع و متواتر اولوب اگرچه خیر و شری ییلنر
اوله مفاسده الدانه رق نعمت رفاه و راحت کنده الریله هبا
ایتمز رسده عموم ناس مزیت ادراک و اذعان ایله ممتاز اوله میوب بونلرک
ایچنده فسادی خیر لو کوره جک سبکمفران دخی اولدینغی جهته
احتمالکه مفاسد بدخواهان وادی تأثیرده جریان ایده ییله جکنه
و اهالی و تبعه اراسنده ضدیت و برودت حکمت و حکومته
مستتبع انواع مضرت اوله چقنده بناء عموم زبردستانی یکدیگرله
خوش کچندیره رک مبیانت نامشروعده دن بری طوتمق پک مهم
و معتنا و دقت اولنسه بوقضیه بولتیسه مأمورلر نجه ده

واجب الاعتنا اولفله افندی مومی الیه والی مملکتله بالاتحاد
بین الاهالی هر نوع افسادات مضره نك منع وقوع وتأثیر
ایله حسن آمیزش وانسیتک تمامی حصولی و هر کسک
حالا واستقبالا محظوظیت و راحت کامله به وصولی اسباب
قویه سنک استکماله چالشملیدر

قالدیکه بولتیقه مأمورلی صفت رستمیه لری اقتضاسنجه حکومات
محلله ایله مأمورین اجنبیه بیننده کی معاملاتک واسطه تعدیل
واصلاحی اولدقلرندن ولایه و متصرفین طرفلرندن افادات و اخطارات
محققانه لینه حواله سمع اعتبار و حقارنده لوازم رعایتکاری اظهار
اولتیق لازم کله جکی مثللو کندولری دخی وقع و شرف حکومتی
کوزده رك و آمر اخر طرزنده کوزده رك هر حالده والی
مملکتله احترامات مشروعه عرض اتملری ایجاب ایده جکندن
وهیسی بردوات بنده سی اوله رق یکدی کیریله رقابت و ضدیت
پیدا ایدوب بلاموجب نفوذ بار بشته چیمملری ادا ب عبودیت
وانسانیته خلافی اوله جغندن مومی الیه صادق افندی ادب
و تربیه و فطانت فطریه سی اقتضاسنجه والی پاشا حضرتلرله دأما
سویله رك ال برلکیه ایقای حسن خدمته اعتنا اتملیدر

قضایای مجبوره اجرات و معاملات لازمه نك معرفی اولوب
احوال و معلومات محلله اوزرینه یا بیله جق شیر درایت ذاتیه نك
تعین ایده جکی حرکات اکاهانه ایله اجرا اولتیق ایجاب ایلیه جکندن
خصوصات مشروحه نك حسن رؤیت و تسویه سیله سایه معالی واپه
حضرت شاهانه ده فیوضات آیه یه شمیدین سرمایه تدارک
ایتمک مومی الیه ک مفوض عهدہ درایتیدر

بوسنه به یازیلان امرنامه سامی ﴿

بوسنه حوالیسنجه اصلاحات مطلوبه بی ذات دولتاریه بالاتحاد
درجه متممه به ایصال ایتمک اوزره اولطرفه تعیین بیورلش
اولان سعادتلو عزیز پاشا حضرتلری مرکز مامورینه عزیمت
اتلشدیر مشارالیهک اساس ماموریتی سلطنت سینه نک مقصدعالی
اصلیسی اولان اصلاح و اراحه احوال اهالی و تبعه قضیه سنی
وجوده کتوره جک اسباب و تدابیر محلیه نک وجه استحصالی اوله رق
بونی جناب درایت ماب والاریله بلکه آرایه جفته وشو مطلق
حصوله وصول کندوسنک حسن ایغای ماموریه موقفینه
و بوده تسهیلات مخصوصه مشیریلرینه منوط اولوب مامورینک
هرشیده اتحاد صحیح قاعده سنه رعایتی ایسه لازمه دن اولدیفنه
بناه درایت و فطانت ذاتیه دستوریلری اقتضاسنجه بجانب
سامیرایینه وقوع بوله جق مراجعات ومسؤلاتنک حسن استماع
واسعافی ایله تسهیل امر ماموریتی حقنده صرف مساعی و همت
بیورلسی سیاقنده شقه شاورری ترقیم قلندی افندم

فی ۱۱ ذی القعدة سنه ۷۴

﴿ بزین سفیری دولتلو ادهم پاشا حضرتلرینک مقدا ﴿

﴿ ماموریت مخصوصه ایله بلغراد شهر یفانده کندولرینه ﴿

﴿ یازیلان تهریرات علیه ﴿

بلغراد وصول شناسن شمول مشیریلری اوزرینه بک ایله

وقوع بولان ملاقات و مذاکرات و اعضای محبوسه نیک محاکمه لرینه
 دایر اوراق اعطای و محبوسه نیک بر طرفه تسلیمی حقه در میان
 ابدیلان تکلیفات علیه کیفایتی و پوشیلارک صورت حصولی
 متضمن رسیده دست اجمال اولان ایکی قطعه تحریرات تلغرافیه
 دستور یلری عتبه علیابه بالتقدیم مشمول نگاه شوکت اکتاه
 پادشاهی بیولشدر بک اول امرده وظائف مترتبه منی
 طایفه رقی اعضای مومی الهمی خود بخود عزل و تأدیبات ایش
 و اولنان نصایح اصغالی تبویب عالمه قارشوادی سرکشی به گمش
 اولدیغنک اوزرینه سیاق اشعار دولترینه نظر اورابه واصلت
 سامیه لرینی متعاقب محاکمه اوراقتنک تسلیمه قرار و برلش و محبوسه نیک
 میرالای عثمان بک ایله نیشه کوندرلش اولسی پیرایه صحایف مدایح
 اولان فطانت برکزیده مشیرانه لرینی یکی باشند تأیید ایدرک
 نزد عالیله باعث کمال محظوظیت اولشدر هر حال و کارده
 توفیقان جلیله صمدانیه به مظهرینتی و درجه علیای
 حصافت و درایتی شمیدیکی مأمویت معتناها سنک مقدمه سنده
 دخی اثبات و ابراز ایلان ذات ممدوح الصفات کرامیلرینک
 بلطفه تعالی اصلاحات و اجراءات ساره بی دخی راده مکمله به
 توصیل ایده جکنده اشتباه اولدیغندن نزاید عمر و اقبال و عافیت
 سنیله لری دعای خیریت پیماسنک تکرار یله ظهور نتایج مطلوبه به
 انتظار اولتمده ایدوکی و محبوسه نیک اقامت کاهلری صوب
 سامیلرینک بوندن صکره کله جک تفصیلاته کوره تعیین فائز
 اوزره شمیدیک اوراده توفیقاریله حسن حاله طوئلرینی
 متصرفی سعادتلو پاشا حضرت لرینه توصیه و اشعار اولدیغنی
 بیایله جوابنامه ثنوری زرقینه ابتدار قلندی اوندیم
 فی ۱۹ شعبان سنه ۷۴

(پترسبورغ)

لایحه
 نظار
 حقه
 نازده
 طین
 سینه
 لوف
 چهار
 نرما
 کند
 طرفه
 اقبال
 نوبه
 اله
 پرو
 دوست
 نین
 سال

﴿ پترسبورغ سفارت سنه سنه یازیلان تحریرات علیه ﴾

حشمتلو ایمراتور حضرتلریله وقوصبولان ملاقات ومصاحباتک
تفصیلاتی حاوی تواردا بدن تحریرات بهبهری ملفوف نطق
صورتیله خاکپای مکارم اتقای حضرت پادشاهی به بالتقدیم
منظور عالی بیوراسدی ذات ایمراتورینک دولت علیه
حقنده ابراز ایتدیکی نیت خالصه مناسبات مجددہ دولتینک
دائرہ ساله ایچنده دورانی اوزرینہ معطوفی ارزوی حقیقلریخی
معلن اولهرق بحسن جریان مصافات قضیه سی زردسلطنت
سنه ده دخی پیوستہ درجہ التزام واعتنا اولدیغندن بو باده
طرف والالندن ایراد ایدیلان جواب پک صواب اولمغله ثنای
جیلاری تذکار اولندیغنی وجانب ایمراتورینک اثنای ملاقاتده
درمیان اولنمش اولان فقرہ معلومه به کلجه چونکه هر دولتک
کندی حقوق ومنافع مشروعه ومقدسه سنی سالم بوله جنی
طریقه توسلی امرطبیعی ودوات علیه نک مسئله زائله نک ابتدا
واتهاسنده اتخاذ واجرا بیوردیغنی اصول وتداییر دخی بقاعده
عمومیه به مبتنی اولوب بردولته اسماع اخطارات خیر خواهانه
ایله مجلویت نامی وبریله میه چکی دخی امور مسله دن اولدیغندن
وروسیه دولت فحیمه سیله تیمناً تجدد وتاکد ایدن مناسبات
دوستی وحسن موالات نزد معالی وفد جناب جهانبانیده پک
قیمتلی ایدوکندن هر حالده ابراز اثار بمدوحه صفوت نخبه
امال بولندیغنک صره سی دوشدکجه نظارت اجنبیه به تفهیمی

خصوصه همت بیورملری سیاقنده شقه شادری ترقیم اولندی
اقدم فی ۱۷ ص سنه ۷۴

﴿ شروانی زاده رشدی پاشا مرحومك هنگام صدرننده ﴾
﴿ حرمسرای همایونه یازیلان تذکره ﴾

سهای علای افیض سبحانینک مهر منیر صدم النظیری اولان ذات
شوکت سمات جناب جهانانی فحمداً ثم جدأ ثم جدأ باکمال صحت
وعافیت نور پاشا برج شرف درج شان وشکوه وحصیر مسعود
محاسنی نمود همایونک فیوضات کونا کون مفاخر مشهورتندن
اقتباس واستفاضه ایله قلوب عباد و بندکان سرایا وارسته لام
واندوه اولدینی حالد مزده رس شهر صیام مغفرت بید و زمان
میامن افشان ظل اللمی به تصادفله رشک آور لیله القدر سعید
اولان شب رغائب بوسنه تمینده ده دخی حلول ایله تنویر عیون
مسلمین ایلدیکنه وایام ولبالی مبارکده واسطه صدق باسطة
معروضات ایله خاکبای معالی احتوای حضرت سلطانیلرینه
عرض تهنیت مقتضای عبودیت ایدوکنه مبنی جناب خالق
کائنات اسم اعظمی عزت وحبیب اکرمی حرمتنه بودولت
وملته مرحمت جلیله صمدانیه سنک برهان نجات تیبانی وجمله مزک
پادشاه عظیم الشانی بولنان شهنشاه قدرت پناه وشهریار
ظفر اکتناه افندمز حضرتلرینی بومثللو اوقات سعد ایاتک
مشاهده امثال لامخصاسیله رونق افزای تخت وتاج وجناب
صصمت مآب رحیمانه لرینی دخی زادکان ولی نعمت عمیم الاحسان

ایله سایه اسمان پایه خلافتینا هیله همیشه رهین سرور و ابتهاج
 پیور مق دصوات اجابت غایتنک تکراری وجهه ضراعتک
 اوز اقدین پای من اتقای عصمتشعار یلرینه وضعی ایله من خیر حد
 اجرای لوازم تسعید و تبریکه ابتدار اولندی باقی امر و فرمان
 حضرت ولی الامر اقدمز کدر

(بودخی)

محمد اولسون خدایه که سایه مرحت و معدلت جناب پادشاهی
 عالمه شامل و عصر باهرالنصر ملوگانه تک هر کونی جمله من
 ایچون اعیاد سعیده به معادل اولدینی حالده عید اضحای میامن
 مطایا بوسنه مبارکده دخی شرف بخش حلول اولدی
 بندگانه و باخصوص بو عید مخصوص شاگرد الاحسانه کوره
 اصل عید اکبر ولی نعمت بیستمز پادشاهمز اقدمز کبی
 بر شه نشاه عظیم الامثالک زمان مسعدت نشانه یتشوب و بویله
 ایام مسعودده کمال سلطنت و نشاط ایله جمال خورشید مثال
 شهر یار یلرخی کوروب ز پر پای معلای خلافتینا هیلرینه یوز سورمک
 نعمتی و بو نعمتن هیچ پروقتده دور اولما مقلقن اوراد و افکار
 مستمندانه مزک فاتحه سی ایکن اشبو شرف جهان بیه به بو کره
 دخی نائلیمز الله عظیم الشانک شگری اوده نلز بر احسان جلیلی
 واک بختلی قولری اولدیغمزک برهان و دلیلی اولفله رب عز تعالی
 و تقدس عرض اعظم و بی محترمی خرمته پادشاه مکارم
 اکنس اقدمز حضرتلرینی باکمال فرح و اقبال نیجه اعیاد

شریفه نك مشاهده سیه تخت عالی شوکت و خلافتده برقرار
 و جناب عصمت مآب سلطانیرینی دخی ظل ظلیل حضرت
 ملکه اریلرنده مزید صحت و عافیتله رونق افزای بحر مستر ای
 ابتهاج و مساز بیورمق دعای پیر یاسینک تکرار یله اوز اقدس
 خاکپای معالی پیمای ولیته التعمیلرینه یوز سوزرک من تغیر نعد
 عرض وجیه تشکر و تمنیه اجتناسار ایلدم. باقی امر و فرمان
 حضرت ولیته الامر افندمز کدر

فی ۱۰ ذی الحجه سنه ۲۶۰

﴿ مرحوم مشارلیه طرفندن معنائ تشکرینه دائر مقام ﴾
 ﴿ جلیل صدارته یازیلان تذکره ﴾

جسم بندگانه می احاطه آیتش اولان عجز و قصور اوورینه اول
 و آخر مظهر بیوردیغم المطلق مالانیه حیات نایم حضرت
 ظل المهنک البقاصی ذره تشکرته فهدان اقتدار بدیهی
 و اشکار و هرنه مالک اولمش ایسم جله می اشبو اطع
 و احسان خرامش نشان طایفک محصول اولوب هرچ برنده
 وحی جان ناتونده یله جلاقم اولدینی مسلم و بنید ارایکن
 بودغه دخی مجرد اثر شفقت عبید پروری ملوکانه اولوق اوورده
 نائل اولدیغم صدقه سنیه استنان یلده ایوان همشاهینک
 چاکر اخصی و عنایت علینای جهان احتوائی شاهانه نك
 چراغ مختصی بولنان بنده مستدعی الحیا ایتش اولقله جهه
 عبودیتی عبیده کاه مجذبه فرض و کلمات نامت تشکری
 ایصال عرش ایدرک جناب خدای مبدعان ولی نعمت بیمنتز

(محی)

محیی دولت و ملت و اعتلا بخش خلافت و سلطنت پادشاهان
 افند من حضرت تریبی منزه زخشان طلعت افزای زمین و آسمان
 اولاد بجه با کمال صحت و عافیت شرفی برای اورنگ معلائی شوکت
 و شان بیورمق دعوات خیریه سنک تکرار به تزیین لسان رفیت
 و اخصار قلندره ایدوکی و بو عاطقت جهان قیمت شهر یارینک
 بشیریه و قوعبولان هم علیه و کالتینا هیلرندن طولابی خوب
 نحاتت اوب داور یلرینه عرض تعظیبات مخصوصه به اعتبار
 اولادینخی محاط علم سامی خد یواغخیزلی بیورلدقده
 امر و فرمان حضرت ولی الامر کدر

✦ اقامت و کلا دن بر ذات طرفندن مأموریت تشکریه دار ✦
 ✦ احترام برای همایونه یازیلان تذکره ✦

ایام مبارکه و لیالی متبرکک حلاولنده خاکپای عصمت احتوائی
 جناب ولیة التعمیرینه رفع رفعة اقبال و طیفه سنک اجرائی
 خصوصندة بر مقتضای تقدیر برمدتنبو ظهوره کلان نقصان
 و تقصیر قلب صداقت اوب عبیدانه می مالامال حزن و فیر
 ایتکده ایکن علومکرمه و اشفاق شنشاهینک ضمیمه مکرمه می
 و صحت واجبة المحمدت ظل اللہینک صدقة محترمه می اولق
 اوزره بوکره مظهر بیورلدیغمن هنیات علیی حیات افزای
 جهانبانی و طائف عبدیتک محریر ادخی ایفا سانه مورث جسارت
 و ایله معراج باهر الانهاجک شرفی دخولی و اجتناساره باعث سرعت
 اولغله یادی مناجات ترفوع بارگاه قاضی الحاجات و جهة
 رفیت موضوع سجده گاه تضرعات اولادینخی خالده رب عزعالی

و تقدس و فی نعمت بینتمز احق وصف بالای ظل الهی و رونق
 باش اورنگ والای پاشاهی افندمن حضرتلر بی لیلہ مسعودہ
 مذکورہ نیک مشاہدہ امانل خیر دلائل لائحہ ساسیلہ بانکال انشراح
 و عافیت سر برارای شان و سلطنت و بدخواهان دولت علیہ لر بی
 ہمیشہ گرفتار اضمحلال و هزیمت و او یلہ بر بادشاه عظیم الاشبه
 عطاقت بناہ دیشانک مہد علی القلری شرف عظیمہ مظہریت
 و من قبل الحق انواع بحاسن و مراجه موفقیہ الیہ صحیحہ
 ستایش کردہ مؤمنین و مؤمنات اولان ذات عالیہ الصفات رحیمہ لر بی
 دخی ولی نعمت زادہ رم ایلہ برابر سایہ حمایتہ شہر یاریدہ دائمًا
 شرف ساز کاشنسر ای صفا و مسرت بیور مق دعای مفروض الاداسنک
 تکرار یلہ تقدیم عرضحالہ و بوعالده باب فیض مآب حضرت
 خلافتناھی بہ قول و کولہ لیکدن بشقہ امید و ارزوی چاکرانہم
 اولد یقندن بوکاعاند لوازم و وجائبک اجراسیلہ سلامت دار بہ
 نائلت کترانہم الطاف جلیلہ الہیہ دن مستعدا یلہ و کنک عرض
 و افادہ سیلہ دخی تزیین مقال صدق اشتغالہ ابتدار اولندینی محاط
 علم حسنات اشنای سلطانیلری بیورلدقدہ امر و فرمان حضرت
 ولایہ الامر افندمن کدر فی ۲۶ رجب سنہ ۹۲

(بودخی)

بو عبد مستدیمہ صتبہ علیای سپہر اعتلای حضرت شہنشاھی بہ
 قولقندن بشقہ سرمایہ وزیر پای شوکت احتسوی

(ظل)

ظل اللہی بہ وضع فرق رفتدن بیوک باہ اولدینی حالده
 بودفہ مظہر بیورلدیغ اثر مرحمت سنیہ جناب شہر یاریک
 ایقای وظیفہ تحمیدندہ بر کمال اولان عجز و قصور بند کانی
 قلماً دخی اعترافہ و سبیلہ ارامقدہ ایکن لیلہ معراج غفران
 اتیاجک شرف دخول ذریعہ اجرای مراتب اولقلہ حق سبحانہ
 و تعالی سر پر لرای لولاک و مسند پیرای و ما ارسلناک
 اقدمک نور پاک محمدیبری حرمتہ ولی نعمتمن بلخاصہ
 ولی نعمت بیعت و محیی جسم صدم المقدرم بادشاہمز اقدم
 حضرتلرینی مشاہدہ امثال عدیدہ سبیلہ شرفخشندہ دیہم
 شوکت و شان و ذات عصمت ایات محترمه لرینی دخی افضال
 عال العال شہنشاہیدن اقتباس انوار الہ تنویر علوم و معارف
 و تزیین کتاب مستطاب فضائل و صوافظ ایتمکدہ اولان
 ولی نعمت زادم الہ برابر ہمہ آن قرین سرور فراوان
 بیورمق دعوات خیر بہ سنک تکرار الہ اجرای لازمہ خصوصیتہ
 ابتدار اولدینی محاط علم محاسن شمول عصمتناہیبری
 بیورلدقدہ امر و ارادہ حضرت و لیتہ الامر کدر

فی ۲۶ رجب سنہ ۹۲

(بودخی)

مجرد اثر مرحمت مخصوصہ حضرت بادشاہی اولق اوزرہ
 بودفہ دخی مظہر بیورلدیغ مأموریتدن طولای ایقای لازمہ
 شکر گذاری بہ خامہ بدست ابتدار اولدینم حالده لیلہ معراج مغفرت

استنتاجك دخول بوكا برفاندها و سبيله مسارحت اولغه
 جناب خالق الافلاك بحرمت سر برارای لولاك ، ولی نعمت
 بیستمره و ولی نعمت عالم بادشاه ، عظیم الاشبهه افندمن
 حضرت تویی جهان طوردخه افتران امثال بی شمار یله شرف بخش
 اوزنك شوكت و عظمت و ذات عالیته الصفات هفت شعاریلر بی
 دخی مر دمك ایدیه ، ققخازمر شهراده محاسن نالارمز
 ایله بر ارسایه معالیواته ملو کاه ده همیشه مقرون انواع صفا
 و نضرت نیورمنی دهای خیر التمامنك تکرار یله اجزای و وظیفه
 اختصا صکارای به ابتدار اولدی الباقی امر و اراده اخدم
 حضرت تویی کدر

بر طرفین حرمسرای هما یوه یازیلان عربضه

حق تعالی به هزاران شکر اولسون سانه سما یانه حضرت
 شاهانه ده وسنه مشبه ده دخی خلوقه تشریف اولنان کلمه
 رغائب فیض مناقب بتون امت محمدیه به ذاتا مقدس
 و مبارک و خصوصاً جاریه کینه لری مملو و عجزه عباد استان
 ملانک با سببان سلطانیلرینه اخطار نایه عجز ارتسام ایچون
 وسیله بخش اجتنار اولسبله برفاندها اسعد و ابرک اولدیغندن
 بوندن استفاده ایدرک جناب خالق کون و مکان عظمت
 شانی و اسم و عرش و قرآنی حرمتنه ولی نعمت بیستمره شهشاه
 منصور العلم افندمن حضرت تویی افتاب حفظ و توفیق
 الهیسی بین و بیستار هما اولنده دائمی اللعنان و افروز
 اقبال و شرک و اجلال ظن الهیاری نور باش افطار جهان
 اولدیغی خالده همیشه سر بر ارای خلافت حور لاطت

وذرة التاج مباحات واقتمار من اولان ذات حالته الصفات
 وليته اللعيليني دخی ولی نعمت زاده لرزله برابر همه آن زیور
 کشتن سرای طفا و مسرت بیورق دعای واجب الاداسنی
 تکرار ایدرک و مانند مولد موهوم الوجود شبه عظیمی سپهر اعتلای
 عجمت شماریلار بینه یوزلر سوره زک تقدیم اعراض حاله اجتناسار ایلدیکم
 خطاط علم مکارم شمول جناب قاطبانیلری بیورلدقده قاطبه احواله
 لغری و فیرمان الحضر و لفته الاخر القند من کدی

(بودخی)

(۱۰۴)

الله عظیم الشانه هزاران شکر اولسونکه ولی نعمت بیمنتز
 روح جسم جهان و سبب فخر عالمیان بادشاه من اقدم
 حضرتلری بالعصه و العاقبه رونق افزای تخت و تاج و سایه
 همایون میامن مشهور شاهانه لرزه بالجله عبادت فخر مسرات
 و انتهای اولدقلری خالده بو هکام مسعدت اقترانده چراغان
 ساجسملری مطلائی بی نظیرینی مبارک مقدم مکارم توأم حضرت
 ظل اللہیلرله همنایه آسمان بیوردیلر ربم تعالی و تقدسک
 افتاب سمائی فیض الهیسی اولان ذات عظمت سمات
 شمشاهتک شرفیاب قدوم میمنت ملازم جهاندار یلری بولنان
 توأم بو مقامات جلیله تک مطلع انوار سعید اوله جفنده شبه
 اولدینفی ججهتله عرض تسعیداته حاجت یوغینتده بو مثللو
 وسائل محترمه ده اظهار لوازم عبودیت قول و جاریه تر ایچون
 لوزک برافقار و نعمت اولسنله جناب مولای متعال وجود

به بود معالی نمود خلافتناهی بی الی الابد سر بر ارای شوکت
 و شان و اشتبوا قل سعادت اصل پادشاهانه بی من کل الوجوه
 باعث کمال اسعاد و صفای فراوان و ذات عالیة الصفاح
 سلطانیلرینی دخی ولی نعمت زاده لرمله برابر همیشه مسرور
 و خندان بیورمق دعوات اجابت ایاتک تکراری الیه من غیر
 حد نقش پای عصمت احتوای ولینة النعمان لرینه یوزلر سور یه رک
 اجرای لوازم رفیت و تهنیه اجتناسار قلمندی هر حالده امر و فرمان
 حضرت ولیة الامر افندمز کدر

(بودخی)

جاریه دیرینه لری مثللو عاجزه نک جناب عصمت ماب سلطانیلری
 کبی بر ذات عالیة الصفاته عرضحال تقدیم ایتمی قرینجه نک
 سلیمانہ عرض منسوبیت ایلمی قیلندن ایسه ده مبارک کونلره
 افندیسنک خاک پای معلاسنه یوز سورمک جاریه نک اسکی
 عادتق ایدوکنه و صید اضحای میامن احتوانک شرف حلولی
 بوجیه نک ایضای ایچون عباد درگاه معالی دستکله
 ولینة النعمان لرینه رخصت و بردیکنه منی ر بمرتعالی و تقدس را ام
 و قرآنی و غنی محترم ذیشان حرمتنه ولی نعمت یتیمز
 پادشاهنر افندمز حضرتلر غنی باکمال نشاط و اقبال نیجه
 اعیان سعیده نک مشاهده سبیله ملک و ملتہ و ذات مکارم
 ایات عصمتناهلرینی دخی مزید سرور و عافیتله حرمسرای
 دولت و سلطنتنه باه شلاق دعای مخصوصی زیور لسان

(عبودیم)

بودیم اولدینی حالدہ اشبو عرضحال عجز اشتمال الہ من غیر حد
 زربای فیض اتمای ولیہ تعمیرینہ یوز سورہ اولہ اجرای
 فریضہ شکر و تہنیتہ مجاسرت ایلدیکم محاط علم و المشمول
 سلطانلری یوردلقدہ ہر حالہ امر و فرمان حضرت ولیہ الامیر
 افند من کدر

(بودنی)

حجاز والیسی او اوب کچندہ از بحال دار بقا اتمش اولان . پیاہا
 ذاتاً اسباب تعیش دنیا دن تہی دست بر بندہ قمر پیوستہ
 اولدینی حالدہ ولی نعمت بیتمتہ پادشاہ مراحم پناہ افند من
 حضرت تریک اثر عنایت و شفقت سنیہ شہنشاہانہ سیلہ از وقت
 اچندہ حد و استحقاقدن زیادہ نعمت و اسایشہ نائل اولمش
 و اشبو اعطای جلیلہ نک سایہ نجات و اہسندہ فاملیاسی دخی
 تعیش و ترفہ اتمکدہ بولمش ایکن وقوع وفاتی خاندان ضراحت
 نشانی افتادہ ظلتکاہ ملال و احزان ایلدی متوفای
 مشارالہ ماثر علوہمت و عاطفت حضرت شہر یاریک ضمیمہ
 محترمہ سیلہ یکی کویدہ ویران بر یالیہ و استانبولہ دخی
 بر باب خانہ مالک اولمش ایسہ ذہ بونلرک بعض یرلری
 حسب الاصول محلول اولمسیلہ وارثلرینہ انتقال ایدہ جک
 محلر من القدم ویران و مؤخرأ سوزان اولہرق عرصہ شکلہ
 کیرمش اولان ایکی منزلدن عبارت قالہ جفی و ذاتاً ہیج
 بر ابراد و صقار صاحبی اولدینی جہتلہ ایام و منسوباتی بستون

پریشان حالی ربه تعالی و تقدس عظمت شای و حنیف
 باعث انقران و عرش رحمانی حرمته وجود شوکت موجود
 ملوکا منی هر درلو کدر کردن امین و کمال صحت و عافیه تخت
 عالی اخلاقت و سلطنته ابد مکن بیورشون مخدوم قولل ربک
 کج باشند ترک حیات و مشار الیهک دخی اکا پاداش اوله رقی
 وفات ایسی بوجاریه سیه بخت ایچون دنیا ده هیچ بر امل
 بر اقامش ایسه ده عاجز باشنده قالان یکسان و بیوایکاک
 فریاد و فغانی بحق رب العالمین شکر و تحمل اولنه جق درجه بی
 کچمکده اولدیفته و شو درد جانسوزه مرحت عالیه عجزه
 پرور یلرندن بشقه درمان و چاره اولدیفته منی الیز بو کر مزده
 و انش فلاکت صغیده فلنکجه بقر مزده اولدیغنی حاله شکر بعد
 انسر حضرت ولی نعمت عالمک صدقه منیه منی و دو شکونلر
 حقتنه الطاف مالا نهایت زحیمانه ربک علاوه منی اولق اوزره
 یک پریشان حالش و امتداد نجات نعمتد مهد علیان اوزره
 تدبیر رهایی قائمیش اولان شو خاندان پر اخزانک اغاشنه
 و آغاشنی مخصوص شده رافت حیات پروری افتاده نواز یلرینی
 رجا و خور و اطعمه مقدسه الیه خالقایی من اسم ینائی ظل الله
 فی العالمه دخالت و التبع ایلدک باقی اثر و مؤزمان و لسان
 و بیچارگان حضرت ولی الامر اقدم کدره الیه مالدنه
 رخه سلام تسبیح و تکریم و تکریم و تکریم و تکریم
 و تکریم و تکریم و تکریم و تکریم و تکریم و تکریم
خوفا پاشاخر حومک اونی صداز بند و امارتی مکتم کرمه به
 خلقت صغیره قلمیاز یلان نحر و انت صافیه م و سلطان
 و حاکم و حاکم و حاکم و حاکم و حاکم و حاکم و حاکم
 خدمت مذاکره وقوع اولان اموریت و جانب معالی مشاوب

(جناب)

جناب شهنشاهیندن شرف صدور اولان امرور خصیت ملائکه سیله
 بیروندن بالحرکه شهر حالک اوان سکرچی جمعه کونی درجه اولانه
 مواصلت و مستقداً بتوفیق الله تعالی ابقای مضامح موکوله به
 شرح و مباشرت اولمش اولوب نظار اعتقاد عاجزانه مدد موقیعتین
 اقدام اسباب ظاهریه و معنویه سی روحانیت سینه پادشاه کشتور
 لولاکه توسل اولارق بوتوسلک ظهور انار مطلوبه سی دخی
 شجره جلیله هاشمیه تک فرع پر فروغی اولان ذات لیلادت سبحان
 کز یانه لرینک توجهات جمیعیه زینه افتراه وابسته اولدیقتدن
 شوق طلبک تمامی تا کیدی ضابطه مخالفته ذریعه اتحاد قلندی
 اولیاده امر و اراده حضرت من لال امر کدر اولدیقتدن
 خارجه نظارت جلیله سندن طهران مصلحت کتارینه
 یازیلان تحریک

بعض مواد و مسائلی متضمن تواریخ مشنوعه ایله ارسال اولغان
 بش قطعاً نیکه شریفه سی منقوظله بالوصول و حال
 و مؤداری مقام اطلاع موصول اولدی مکاتیب وارده دل
 ذی القعدة الشریفه تک سکرچی و اون اوچی تارخیله عرف
 اوج مکونک خلاصه ماهی بتیاز و ماکور مسئله سی حتمه
 یته بطاقم اخبارات و افاداتی حاوی اولوب مسئله معنویه
 دائر کچنده کوندر بلان تعلیمات مفصله تک احکامی اشبو شقه
 فله سی دخی جواب کافی اولقله اولیاده از سر نواریه صورت
 حاجت اولدیقتدن ذمت نظریه لرینک تعلیمات مذکور مرآتیه
 معنوی زومتک تکرار به اکتفا اولنور دیکر ایکی

قطعه شقه بهیله بکه بری میرزا ۰۰۰ خانک سفارتخانه عالی به
 انجاسنی متعاقب صدر ایران ایله جریان ایدن مباحثاتی
 و او بری تبعه دولت علیه عائد مصالحک تسویه سی امر نده
 کوزریلان تأخر ایدن طولای در میان ایدیلان شکایاتی محتویدر
 مداول اشعاره نظراً میرزای موی الهک صورت دخالتی
 چنان قورقوسیه مرحمت شامله حضرت ولی نعمتدن استمداد
 ایچون اولدیغندن مقتضای عاطفت علیا و مبتغای شایک
 جلیل العنوان خلافت عظمای اوزره بونی خوف ابتدکی
 مهلکه به اوضار اتمامی امر لازم اولوب شو قدر که بومثل او ایدله
 استدیکنه نائل اولدجه تزید ارزو ایله یوز بولدقاری طرفی
 دانما تصدیق و اشغال و هر کسک هر دیدیکنی ترویج ایله
 اشتغال دخی بهبوده جلب اشغال ایده چکی جهتله کندوسنک
 یالکز تأمین جانی خصوصتک التماسنده دوام اولنه رق سائر
 مطالبه بناشلماسی موافق مصلحت اوله جفندن او بولده
 حرکت اولتلیدر کلهلم مصالح تبعه فقره سنه سلطنت سنیه
 هلو رحم و شفقت و مرؤتی ایجابجه زیر دستانک محروم
 حقوق و حقانیت اولسنی تجویز بیورمیه جفندن و خصوصیه
 جمالیک ملوکانه ده متمکن ایرانیلر کندی ایشلرنده هر درلو
 تسهیلاته مظهر ایکن بزم طرف اهل یسنک ایران ممالکنده
 نصیعیات و مشکلات کورمسی دولتله ییننده لزوم وجودی
 بنکر اولیان اصول متقابله حقانیتکارانه به مقایر اوله رق هیچ
 بعایز اولیه جفندن بوکا بر نهایت ویرلسی اهم و لازم ایسه ده
 سیاسی انهای و الارینه باقلجه طرف شریفلرندن بوماده پک شدتلی
 طوتیلوب حال بوکه حقوق شخصیه بی بین الدولتین دوستانه
 و ملامانه تسویه ایلیه چک برده اعمال شدائد ایله صورت

رسمیه به بندر یرک دولجه بر مسئله مخصوصه شکره سوق
 بکنده معقول و مجاز و علی الخصوص كافة مسائله درجه
 محدوده مأموریتی تجاوز ایتمه یرک دائره مآذونیت ایچنده
 اقامت و فوق العاده برخی ظهورنده ابتدا دولت متبوعه سنه
 مراجعت برله الاجتی امر و تنبیه توفیق حرکت ایتمک
 هر مأمور ایچون شهره فوز و فلاح اولق حسبیه بوبنده باب
 عالیک او امر و تعلیماتی المقسزین ادعای رسمی به قیام اولنسی
 ایسه قطعاً قرین قبول و جواز اوله میه جفته و خدمت ناز که سفارتمه
 یولنان ذواته اک اول شدت مفرطه غیر موجهه الیه معاملات
 معتدله نک ارسنده کی شر و خیری بیلک لازم کله چکنه مینی
 نه حضرت پادشاهی به متعلق خصوصاً نک اغلاق و اعظام
 قلمتسزین استحصال اسباب تسویه سی و حقوق مأموریتلرینک
 کایلیق حسن محافظه سی ایله برابر بعدازین خارج از دائره
 مآذونیت و رضا احوال و حرکاتدن اتقا الیاری ایجاب
 ایدر قضایای مجهوت عنها شایان دقت و اعتنا اولقله
 و مصلحتکذ ارق خدمتی دها برنجی مأموریتلری اولدیغندن
 حق شریفتارنده سبب فیض اتی اوله حق اثار رویتدانه بی
 شمیدن کوسترملری مقتضی کورنکله هر حالده اظهار اثر
 رشد و سداده همت ایتملری مأمول و منتظر ایدوی و شهامتلو
 شاه حضرتلرینک ولی عهدی میرزا قاسم خانک وقوع ارتحالی
 مخبرتھریراتلری اوزرینه نظارت خارجه مستشاری عطف و تلو
 افندی حضرتلری مخصوصاً ایران سفارتنه کوندز یلرک رسم
 معتاد اجرا ایتدیرلرینک معلومات اولق ولدی الحاجه
 ایجاب ایدنلره بیان اولتمق اوزره بوقضیه نک دخی اخطارینه
 ابتدار اولندیغنی افاده سیله جوابنامه محبی ترقیم قلندی

عزیزان من ...
 عزیزان من ...
 عزیزان من ...

تبریکنامه لطف اختوا که من و مالی معالی لالی انفات
 ایله مالی رصدف عالیدر پدایه بخش دست تکریم اولدی
 اولجه تشنه سازسامه. ایتهاج اولان نهیت گران قیمت بادی
 کمال شادی و سرت اولدیغی حالده انک ضمیمه سی و شیه
 کریمه اخلا پروری فخمانه لرینک علاوه مکارم و سیمه سی اولق
 اوزده اشبو نامه نامی اثرله دخی اظهار بیوریلان اثار توازش
 ووداد سرور اصلی به باعث ازدیاد اولغه دعوات حیرت
 انک خدیو احملمرینک تکرار به برقا تدها تزیین صحیفه محمدت
 اولدیغی طرف دیشرف اصفانه ربه اخلاص خاص الخاص
 عاجزانه مک ریب وریادن مصوبتی حق مستندانه مده
 توجهات علیه داور اگر میارینک تحت امنیتی ابد و کندن اولباید
 اراد تأمینات جدیده ایله تصدیقه حاجت کوریه مدیکی محاط
 علم سالی خدیوانه لری بیوزلدقده امر و فرمان حضرت
 من له الامر کدر

مرحوم مشار الیه هنگام صدارتده کوندریلان
 منظومه

رنج خاطر و برسون هیچ بروقت مولا سکا

وسر سعد افسری جواهر و کواہر علوم و افضالہ کنجینہ
 بکترین و جسم پاک فیض ناکی احق مدیحہ مفتی دین اولان ذات
 بوالی سمات حضرت ولی التعمیرینک رجلی نابہنگام و نیاز بی آرام
 الہ از عاجی منافی ادب ہرودیت ایسہدہ « کرم کورہ کجہ ای
 باقی رجا ارتار کدازدن » مدلولی :۔۔ افندی قوللرینک
 بحرمت * شہر رمضان الذی انزل فیہ القرآن * اندن اولجہ دلشاد
 لاجندان بیورلسی تمنیات سابقہ سنک تکرار بہ بادی و بورجانک
 بالذات عرضی حقندہ کی ارزوی مخصوص بندہ قدیمہ ایسہ
 عارضہ موقتہ وجود بیسود مانع قوی اولدیفنہ بناہ « دوردن
 بلہنی تقبیل ایدرم » حجر الاسود استلامی کبی « نشیدہ سی پیراہ
 مجال وجبہ مسکت و ضراعت پایمال اولہرق رفع عرضہال
 پریشان مالہ اجتناسار ایلدم باقی امر و فرمان حضرت
 ولی الامر افندمز کدر

﴿ مشہخت علیا مکتوب بحیلضہ یاز یلان تذکرہ ﴾

بیک ایکی یوز بیس ییدی سنہ ہجریہ سندہ پذیرای حصول
 و تقش اور صحیفہ قاب مخالصت شمول اولان معارفہ سابقہ
 و محبت فائقہنک لذتی حلاوت بخش دل و جان ودعای
 ترقی عمر و اقبال عالیلی و زرد زبان اولدینی حالہ مقام
 والای مکتوبی مشہخت علیایہ مأموریت فاضلانہ لری شایستہ
 مدیحہ بارک اللہ بر توجیہ وجیہ محاسن اکنتاہ اولغہ بالخاصہ
 عرض تشکر و تبریک و بووچیہ بی بالذات ایفایہ مقصدار
 اولہ مدینعدن طولابی محب قدیم و استحصال امال داعیانہ بی

﴿ تجارت نظارت جلیله سنه یازیلان تذکره ﴾

کل کل زاده افندی قولری خلقت بشریه بی ترکیب
 ایدن نسیان و خطایه منضم اولان حالت طفولیتک سائقه سیله
 نظر فیض پرور اصفاه لزندن دور و بو محنت جانکداز ایله
 مسلوب الشعور اوله رق مرحمت علیه کریمانه لزندن استمداد
 و حصول نیازی خصوصنده عبودیت قدیمه بندکانه مدن طلب
 وساطت و امداد ایلر اول و آخر حضور مکارم نشور خدیوانه لرینه
 عرض و افاده اولدنیغی و جهله بو چوجق مایه تربیت
 اصلیه سی اقتضاسیجه ذاتاً خیرایشنه قارشمدن محترز و محتجب
 و ایل و نهار تحصیل رضای میان بخشای رحیمانه لرله علی
 قدر الاستطاعه ترفه و تفضیه ساعی و طالب ایکن هر نصلسه سنیه
 بخت ناسازییه اوضرایه رق شمیدی دارالامان احسان عالی لرینه
 دخیل اولمش و دائره عفو و عطا دوا تر جرم و خطادن واسع
 و احجاب عجز و قصور حقلرنده ایسه انوار عنایت و شفقت سنیه
 یکسنوازانه لری هر بار لامع بولنمش ایدوکنه و شفاه و قوصبولان
 اراده علیه منعمانه لرینه توفیقاً کندوسی دائره محاکمه دخی
 تبایغ کیفیت ایلش اولدیغنه مبنی و عد جلیل مراحم دلیل
 کرمکارانه زری مدار مستقل اغترار ورقیت خالصه
 کتری وسیله اجتناسار اولدیغی حالده موی ایله بنده لری
 عتبه هلیسای داور یلرینه تقدیم قلندی باقی امر و فرمان
 حضرت ولی الاکدر

﴿ توصیه‌ی مشعر تذکره ﴾

مهمه نویساندن . . . افندی بنده‌ری بوکره ایغای فریضة حج شریف نیت خیریه‌سیله جانب حجاز مقفرت طرازه عزیمت ایده چکندن بجهل جده به قدر برابر کونورلسی ضمنده وساطت نیاز حاجزانه می التماس ایتمش اولوب افندی موی الیه بر مقتضای قدر خلی مدتدنبرو نوش زهراب خرابانی وسرکردانی الیه مکر اولدیغی حالده شمدی نفس اماره‌نک سیبأئندن اظهار پشیمانی وندامتله مطاف قوافل قدسیان وسمعی زوامل کرو بیان اولان سده سنه حضرت پیغمبری به یوز سورمک ارزوی صحیفه دوشمش وکندوسی قدمای خلفاندن واصلزاد کاندن اولسیله برابر پنجه فقر و ضرورت التنده قالمش اولدیغندن اسعاف املی خصوصنه عنایت علیه بنده پرریلری شایان بیورلق باینده امر وفرمان حضرت من له الامر کدر

﴿ شروانی زاده رشدی پاشا مرحومک حجاز والیلسکنده ﴾
 ﴿ برذات طرفندن کندوسنه یازیلان جوابنامه ﴾

برشمس منیر خاک پرورکه خاورستان شفقت و عنایتدن طلوع الیه لعه پاش فرق کتر و برماه عیدم الاشباه انورکه بارقه انداز باره عبداحقردر ضیای عال العال بی همالی الیه تنور دبه رقیق و تزین کاشانه هجر آشیانه عبودیت

اولندی جسم ناتوان عجز و نقصانده مانند ذره و اول
 مشرق معلاى خورشید افضال و کماله عرض نسبت
 و معروضانده من کل الوجوه بی بهر ایکن روزنه امید واملنک
 شوصورته شن و مثال صباحت روز صید پر نور و روشن یورلسی
 شکری محال بر لطف جلیل خارج الخیال اولقله ایدی مناجات
 اوج اصلاى اجابته کشاده و کزوه کرویوان تلاوت منظومه
 آمین . یارب العالمینه . اماده اولدینی جالده درس قدیمک
 تکراری یعنی « خدا عزمک کوک اقبال و اجلاک عزیز افسون »
 دمای مستطاب و مستجابک تذکاری ایه تنویر صحیفه تشکر
 و محبت اتمکده و ارتباط وجدان طالی داوریلرینک اثر
 جنب مخصوصی اولق اوزره دعوت محاسن منقبت حضرت
 سید المرسلین و قریباً حصول نتایج مستحسنه سی اقدم
 متمنیات قلوب صافین اولان سیاحت موقته و محترمه ولی التعمیرینه
 بدر دایمیرله بلکه اظهار آثار نهیت ایلکده در مطبق امر
 و فرمان حضرت ولی الامر والاحسان افندمز کدر

﴿ رتبه وزارت تشکرینه دأر بر ذات طرفندن مابین همایونه ﴾

﴿ یازیلان تذکره ﴾

بوعبد ناتوان کوايه من کل الوجوه بی سرمایه اولدینی و فرقی
 وضع خاکسارانه سی تنویر ابدن هپ سماى معلاى لطف
 و کرمک افتاب رخشانى و مالک پادشاه عظیم الشان
 و صدم الاقترانی اولان ولی نعمت یتتمز شوکتلو افندمز
 حضرتلرینک نیر عنایت و مرحت سنیه ملوکانه سی اولارق

کند و سنده اندن و عتبه علیای عظمت احتوای شهنشاهی به
 قول و کوله لکن بشقه دکر اولدینی حالدیه بودفته دخی مظهر
 بیوردینی عاطفت جلیله ~~مهمجا~~ و حقیقه استحقاق و لیاقتندن بالا
 و ایضای تشکری ایچون نقش نعل انهب شاهانه به جسم و جانندن
 ظیری تقدیمه متقابله یوضیه ده اودخی ذاتاً اغور میامن نشور
 سلیمان جهان شوکت و اجلاله فدا اولغله او مجتده اعتراف عجز
 و حیرتدن ماهدا دیه جک بوله میوب اوتهدنبرو درسی و ذمت
 صبودنک دین مقدسی بولندینی و جهله جناب خدای مستعان
 مهر و ماه و اختران کشور کردونده پرتو افشان اولد قبه اخیای
 دولت و ملت اراده بالفه سیله جمله مزه احسان عال العال بی امثالی
 اولان ذات مسعود مراحم نمود شهنشاهانه بی رونق افزای دیمیم
 خلاقیت و سلطنت و اول نور موهوم الوجود یعنی بوچا کر
 ضراعت موجودی دخی تحصیل رضای فلاح فرمای
 جهاندار یارینه موقیته دارینده مظهر سلامت بیورمق دعوات
 خالصه سنک تکرار یله تزین لسان رفیت قلندینی و سرمباهات
 و اقهارینی هر شه ایصال و قلب معصاقت نثارینی انواع
 مسار و حبور یله مالا مال ایلان منشور عالی باهر المعالینک واسطه
 تبلیغی اولان بک افندی حضرتلریله سارلرینه قیو یولدا شجه
 تقدیم اولتان هدیه بهالک توفیقی قرین مساعده مکارم مقاده
 حضرت پادشاهی بیوریلور ایسه بودخی حق عبیدانه مده محض
 عاطفت اوله جنی محاط علم سامی گریمانه لری بیورلدقده امر
 و اراده حضرت من له الامر کدر

﴿ توصیه نامه ﴾

موالی گرامدن اولوب بودفمه بالاستحقاق والانتخاب بیدشهر
 سنجانی نیابت شرعی سه سنه تعیین بیور یلان فضیلتلو ۰۰۰ افندی
 داعیلری اولطرفه پابرکاب عزیزم تدر ان شاء الله واهب المأمول اماناً
 وسالماً حصول وصولنده ناصیه حال وقالندن مستبان اوله جنی
 وجهله افندی مومی الیه بالکز خدمت نیایته عائد صفات
 ومعلوماتی جامع اولیبوب خزانه استعداد مادرزادنده پک چوق
 جواهر درایت وزکا مکنوز وقوه مدرکه ومفکره سی واقف
 کافه خیابا ورموز اولدینی مثلوه شهد مصفاى الفت ومصاحبی
 دخی ضبطه فرمای شیروشکر برحمت وفا پرور اولوق حسیله دوری
 سورسی بالجملة احبا واخلاسنی دل تنک ایلش ایسه ده ماموریتک
 ذات عالیلی کی برمتصرف اکاه محسود الاشباهک زمانه
 تصادق کواکلك دافع تائر وتأسفی اولغین رشک وحسد اول
 طالعی فرخنده به که اولیه بدوست درسته مصادف ورفیق وحیف
 ودریغ اول افکننده به که انک مفارقتیله اتشرن قلب رقیق
 اوله دیرک افندی تسعید وحقنده ظهور مراعات واحترامات
 فائده قدر دانیلرینه شمیدن حصارارزو وامید الیه رفع رفته
 مخصوصه به ابتدار اولندی باقی امر واراده افندم - حضرتلرینکدر

﴿ بزات طرفدن خدیو مصر حضرت لیره یازیلان عرض حال ﴾
 چاکر کتیزی مدت مدیده برادر جنت مقرری فاضل پاشا
 مرحومک مظهر قبول والتفاتی و نائل نوائل معاونت و عنایاتی
 اولمقدمه ایکن مشار الیهک وفاتی اوزرینه بجز تحیره طالمش وانگشت
 بردهان حیرت قالمش ایدم اشبو حال ضرورت و حرمان دنیایی
 باشمه زندان ایتمکده اولدینی حالد «بارک الله ای عزیز مصر الطلیق
 و حسان» سوئسون انوار لطفکله چراغ خاندان «مدلواتجه
 بونلرک جله سی و هرکس و بیکیسی بتکرار دل سیر نعمت و مرحمت
 سینه زری اولمقدمه ایدوکنک مشاهده امثال عال العالی قلب مأیوس
 محزونانه می غبار یأس و اکداردن خالی ایدرک «کورمسون باد
 کدورت کلشنک» اولسون افزونتر همان عرک سنک «مصر طریخی
 و «رحمتی سندن دریغ ایلمی ای بیچاره کیم» خاکه دو شملکه حقیر
 اولمرضیای افتاب «یتلرینی» ای خدیو کشور جو دو عطا «مرحمت
 قبل عبد موروثم سکا» ز نمانیه برابریاد و قاطبه احوالده صدقه صحت
 متمادیه افخمیرینه احتیاجی عرض و ایراد ایله تصدیقه مجامیر
 اولدم باقی امر و فرمان حضرت ولی الامر کدر

﴿ استعطافی شامل عرض حال ﴾

جناب حی لایموت روح بر فتوحنی کلشنسرای جنتمه ارایش
 کاشانه خلود و ثبوت بیورسون برادر اکرم زاده لری مصطفی
 فاضل پاشا مرحومک سایه کرموایه لرنده بر چوقی عجزه
 و بیچارگان دل سیر نم فراوان اولدقلری مثللو قوللریده مدت
 مدیده حصه دار عنایت والتفاتی اولهرق بالاھل و العیال

صدای شوق و شادی عجزانه از اوج آرا ایکن وقوع ارتحال
 سائر بندگانی کجی بوعبد بیکی دخی سوزناک ایدرک آه و ناله
 ز بروم ترتیب ایدوب «چالینور سینه مده چنک اضطراب» مدلولی
 بر طرفدن و «کوکل تأثیر خله ناله زندر» جهان شمعی بکا
 بیت الحزندر « مصرعی جانب دیگر دن قانون عقل و افکار چاکر ایمی
 تازومار و فسحتسرای عالی باشمه تنک و طار ایلدی علی التحقیق
 اویله بر منم شفیع دن دور اولدقدن صکره تمنی حیات هر کون
 ترجیحی عیات حکمنده ایسه ده نه چاره که عمر قریب الزوال هنوز سفره
 زندگانیدن دست کش بر نوال اولدوب باشمه بولنان فقیر و فقیره لاله
 صدقه شیه سنه محتاج اولدینم ذات معالیمات خدیوی مشروبات
 مشار الیهک هر بر بنی علی مقادیرهم تطیب و دلشاد ایلیه رک
 بالکر بوبنده بزخموم محروم قالدینمه بناه کمال شرم و حجاب
 و مزید ضرورت و اضطراب ایله تصدیقه جوارت ایلدیم باقی
 امر و فرمان حضرت ولیة الامر کدر

﴿ رکاب رسم عالیسنه ددونی شهر تذکره ساه ﴾

الله عظیم الشانک دولت و ملتیه برهان امداد و نجات صمدانیسی
 اعلان و سمای معلاى خلافت عظمایک تنور و تشریف حقنده می
 اراده یالغه سبحانیسنی تبشیر و بیان بیوردینغی وقت مشهود
 بحجت نمود که ولی نعمت بیستمز پادشاه عدیم الاشباه
 و شهنشاه مکارم اکتناه افتدمنر «خضرتلریک زینت پاش
 شوکتسرای وجود بیبود اولدقلترغی لیله برات نغفرت ایاندز
 فحمدأ ثم جدا اول شوب میئت موصول بوسنه دخی تقرب

و حلول ایلدیکندن معناد اولان اکرکاب رسم عالیسنک اشبو شعبان المعظمک اون بشنهی کونی ساعت بش قرارلنده اجراسنه مساعده سنیة جناب پادشاهی شایان بیورلغله البسه عیدیه نک اکتساسنه رغبتله وقت مذکورده تزیین موقع رسمه همم عالیة نجابتناهیاری بیدریغ بیورلسی اخطارینه اجتسار اولندی بقی امر و فرمان حضرت ولی الامر کدر

﴿ قدمای مشیران عظامدن بر ذات طرفندن مأموریت ﴾
 ﴿ تشکرینه دائرهاین همایونه یاز یلان عریضه ﴾

دیناده شودردیه چک و مقابلنده زجای مکافات ایده چک هیچ بر دکرم اولیوب مایه مباحات و مابه الحیات عیدانم یالکر استان احسان ایوان جناب پاشاهانه لریه عبودیت و مخلوکیت مخصوصه بندکانه اولدیغی درکار ایکن اشفاق جلیله حضرت شهنشاهیاریه نهایت و علوهیت سعادت ایت شاهانه لریه کوله پرورلکنده انتها و غایت اولدیغنک دلیل جسدی اولق اوزره بودفعه دخی مظهر بیورلدیغم لطف و عنایت سنیة خلافتناهیاری بوی و بعد کهنه سال پریشان احوالی یکی باشدن احیا اتمکله بالاهل و العیال و بالقد و والاصال مواظب اداسی بولندیغز افزایش عمر و اقبال و شوکت و اجلال جناب ماوگانه لری دعوات خیره سی بتکرار رفع اجابتگاه پروردگار اولتمکله برابر پیرانه و مورانه باب میامن مناب ظلیتناهیاریه وضع جین ابهال و ضراعت و تقدیم تشکرات عظیمیه مجاسرت قلندی بقی امر و فرمان شوکتلو عموم جهانیه مرحمتلو پادشاه مکارم سمیر و شهنشاه قدیم النظیر اقدمن حضرتار تکدر

﴿ دیگر بر ذات طرفندن ، اموریت تشکر به دائر مابین همایونه ﴾
 ﴿ یاز یلان عریضه ﴾

هیچ برنده استحقاق و لیاقتدن اثر و صبه علیای اسمان
 اعتلای جناب پادشاهی به عبودیتدن بشقه شرف و ذکر
 اولیان ارکان خاندان عجز نشان عیدانه من شمدی به قدر
 هر فصل نم و عواطفه نائل اولش ایسه هپ اسایش بخش جهان
 و تاریخ تأبد دولت ال عثمان اولان زمان فیض افشان
 شهشاهینک نمره و منفعت پیامی یعنی نام رقیب اتسام
 مملوکانه من مستور پرده نسیان اولدینی حالمده درجات
 حاضر به اتصال کمرانه من بلا واسطه چراغ خاص
 باهر الاختصاصی اولدینمز ولی نعمت بینتمز پادشاهمز افندمز
 حصه تزیینک محض لطف و عطای حیات افزای اولدینندن
 بونلرک ایضای تشکرده عجز و قصورمز بر کمال و مقابله زنده
 نقش نعل اشهب همایونه فدای سر و جانندن فیری سرماییه
 داری محال اندر محال ایکن بودغه دخی حق عیدان
 استان کیوان ابوانده بی دریغ و شایین بیوریلان رحم واحسان
 عالی حضرت جهانبانی همیزی یکی باشندن احیا واسیر
 و همراده خاک حقیر اولان مفارق چاکرانه منزی ایصال فلک
 اثیر ایتمکله اشک شادی و مسار هیون مباحات بندگانه مزندن
 روان اولدینی حالمده جناب مولای متعال وجود مسعود
 ظل الهیسی خورشید رخشان اسمان سلطنت و عصر
 میانن حصر شهشاهیبی هنکام قوام بقای سعادت دولت

وملت بولنان پادشاه مرحمت پنا افندمز حضرتلرینی مهروماه
 واختران ملکث کردونده دوران ایلدکجه بامزید اقبال
 عال العال شرفیبرای نخت منور نخت خلافت واجلال
 وپو قوللرینی دخی همیشه اغور معالی موفور ملوکانه لرنده
 اجرای وظائف منجیه عبودیت وصادقته مظهریتله قرین
 مغفرت بی همال بیورمق دعوات خیریه و مالوفه سنک تکرار یله
 سلیمان عدیم الاقران زمان شوکت و شساکت بارگاه عالی
 بجمع الاعالیسته موراه و متضرعانه تقدیم عرضحال پریشانه اجتناسار
 اولندیغی بحاط علم حکم محیط جناب تاجداری بیوزلدقده
 قاطبه احوالده امر وفرمان حضرت ولی الامر والاحسان
 افندمز کدر

(بودخی)

وجود یسود عبیدانه مک ترکیب اصلیبی عزیز و تقصانند
 عبارت وشو حال ایله برابر شمدی به قدر مظهر بیورلدیم
 الطیاف و اشفاق جلیله حضرت ظل اللمینک ادای حق
 تشکرده لسان و وجدان مستمندانهم گرفتار تارحیرت ایکن
 بودفمه دخی ضمیمه عنایات سنیه اولیق اوزره ترفع بایه داعی
 بیوايه حقنه شایان بیوریلان لطف واحسان فرق وضع
 خاکسارانه می پیوسته اسمان اینمش اولمقله جناب خالق
 کائنات مهر و ماه کشور کردونده اجرای حرکات و اشهر
 و احوام ثبات ایلدکجه صحیفه ملوک ذیشان عثمانیانده

آیت نور و رحمت و شفقت علیاسی انظار و قلوب عالمیاده مشهور
 و مشکور اولان شوکتلو مهاتلو قدرتلو عظمتلو ولی نعمت
 پندرز شهریار مکاره کار افتدمن حضرتلرینی باصفای نام
 اورنگ معالی خلافتناهی و جهانداریده بردوام و عصر
 سعید واجب التخمید شاهانه لربیک فیوضات لانهصلسنی
 مستدام بیورمق دصوات اجابت ایاتی بالاھل و العیال
 پیرایه السنه شکر اشتمال ایلکنده یز اگرچه بو عبد بیقدره
 کوره استان کیوان ایوانه تقدیم عریضه خارج از دائره
 ادب ایسه ده علی قدر الاستطاعه قلأ دخی تعذیب نعمت
 فریضه ذمت صبودیت بولندیفنه بناء یوزرم گذرگاه
 خبول سلامت موصول خلافتناهی به مفروش اوله رق رفع
 تشکرنامه ضراعت علامه به اجتناسار قلندی باقی امر و فرمان
 و عباد واحسان پادشاه عذیم الاقران وظل الله عظیم الشان
 افتدمن کدر

﴿ حرمسرای هما یونه یازیلان عریضه ﴾

بودنیاده ذره قدر دکریم یعنی مردمک چشم افتخارمن
 شهزاده افتخارمک خدمت محترمه لرینه تشرفدن بشقه سرمایه
 فخر اورم اولدینینی حالدیه بودفنه دخی مظهر بیورلدنیم الطاف
 شهشاه عالمیاده خاکایله برابر اولان فرق چاکرانه می ایصال
 بروج مهر و ماه ایلدیکندن یوزلریمی یرله سورهرک و بابلجه
 کوله و جاریه لرینی همسرایده رک یا ارحم الراحمین جسم
 مسعود فیوضات نمود شهریارینی هر درلو کدر و تدن محفوظ

و امین و روتقطراز مدیحه مهد علیای بی همتا افتد مزی
 دخی سایه بلند پایه جهنم داریده با کمال صحت و عافیت کلشنسرای
 سرزده مکن بیور . دعای مالوف الاداسنک تکرار به تقدیم
 مرضعته جنارت و بنم کبی برعاجزک خاکبای مشرق الاعتلائی
 عصمتینا هیلرینه شو صورتله رفع عریضه به اجتناسازینک
 صفو و عاطفت مملو کپروور یلرینه مظهریق نیازیبه دخی مجاسرت
 قلندی باقی امر و فرمان و قول و احسان افتد مزی کلو

﴿ بصیرت غزنی صاحب امتیازی عزتو علی افتدی ﴾
 ﴿ طرفدن مابین همایونه تقدیم قلنان عرضحال ﴾

بر مقتضای تقدیر ممتنع الفیر خلا رکچنده من غیر اختیار
 ظهوره کلان خطا دها زیاده سزای جزا ایکن علورحم
 و شفقت عجزه نوازی حضرت شهنشاهی اقتضاسنجبه بونک
 یعنی مستحق اولدیفیم مجازات شدیدنه ک بر صورت تأدیبیه به
 نحولی محض عدالت و مرجت اوله رق ایغای تشکرده عجز
 مملو کانه م واصل مرتبه کمال وانکله برابر افتاب لطف
 و احسان فده پروری پادشاهینک بنه لعه پاش فرق خاکسار
 اوله جفی امید حیات بدیدی دخی روز و لیال مدار تسلیت
 صد فقر اشتمال ایسه ده بر فضوای (الجزء من جنسی العمل)
 کسب بدصیدانهم اولان مطرودیت بحق و حدایت چا کر کین
 ضراحت قرینی بر مرتبه گرفتار تار خیمالت و یجرویت
 ایلدی که « صکم ادم دیو مرآته نظر ایله م » مدلولنجبه
 کیسه ک یوزینه باقه جق مجال و حال بر اقامش و طلوع

مهر میر عفو عالی به انتظاراً خرابه زار ظلمت نثارده از زوایه دخی
 اعاشه لری توسط ظاهری کترانه مه مختص بولنان بیویان
 و عجزه نك مفقودیت اسباب تعیشدن ناشی فغان هر بار و فریاد
 بیقراری مانع اولمده بولتمش ایدوکندن و جناب رب حضور
 الی الابد بامزید سرور و صفای مشید رونق افزای دیمیم
 خلافت نشور بیورسون ولی نعمت بینتمز ولی نعمت عالم
 پادشاهمز افندمز ایسه اسم عزیز رحمانیک واقف اسرار
 و کاشف اثاری بولندقرندن خورشید بی زوال اسمان لطف
 و عنایت سلیمان زمان شان و شوکت افندمز حضرتلرینک
 بارگاه عواطف پناه ظل الیهلرینه خاکانه و مورانه واحقرانه
 و متضرعانه یوزل نسور بیهرك مرض حاله اجتناسر قلندینی
 محاط علم کیتی ستان شهر یاری بیوردقمده قاطبه احوالده امر
 و فرمان و عفو واحسان حضرت ولی الامر افندمز گذر

﴿ افندی مومی الیه جانبندن حرمسرای همایونه یازیلان ﴾
 ﴿ عرضحال ﴾

بودفعه بولندیمم خطای ناکهانیدن طولابی مستحق اولدیغم
 تأدیب مصیب عدالت نصیب معلوم معالی ملزوم جناب سلطانیریدر
 بصیرت غزته سننده مندرج وشو معامله عادل بی منتج
 اولان فقره نك نشر و اعلانی بحق وحدانیت صمدانی برکونه
 قصد ونیته مبنی اولماسیله برابر لطفاً و مرجه مظهر نظر قبول
 عالی اولمده بولنان اشبو غزته یه اومقوله ترهاتک یازلسی محض
 قصور اولدیغندن کسب یدماوگاهم اولان جزایه کردن بسته رضا

و تسلیمت اِسْمَه مدہ کثرت اهل و عیال و مفقودیت اسباب تعیشدن
 ناشی بونلک چهره ینیمانه و یکسانه لرندہ کورینان اثار حزن اشتغال
 و روز و لبال دیدہ لرندن سیلان ایدن دموع غموم و ملال
 فستخسرای عالی باشمه تنک و صباح امید وامل چاکرانه می
 علی الدوام شبرک ایتکده بولندیغندن و جناب رب العالمین
 بحرمت سید المرسلین جهان طور دتجه سریر شوکت مصیر خلافت
 و سلطنتده ابد میکن بیورسون خلیفه رسول الله پادشاه کرامت
 اکتناه صمیم الاشباه افتدمن حضرتلرینک دائرة نجات باهره
 عفو و عطای شاهانه لری اجرام جرم و خطادان واسع اولدیغی
 مثلوهران وزمان لوازم مقدسه مهده صلیابی اجرا و اعلان ایدن
 ذات علیه الصفات عصمتینا هیلرینک بتون بندکان و بیوایکان
 حقلرنده علوشفتت و مرحمت سنبه لری دخی مشهود و صیان
 ایدوکندن صحت و واجبه المحمدت حضرت ظل اللهی به صدقه
 و سبب زفران مجرمان و « حضرت عبدالعزیزک طوغدینی
 شدر بوشب » مدبجه سنه مظهریتله غبطه فرمای شبان اولوب
 تقرب ایلگده بوانان لیله برات سعادت اياته حرمة عفو قصور
 عیبانه مه د نالت مساعده مکارم افاده ولیة النعمیلری بی دریغ
 و شایان و اولوجهله بالعموم کوله و جار به لری احیا و خندان
 بیورلسی نیازینه جسارت قلندی باقی لطف و احسان و عباد
 و فرمان افتدمن کدر

﴿ بذات طرفندن حرمسرای همایونه یازیلان اشکرنامه ﴾

عتبه علیای مراحم احتوا به عبودیت شرفنی - رازه استحقاق سزلق

شویله طورسون کردونه عصمت نمونه معلاتك خدمت معززه
اداره سنده یولسان قیو یولداشلمك الذكوجكته بیله اظهار
انتسابه قطعاً لیاقم اولیوب شو عجز و افتخار ایله برابر جسدوجان
رهگذار میعت انار شهنشاه جهان وضار پای فیض بخشای
سلطان باهره الاحسانه ذفا و بوکا شاهد عادل حضرت خدا
اولدینی والحاصل نه ذره ونه ده قرنجه قدر دگرم یعنی
قولقدن غیرى سرمایه فخر اورم و بو تکه معاول و اخر مظهر
اوله کلدیکم لطف و کرمك ایضای تشکر بنده کفایت وهنرم
اولدینی حالده بود فعه دخی نائل اولدینم عنایات عالیه عبد
کقدری احیا ولوامع جواهر افتخار ایله فرق مباهاتی ایصال
سما ایش اولغله جناب رب منان بعزت ایضای معالیشان
و بحرمت سور شریفه قرآن عالمک پادشاه بی اشباهی و دولت
وملتک محیی خاص صدم الاشتباهی اولان ولی نعمت بیستیز
شهر یار مکار مکار معدلت انار افتدمنز حضرت تلرینی جهان
طوردقجه بمر برارای شوکت و سلطنت وریره سنک بلب
فیض مای تاج مفارق تعظیم و ابتهاج اولان ذات مرحت ایات
ولیته تعمیرینی دخی سابه بلند پایه شاهانه زنده وافندی
زاده مز ایله بلکه همیشه رونق افزای کلشنسرای عافیت
وصحت بیور مق دعای واجب الادامتک تکرار ایله تزین لسان
شکرانیت اولن مقدمه ایدوکی محاط علم حسنات شمول جناب سلطان یاری
بیورلدقده امر و فرمان حضرت ولیة الامر افتدمنز کدر

﴿ شریات ﴾

سیسندی هوا طرف چزاری نم الدی
 بلبل یوه دن اوچدی کستانی غم الدی
 باغدر بوز یلوب بزم وفا شکنه کیردی
 کلزار محبتده ینه شنگ ازالدی

دکون سنی البته ایدر واصل جانان
 بو آه سحرکاهله بو حال پریشان
 باق بلبله صبر ایله کوکل ایله افغان
 هنگام کله نوش مله شونده نه قالدی

حیرته بنم سوزشمه آتش سوزن
 طوفان قضا جوشش چشنامه خیران
 جانمدهن اوصاندردی بی ناز طیبیان
 بیچاره کوکل پستر محنتده بوالدی

داغرا اچدی آتش عشقک دل ناشادمه
 چاره سازم مرحتکارم یتیش امدادمه
 طاغرا اغلار جو یلر چاغلار بنم فر یادمه

تقرات

چاره سازم مرحتکارم یتیش امدادمه

ایلسه ایمای وصلت غزه ناز ایتمه راج
 درد عشقه حضرت لیمان یله بولز علاج
 ایله ای دل یاره بومصرعه عرض احتیاج
 ایضاً



سینه برسوز وجکر صد یاره جسم داغدار
 عقل وفکر صبر وسامانم خیالم تارمار
 حاصلی هروجه اولدم خراب دلفکار
 ایضاً

نار جانسوز درونم طاغله داغله اچار
 درد اوجاغندن سماواته قغلیملر اچار
 سوزشندن سینه مک پروانه خوف ایله اچار
 نقرات

افتراق یار ایله کوکلم کوزم قانلر صاچار

خاطر ناشادی مجروح ایندی تیغ اشتیاق
 صاپلانوب قالدی جگر کاهمه بیکن فراق
 غالباً ایتمش فلکله بخت ناساز اتفاق
 ایضاً

خسته عشقم دل زاره دوا امر محال
 کلسه ده اقمان دخی بیهوده ایله قیل وقال
 ایتمسون دردم ایچوز غیری اطبا اشتغال
 ایضاً

قانلی ظالم ایلهز چشمان خونریزه نظر
 بزم میده مست اولوب پیکانه به کوزلر سوزر
 ناولک مژگانی صحن قلب کنعانده کزر
 ایضاً

ایتمدک بر لحظه احیای خاطر و برانمی
 عزمک واری سکا قربان ایدرکن جانمی
 مشعل ایتمشکن رکابینه دل سوزانمی
 سینه پردانمی باقدک قوروتدک قانمی

بوش یه آه ایتمسون مجلسده قلب ناله ساز
 کیرمیور سمع قبول یاره فریاد و نیاز
 اوله سرمست غرور اولمشکه اول کلبرک ناز
 الامان اولدم دیسم کوش ایتمیور افغانمی

هی نه بی پاک آفت جانسنکه ای قاشی کمان
 هپ شهیدناوک مژگانک اولش عاشقان
 هی نه خونیسنکه ای اشوب دل ای بی امان
 چشمه خون جگر کاه ایلدک چشمانمی

بوق نهایت شفقت واحسانکه
جان فدادر باب فیض افشانکه
ویرسون حق انتها دورانکه

نقرات

جان فدادر باب فیض افشانکه

ای سریر سلطنت پیرایه سی
ای حیات دولتک سرمایه سی
ای خدایک ظل قدرت وایه سی
ایضاً

ای جهانک پادشاه اقدسی
شاد ایدر لطف جلیلک هر کسی
ایلدک احیا بوعید بیکسی
ایضاً

روح نور بردک بوجسم مرده به
بخش شوق ایتدک دل پژمرده به
سندن اوز که شاه کیرمز دیده به
ایضاً

برقرار اولسون افندم دولتک
دهره فرویرسون فروغ شوکتک
یک محال ایقای شکر نعمتک
ایضاً

پادشاهم هر زمان فرمان سنک
دأما فرمانبرک دوران سنک
قول سنک احسان سنک کنعان سنک
ایضاً

ای پادشه سلطنت ارای یکانه
ذاتکدر ایدن بخش شرف شوکت وشانه
نور کرمک منتشر اقطار جهانه
نقرات

ذاتکدر ایدن بخش شرف شوکت وشانه

ای سایه حق لشکر نصرته برابر
فرمانکه وابسته سراسرنک عسکر
تخت اوله ده در مهر وجود کله منور
ایضاً

ای مظهر انواع فیوضات الهی
مقبوط سما جسمک ایله سند شاهای
اقبالک اوله حشره قدر نامتاهای
ایضاً

افزونتر ایدوب عمرکی اجلالکی الله
ایسون در شوکت مفرک ملثم افواه
یوق پادشهم سن کبی عالمده شهنشاه
ایضاً

اولورسه شرفیاب قبول ای شه اعظم
هر مصرع مجموعه اولور رونق عالم
سایه کده سنک پای وکدا اوله ده خرم
ایضاً

اولمسه قولک عارف اکر قصه موره
عرض ایتز ایدی تحفه ناچیزی حضوره
قیل مرحت ای کان کرم باقمه قصوره
ایضاً

اول قاشی کان جو روجفا یاخی قوردی .
تیرنکمی مرغ دل زاری اوردی
پیکان غمی کجی جگر کا همه طوردی

نقران

ماشقلمی ناللم خلقه طو یوردی
سلطان قدر نیلیم بوله یوردی

مهیور اولهل اول کل نادیده ادادن
قورتلدی بیچاره کوکل خار جفادن
فریادمک هکسی کلپور سمت سمدان
ایضاً

مژگان اوق سینه مده ایدوب کارخی اجرا
خون جگره چشم تری ایلدی مجرا
یارک ایشیدوب کولدیکنه اخلام اما
ایضاً

با که همدم ایلین ای غم سخی
بر ککول بر بخت بر چرخ دنی
بیقدبران جانندن باوچ شیدرینی
تقران
بر ککول بر بخت بر چرخ دنی

کیجه کوندز با که قانلر اغلدان
سینه می سیخ فراقه داغلدان
باشمه شو دمه قاره باغلدان
ایضا

باشمه دنیایی زندان ایلین
قلبی هم حال نیران ایلین
دیده می کریان کریان ایلین
ایضاً

نعمت وصلك همچون ای غنچه لب
ترك جان ایتمکده بر شیمی عجب
افتراقه اولسه ای مه سبب
نقرات

ترك جان ایتمکده بر شیمی عجب

اولك اول شوخ پری اندام همچون
بشقه دولتدر دل ناکام همچون
راده عشقنده بقای نام همچون
ایضا

نار عشقک سینه ده پنهان ایکن
عاشقک شانی فدای جان ایکن
چشم دل رخسار که حیران ایکن
ایضا

ر کور شده ای کل باغ ادا
چاره سز کفمانی ایتک مبتلا
بویله قالورسه بلای ابتلا
ایضا

نار عشقکه سنک ای نوجوان
دوندی آتشرزه جسم ناتوان
حسرت خالکه حال اولدی یان
تقران
الامان آهو باقشلم الامان

سینه مجروحک ای جان پاره سی
کوزکوز اولدی حسرتکه یاره سی
لطفکه قالدی بوزجک چاره سی
ایضا

قالدی کوکلمده آرام بوسکون
حالم اولدی عالمه حیرت نمون
بنجه جورکده قالدیم بک زبون
ایضا

کوکل تأثیر غمگانه ناله زندر
جهان شمعی بکا بیت الحزندر
بسای فرقتند نمی نذندر
نقرات
جهان شمعی بکا بیت الحزندر

سباوار یاره بمخمدن فغان ایت
کوتور خوناب چشم ارمغان ایت
سورارسه حالی بوبله بیان ایت
ایضاً

بی منع ابتدی هجرانک املدن
یقادی خانه خاطر تملدن
بن ارتق احترام اتم اجلدن
ایضاً

سکا ای یار حال آگاه
هزاران گره ماشا الله
جبال وطور که هرگاه
تقرات
هزاران گره ماشا الله

یراشمشدر کل زیبا
نظردن صاقلاسون مولا
سکا ای دلبر رعنا
ایضا

اوخال وخط وایرویه
اوزلف یاسمن بویه
هله اوسنده کی خوبه
ایضا

مست زهر فرقت و هجرانکم
خسته نوید و بی درمانکم
بن هلاک ناوک مژگانکم
سودیکم شایسته احسانکم

دادایدوب کلام درد دیوانکه
ال اوزاتم دامن احسانکه
رد فریاد ایتمه دوشمز شانکه
بن سنک اسکی قولک قربانکم

(دیگر)

اوصاندم اغلابوب آه ایلمکدن
ندر بو چکدیکم ظالم فلکدن
ربابه دوندی سینهم ایلمکه مکدن
تقرات
ندر بو چکدیکم ظلمه فلکدن

بنی دتلون ایدر زحم کدرله
ویزنشته دمامم درد سرله
بتون کون جنک ایدر بخت وقدرله
ایضا

درد عشقدن اولدی آگاه آه
یاره تأثیر ایتمدی ایواه آه
اولدی عزم صبر وسامانم تپاه
نقرات

یاره تأثیر ایتمدی ایواه آه

یک پریشان اولدی قلب ناله ساز
کیلمره افسون عجب عرض نیاز
اولدیرر آخر بنی بوجور و ناز
ایضا

تیرنالم رخته وردی مرمره
سوزش سینهم طاعلدی هریره
باق نلر اچدی فلاک دردلی سره
ایضا

باج فیه

اوبقو کیرمز دیده کربانه
اونغرامز شوق و مسرت یانمه
نیلدم بیلم بن اول جانانمه
ایضا

۱
۲
۳
۴
۵
۶
۷
۸
۹
۱۰
۱۱
۱۲
۱۳
۱۴
۱۵
۱۶
۱۷
۱۸
۱۹
۲۰
۲۱
۲۲
۲۳
۲۴
۲۵
۲۶
۲۷
۲۸
۲۹
۳۰



سوزناك آتش عشقم يتش فریاده كل
الامان اطفای نار قلب غمعتاده كل
زحمت اولزسه سكايت خراب آباءه كل
نقرات


مرحت قبل داده كل انصافه كل امداده كل

بن خراب صدمه هجرانكم ای مهوشم
بك یتقدر اشتیاقكله دل محنتكم
جویبار التفاتك ایله سوندر آتشم
ایضاً

دور ایدر دلدۀ فراقكله اینن ونالهر
دیدده جوش و خروش ایلردم سیالهر
سینه دن چیتمده هرشه آتش جوالهر
ایضاً

پنه حبه ایله

بن کبی ای نار جانسوز فراقه یانه سی
دردك ایتدی سینۀ برداغی آتشناه سی
یاندی كل اولدی مدد عشقكله دل کاشانه سی
ایضاً



10~





